





शिक्षक दिवस  
1981





शिक्षा विभाग राजस्थान  
के लिए  
चिन्मय प्रकाशन  
पौड़ा रास्ता, जयपुर 302003



© शिक्षा विभाग राजस्थान, बीकानेर

शिक्षक दिवस के अवसर पर  
शिक्षा विभाग राजस्थान  
के लिए

प्रकाशक : विन्मय प्रकाशन, चौड़ा रास्ता, जयपुर-302003

मुद्रक : जयपुर मान प्रिन्टर्स, चौड़ा रास्ता, जयपुर-302003

आवरण : पारस मंसाली

सन् : 1981

मूल्य : 9-60

---

SIRJAN (Rajasthani Vividha) Edited by : Tej Singh Jodha  
Price : 9 60

## आमुख

राजस्थान के शिक्षक साहित्यकारों की साहित्यिक रचनाओं को पुस्तकार प्रकाशित करके आज के दिन पाठकों के हाथों में सौंपते हुए मुझे अत्यन्त खुशी है।

खुशी इस बात की भी है मुझे, कि हमारा अध्यापक-वर्ग, स्वाध्याय और चिंतन की राहों पर है, तथा साहित्य के सृजन एवं संवर्धन में साधक की भाँति तत्परता से लगा है। यही नहीं साहित्य की गतिशील धारा के साथ नित नये सृजन के प्रतिमान भी स्थापित कर रहा है वह—वस्तु, शिल्प एवं अभिव्यक्ति के स्तरों पर।

जिस तरह से अतीत में शिक्षक-साहित्यकारों ने साहित्य की श्रीवृद्धि में योगदान किया था, चाहे काव्य-शास्त्र के सिद्धान्तों की रचना का कर्म हो या साहित्यालोचन के मानदण्ड निर्धारण की जरूरत, उस काल के प्राचार्यों व शिक्षकों ने उक्त विषयों में अपने गहन वैज्ञानिक चिन्तन की छाप अंकित की थी तथा काव्य, नाट्य, निबन्ध, गल्प आदि विधाओं में कालजयी कृतियाँ दी थीं, वैसे ही संतोष के साथ मंजूर इतना तो स्वीकार किया जा सकता है कि राज्य के हमारे ये शिक्षक-साहित्यकार एक संकल्प के साथ साहित्य सृजन से संपृक्त हैं। रही बात शाश्वत मूल्य के साहित्य की—तो इसका मूल्यांकन करने वाले हम कौन हैं, आने वाली पीढ़ियों को देखना है वह सब।

शिक्षा विभाग ने सन् 1967 में 'शिक्षक दिवस प्रकाशन योजना' प्रचारित करके शिक्षकों से साहित्य साधना में तत्पर रहने का जो आग्रह किया था, वह विगत 15 वर्षों से अनेकवार-अबाध चल रहा है। विभाग की इस योजना की न सिर्फ स्तरीय पत्र-पत्रिकाओं में प्रशंसा हुई है अपितु अन्य

राज्यों ने भी सराहना की है तथा उन्होंने अपने वहां भी ऐसे प्रयास प्रारम्भ किये हैं।

इस वर्ष के पांच प्रकाशन हैं :—

- (1) भ्रष्टों का हिसाब (कविता) संपा : सर्वेश्वर दयाल सक्सेना,
- (2) अपने से परे (कहानी) संपा : मन्नू मंडारी,
- (3) वंदेमातरम् (निबंध) संपा : विवेकीराम,
- (4) एक दुनिया बच्चों की (बाल साहित्य) : संपा : पुष्पा भारती,
- (5) सिरजण (राजस्थानी) संपा : तेज सिंह जोधा

प्रस्तुत संकलन के रचनाकारों को मेरी बधाई तथा बशस्वी संपादक श्री तेज सिंह जोधा के प्रति मेरा आभार, कि उन्होंने अतिरिक्त श्रम करके शिक्षकों की ढेर सारी रचनाओं को देखा-पढ़ाया तथा उसमें से धैर्य व संभावनायुक्त को संकलन में स्थान दिया। साथ ही प्रकाशकों का भी मैं आभारी हूँ जिन्होंने तत्परता से ये पुस्तकें यथासमय प्रकाशित करके हमें सहयोग दिया।

शिक्षक दिवस, 1981

—भरीक कुमार पाण्डे

निदेशक,

प्राय. एवं माध्य. शिक्षा

राजस्थान, बीकानेर

## बतलावण

इए बार शिक्षा विभाग री सालीणी राजस्थांनी पोधी रै संपादन री ओसर म्हन मिळियो, अर इए मिस आप सगळा राजस्थांनी रा अध्यापक लिखारां नै भेकठ बतलावा री मोको । पूं आप में सूं केई लिखारा नै म्है पैला सूं ईं जाणूं । राजस्थांनी पत्र-पत्रिकावा री संपादन करतां आप में सूं केई लिखारां री रचनावां रै आमी-सामी होवा री जोग-संजोग म्हनै पैला ईं केई बार मिळियो ।

म्है इए बात नै मानूं, अर म्है ईं काई राजस्थांनी साहित रै काम में लागोड़ी अकूअक आदमी इए बात नै आधी तरिया मानै, के आप अध्यापक लिखारा, राजस्थांनी नै केई भात सूं फळिया । जे गिणती रै हिसाब सूं ईं देखा, तो आपनै टाळियां पछै राजस्थांनी मे की न काई वचै, लिखारा ईं कठै, फगत आंगळियां माथे गिणा जितराक ईं नांव रैय जावै । अर साहितिक मानता रै नगीणै ईं आप किणी सूं घांट कोनी उतरौ । केन्द्रीय साहित अकादमी सूं लगा र राजस्थान साहित अकादमी ताईं रा सगळा पुरस्कारा मे सदा आपरी उछळपांती रैवै । करतां नी करतां आज री घड़ी आप लोगां में पांव-सातेक नाव ती । पकायत ईं अँडा, जिकां री साहितिक रैठ-पैठ अर मानतां में किणी भात री रौळी-दावी कोनी । जे राजस्थांनी साहितकारां री पैली पांत रा नाव गिणावणा होवै, तो वां मे अन्नाराम सुदामा, नरसिंह राजपुरोहित, कल्याणसिंह राजावत अर सांबर दइया इत्याद रा नाव तो पैल चोट ईं लिया जाय सकै, जिका के आप लोगा मे सूं है ।

इए सगळी बात री अरथ ओ, के आज री जिळियां आप अध्यापक-लिखारा राजस्थांनी री सावठी पूंजी हो, अर राजस्थांनी आप सूं घणी आस-



उम्मीद राखी । इए सांच रो मरम भेकूभेक जणी आप आपरे जीव में जतन  
सूँ लाटां-भोटां संभाळ'र राखी ।

भाई साल शिक्षा विभाग आप लोगां री रचनावा री पोधी-रूप काई ।  
उए पोधी-रूप न आप ई देखता-करता होस्यो । कितरी भाद्री ती छपाई घर  
कितरी नामी सिलगार सानोसान पोधी री ! भेकर ती देखी ई जीव  
भाप । बारें सूँ बुलायोड़ा संपादक फेर न्यारा । आप मुद ई मानस्यो के  
विभाग ती मुद कानी सूँ कियों बात री घाटी राखे भाय कोनी, रचनावांत  
ती लावे कठा सूँ, वं ती आप ई भेजतो, जेड़ी होमी ।

लारला तीन-चार बरसां री पोध्यां आप देखी बहीला । भेक सास  
ढाळी री भेकरसता वां मे लागे । कीं लेखक इए बात न जाणगा के भाई  
साल घांरी कथावा ई छपसो, कीं कवितावां री भंदाज कर लीधो, कीं लिखारां  
न रेखा-चित्रां री सळ लाघगी, बचियोड़ी विधावा री बांट-चूट ई सगळा  
आप आपरे भनाग्याना करली । अब संपादक कने करवा न र ई काई गो ?  
वो ती परबस ई बहेगी । आपरे नचायो ई नाचसी । ब्यूँ के न्यारी न्यारी  
विधावां र पेटी भेक सास किसम री मोनोपोली घर बांट-चूट ती पैलाई  
बहेगी, सो वां वां विधावां में ती आपरी भेजियोड़ी रचनावा ई छपसो, भलाई  
उगणीस भेजी घर भलाई इक्कीस । घर जद छपणी इए भांत पैला सूँ ई  
ती बहेगी, ती इक्कीस भेजवा री लाचारी ई कुणसो ?

भां पोषिमां री भेकरसता कीकर सुट, घर में पोषियां रीत री  
रायतो बहे'र ई नीं रेंग जावे, इएरी जतन विभाग न ई करणी पड़सी,  
घर आपने ई । ब्यूँ के खतरी ती मोळू-दोळू है, घर उएरी सखाव म्हनें  
साफ-साफ होवे । आपां सगळां मे ई स्थितिशीलता कीं बेंगी भावे, घर  
आपां जड़ होवतां जेज कोनी करां ।

विभाग न ती म्है यो सुभाव देखूँ के वो संपादक न भन बगत भावे  
नीं चेताय'र काफी दिनां पैली सूँ ई साथे लेख लेवे, लिखारां न ई उएरी  
नांव री पती पैलां सूँ ई पटक देवे, घर पछे संपादक जिण भांत इए काम  
न करवी चावे, उए में संपादक री पूरी सहयोग राखे । इजी भासावां मे ती  
व्हो नीं व्हो, राजस्थानी जेड़ी भासा में ती इए भांत काम सूँप्यां ई ज्यादा  
अरघाऊ नतीजा आप सके । इए सूँ विभाग री परेशानी ती जरूर बढ़सी,

पण पूरी प्रक्रिया में साथे होया संपादक नई ई काम करवा री आरुंद आसी, लेखकों री मनीबल ई बधसी, अर इण शिक्षक दिवस योजना री पोधी री रूप ई सालोसाल सवायी भैती जासी ।

लिखारां सून, खासकर वां लिखारां सून जिका अध्यापक है, अर राजस्थानी रा मानीता साहित्यकार बाजै, आ अरदाम करस्युं, के वैं किणीं बहम या लापरवाही री बजह सून इण योजना री पोधियां मे छपणी फगत अेक औपचारिक सो काम नी मानै, अर, आपरो नवै सून नवो अर बढ़िया सून बढ़िया सिरजण आई साल आ पोधिया नै सूपैं । जदई आं पोधियां री साप बड़सी, अर आप जेड़ा मानीता लिखारा रै विभाग में होवण री फामदी विभाग नै, अर विभाग रा दूजा नवा लिखारां नै मिलसी ।

इण धार-जिकी रचनावां म्हारै बानै संपादन सारु आई, वा मे सून जरूर की रचनावां चरचा-जेड़ी लागै, अर म्है अवस कर वाई रचनावां री चरचा अठै करस्युं ।

सरूपोत में कथावा नै लो । सवाई सिध सेखावत री 'कूपल' इण पोधी री आछी कथा है । उण नै कथावा रै पेटै इण धार री उपलब्धि कैय सका । जोध-जवान भैती करसै री बेटी नै जद ब्यांवती गाय री सार-संभाळ करणी पड़ जावै, ती गाय रै ब्यावण री या पूरी घटणा अेक भविस री संकेत देवती थकी जाणै उणी रै मावीभाव घटै । उण कंवारी कन्या री मनंगत मोधै आवता भांत-भांत रा रंग, अर बठी ब्यावण मत्तै आयोड़ी गाय री पीड़ रा भावळियां भरता दरसाव, कथा में अेकमेकसा होयीड़ा लगवै । कथा-विकास रै साथे-साथे पाठक उण लड़की नै लुगाई बणतां देखै, अर कथा निबड़ता-निबड़ता जच्चा होवण री सपनी उण लड़की री कूल मे कुलमुळावण लागै । अर उण लड़की री मन ब्हे, जाणै अवार ई जाय'र मानै पूछै— "भावड़ी घूं म्हनै कद परणारी ?" अर इण भांत अौचक ई वा कथा उण लड़की रै मां बणवा सून जुड़िये थकै परणीजवा रै कोड अर लाज में लुक'र निबड़ जावै—अेक ठावो असर छोडती थकी ।

दूजी भली कथावां में सांवर दइया री 'सजा' अर मुरलीधर मरमा 'विमल' री 'मावड़ मन' री तांव आगी । 'मजा' री कथा अध्यापका रै जीवण

नै ले'र चाले । प्रमोसन होयां जद किलीं अध्यापक नै नगर छोड'र गांवड़िया-गावां मे जावणो पड़ जावै, तो कोकर वो प्रमोसन उणरे वास्ते सजा होय जावै, इणरो बखाना आ कथा करे । इणरे असावा अध्यापक रे जीवन में कितरी निरासा, कितरी फालतूपणी अर, कितरी कम उम्मीदां रेंगी, आं सब रो दधियो-दवियो जिकर ई इण आखी कथा में सांचरियोड़ी लागै । 'मायड़-मन' कथा इण सँघे-मँघे सांच नै दरसावै, के मायड़ रो मन तो सेवट मायड़ रो ई मन छै । कितरीई क्यूंनों ब्ही, उणरे हायां बेटे रो नुकसान तो हरगिज ई कोनी होवै । इण कथा मे बड़ी बेटो माने कूट'र घर वारै काड़ देवै । सरूपोत में तो दूजा घर वालो रे साथै-साथै मां रे मन में ई रोस होवै, के बेटे नै सजा मिलणी चाहिजे, पण सेवट बेटे रे खिलाफ अदालत अर पुलिस रो कारवाई करती वा तैक जावै । बाकी सगली बातें नै तो कथाकार आछी तरियो विगताय दी, पण जे मा रे मन में आयोई इण आँचक बदलाव नै ई कीं खटकदार तरीकै सँ तातो, तो कथा रो खबसूरती बघ जावती । ओ बदलाव कथा में हकनाक अर अकारण सो अयोड़ी लागै, जद के ओ ई कथा रो मरम हो ।

नरसिंघ राजपुरोहित क्यूं के राजस्थानी रा पुराणा अर टाळका कथाकार है, सो वँ आपरो 'बोलाऊ' कथा नै निभाय तो परी छोधी, पण इण कथा नै बांरो टाळकी कथा नी कैय सका ।

कथावा रे पछे निबंध अर रेखा-चितरामा रो जिकर करस्युं । प्रिलीक गोयल रो 'लोग के कैवला' आपनै हास्य अर व्यंग रो आछी निबंध लागसी । मास्टर रामसरूप जी मे हेडमास्टर होयां पछे काई काई, बीती, इणरो मजैदार जिकर आप पड़स्यो । पाँवड़े-पाँवड़े 'लोग के कैवला रो डर' । सावचेती रो कागली कद हेडमास्टर जी में बड़'र धोले, तो कद हेडमास्टरणी जी में । दूजा निबंध में अमोलकचन्द जांगिड रो 'डर' निबंध ई आपनै पसंद आसी, रासकर भासा रे तालके । रेखा-चितरामा रे सीमं रामनिवास सोनी रो 'पोकर गरु रो वाता' अर दिलीपसिंघ चौहान रो 'डूंगरींग जी बांका' पाठकां नै मन लगायो राखवा रो खासो सामान देसी ।

धन कवितावा रो चरचा ली । म्हारे कर्न पुगी सामग्री मे गद्य-विधाया करता कवितावा ई बेसी ही । इण सँ अंदाज म्हयो के अध्यापक-लितारा में ई कविता निरुपा रो चरसी पणी । डेट दूहा सँ लगा'र गीत, गजल अर

जिएन नवी कविता कैव, उए सकात री, सब भोंतरी रचनावां म्हारै सांमी आई । की कवी भयस ई ध्यान खोजे । भगवतीलाल व्यास, स्वामसुंदर भारती, रघुनन्दन त्रिवेदी, भागीरथ सिध, भाग्य, सिध मृदुल, कल्याणसिध राजावत अर रामेस्वर दयाल थीमाळी रा नांव भेड़ा कवियां में लेवां जेड़ा । इएवार म्हें रेडियो रूपक रै आटे ई भेक कविता नाटक दिथी—कल्याण सिध राजावत री 'नुंगरी होग्यी नेह'; भवस ई भी नाटक आपनै दाय आसी ।

दूजी की बिधावां नै इएवार, रचनावां आछी नी नाग्या म्हें टाळ दी । भेक उपन्यास ई आयी हो, रामनिवास सरमा री 'भामळ', अर हो ई आछी, एण पेजां री सांकड़ेली जाण उएनै छोड देवली पड़्यी । इए बात री ध्यान ई म्हें राख्यो के बेसी सू बेसी लिखारां इए में छपे । इए वास्तै जिका लिखारां री भेक सू बेसी बिधायां मे रचनावां आई, यांनै ई रचनावां आछी होता यकां ई घणकराक भेकई बिधा रै सीमै लिया ।

आ तो ङ्ही पोथी पेटे रचनावां री चरचा । अब म्हें की दूजी धातां री चरचा ई आपरै सांमी करस्युं ।

सबसू पैला तौ भासा री चरचा ।

आप-म्हे राजस्थांनी रा लिखारा तौ न्हईया । राजस्थांनी में बकामदा लिखणी सुरू कर ई दियी । अब म्हें आपनै कैऊ के आपां भासा सीखणी सुरू करवा । बीस चाल री राजस्थांनी सू आपां री चाको घणा दिन कोनी भिकसी । जे लेखक होवण री लांबी हर राखस्यां, तौ आपांनै भासा सीखवा रा दूजा मारण ई सोधणा पड़सी । मान लीथी के आपांनै स्कूलां अर कॉलेजां में कामई सू राजस्थांनी सीखवा री मौकी कोनी मिलियी, एण भी ओछावो कितराक दिन लेस्यां, अर सेतक होयां लेवण ई कुण देसी ? भेड़ी ओछावो लेता भूँडा ती लागस्यां ? लेखक होवण री तौ आपां बिचारी हां, ओ तो आपांरी गोदम है के भासा नै कठै-कठै सू वपरावां अर सीखां, दूजां नै इए सू कांई तल्ली-मल्ली ?

फो मारण म्हनै सूभै, आपनै ई सुभता होसी ।

आं घरतां में राजस्थांनी री जूनी साहित खासी छपियी, लोक साहित ई निरो मुंडागे आयी, ओछू-दोछू केई लिखारा ई राजस्थांनी लिरी, अर

वांरी पोथ्यां ई सालोसाल छपै, अकर सी तो आपां ध्यान देवां तो राजस्थानी में छपियोड़ी पोथ्यां रो ई घाटी कोनी । वाने ई बांच लेस्या, तो घणी की निस्तार बूँ जासी । आपां रो भासा में उरळाई अर समकदारी आसी ।

आप तो अध्यापक हो, खुदई इए बात नै आछी तरियां जाणी के भासा तो सीखियां सूं आवे, अर उएन थोड़ी-धणी कमावणी ई पड़े । जिए भांत करसो खेत कमावै, उणी भांत लिखारी भासा कमावै । भासा ई लिखारै रो सै सूं मोटी पूँजी बूँ, अर आप जाणी के ओछी पूँजी धणीन मार न्हावै, ओछी पूँजी सूं कुणसा बीपार बूँ ?

इए वास्तै बूँ तो आपनै इतरो ई कहसूं अर बार-बार कहसूं के ओक बट्ठा तो ध्याऊँ मेर सूं भासा नै जुटाओ, भांत-भांत सूं सीखी, भेळी करी अर कमावी । भासा सीखियां अर कमायां बिना कठई ढोई नी है, आपां लेखक होवण रो बिरथाई बोझ धीसांला । यूँ बरस गाळवा में की सार कोनी ।

भासा रै पछे ओक हूँजी बात ।

जे आपां राजस्थानी रा लेखक हां, के राजस्थानी रा लेखक होवण रो मन मे विचार रायां, तो इए बात नै नीकां-नीकां समझ ला, के राजस्थान रै तालक जिए किणी भासा में जितरो की जाणवा नै मिलै; यो सब आपां रै काम रो है । राजस्थान रो मिनस, राजस्थान रो समाज, राजस्थान रो इतिहास, राजस्थान रो भूगोल, राजस्थान रो संस्कृती अर राजस्थान रो जीवण, ओक ई चीज आपा रो भांस सूं छूटी नी चाहिजै । जितरा-जितरा आपां आ मगळीं चीजां सूं जुडस्यां, उतरो-उतरो ई आपां रो लिखाई में गाढ़ आपां जागी, अर आपां आवणु आळ बरसां आछी तरियां पाघरस्यां ।

भासा निवेवळी चीज नी बूँ, किणी मास कोम, समाज, इतिहास, भूगोल, अर संस्कृती में उणरी जहां बूँ, अर वां गवसूं राद-पांणी निजां ई या पनपे । आपां स्कूलां-कॉलेजां मे जितरो राजस्थान बाच लियो, उतरो ई पूरगन नी है, नी पढ़िया-पढ़िया जितरो दीस, उण सूं ई आपां रो काम चावै ।

अक सावती राजस्थान नै जाणवा-चीण्टवा, अर उगागू जुडया री गाड़ी मेपळ भाषा नै करणी पढ़सी । वो राजस्थान हाथ-धमू होया ई भाषा री कलम में पांण आसी ।

मैं जाणू के जेड़ा छोटा-छोटा गांवहिया में आप बिराजी, वठे पोधियां अर पयिकावां री मण्णी पूग नीं है । पण तो ई आपनै वां ताईं पूगणी पढ़सी । कीकर पूगयो, आ ती आप जाणी, बाकी पूगियां जिनां सराय नीं है, जे सराय हो, तो भलाई किणी नै पूछ सीजां ।

राजस्थानी री पोध्यां अर पयिकावां ती आपनै सासती बांधणी चाहिजै ई, इजी भासावां रै साहित में ई आज री बेळा कंडी काई लिखीजै, इएरी जाणकारी ई आपनै बरोबर रैवणी चाहिजै । नींतर पढ़ाई रै दिनां स्कूला-कलेजा री पठेती पोध्यां में जिकी साहित पढ़ियो होमी, वोई आपरी पूठ में काम करती अर आप उणी री बंधोकड़ी में बंधियोड़ा रैस्यो । अर पठेती-पोध्यां में ती आप गुद ई जाणी, आपरी ऊमर ढलियां पछै ई साहित पूगै ।

पछेता ई पछेता बीं बातां फेर कहस्युं ।

इए बगत राजस्थानी भासा रा जितरा काम है, वैं राजस्थानी में सिरजण रा ई काम है । वां नै इणीं भात समझणा चाहिजै । इए बगत राजस्थानी री जितरी भात भात री बेगार आपां करस्यां, उतरी ई आपां री राजस्थानी सूं जुड़ाव बधसी, आपां राजस्थानी सूं अकजीव होस्यां, अर आपां मे सिरजण री बेसी सूं बेसी खिमतां आसी । इए बगत राजस्थानी रै प्रचार-प्रसार अर उएरी संवैधानिक मानता घुराघुर रा सगळा काम, सिरजण रा ई काम है । आं सगळा मोरचा भायें संभिया ई आपां सूं सिरजण पार पढ़सी । आछी तरियां जाणनी के इए बगत राजस्थानी मे सिरजणाऊ लिखाई री काम, अकेली काम नीं है, वी आं सब कामां सूं जुड़ियो यको है ।

आप जठे कठ ई हो, राजस्थानी रै वास्तै अक सावती सावचेती अर संकळप अंगेजती ।

आप जठे रँधी, उणरें ओळू-दोळू लोक साहित्य री तो घाटी कोनी,  
 उणने ई भेळो करी, सोमकयायां, लोकगीत, लोक विसवारा, ओसाणां, भर  
 दूजो ई कितरी कांई ? इणसूं आपरी भासा नै संस्कार मिळसी भर संवेदना  
 नै धार । इण मारग निकळस्यो तो मतो मते ई जांच पढ़िया जासी के भेन  
 आपरें घासे-घासे ई जोड़-जुड़ाव भर जाणवा नै कितरी कांई पढ़ियो ?

अब राजस्थानी मे लिखणी सुरू कर ई दियो, तो होळें होळें राजस्थानी  
 लेखक होवण रा सगळा जोरम भर जरूरतां समझली ।

अब अंत पंत म्हें म्हारी बात निवेदतां भाई कामना करसूं के सिधा  
 विभाग री इण सालीणी पोथी योजना मे राजस्थानी नै अेक सूं बेसी  
 पोथियां री पांती मिळें, जिण सूं के ज्यादा सूं ज्यादा अध्यापक-लिखारां  
 नै राजस्थानी में लिखवा भर छपवा री मौकौ हार्ये भावें । भर आ कामना ई  
 म्हारी रीती के इण योजना री पोथियां निदराईजें नीं, आपरी धार बरोबर  
 बणायोही राखें, भर राजस्थानी साहित्य री दुनियां में ई आ री अेक ठावकी  
 पिछाण कामम होवें । सब अध्यापक-लिखारां नै तो चाहिजें ई के आ सूं  
 साडा-कोडा जुड़ें ।

तज सिंघ जाधा

जलते दीप मयन,  
 जालोरी गेट,  
 जोधपुर

# विगत

## कथा

कूपळ	: सवाई सिध सेखावन	1
मायड-मन	: मुरसीधर मरमा 'विमल'	5
घोळाऊ	: नरसिध राजपुरोहित	13
सजा	: सांबर दइया	20
छोरी बिगड़गी	: उदयवीर सरमा	28
जेवडी	: कमला वरमा	20
सुपनी	: भीखालाल व्यास	38
भेक बोतल री कमी	: जनकराज पारीक	43
छोटी कथावां	: ईस्वर सिध कुळहरि	45

## रेखा-चित्रांम

पोकर गरू री बातां	: रामनिवास सोनी	47
डूंगरीग जी बांका	: दिलीप मिथ चौहाण	50
गंगी मन री चंगी	: रूपमिथ राठीड	54

## जीवण-परिच

संत कवि गोमदा	: रामनिवास सोनी	57
---------------	-----------------	----

## निबंध

रुडी राजस्थान	: भूळदान देपावत	61
'राजिये रा दूहा' में		
हास्य भन ध्यंग	: चन्द्रदान चारण	67
डर	: भमोलक चन्द जांगिड़	72
सोग के कैंवला	: त्रिलोक गोयल	75

## रेडियो-रूपक

नुगरी होग्यो नेह	: कल्याण सिध राजावत	79
------------------	---------------------	----

## कविता-गीत-गजल

रुख अर आदमी	: भगवती लाल व्यास	85
खास जरूरत	: भन्नाराम सुदामा	87
मेळ-मिळाप	: धनंजय वरमा	90



तसवीर अर फेर किता दिन : स्वामि सुन्दर भारती	93
घापां मिनस हां : रघुनंदन त्रिवेदी	96
भूख अर बांदरी : मगर चन्द्र दवे	98
सपनां री तिरस बुझ्यां पैलाई	101
हार मत हिम्मत रे अर बोधड़िया	103
जिनगांणी	105
मावटो होग्यो अर पूछ म्हने मत हे सखी !	107
की तो बोल म्हारा बीरा	109
म्हारै गांव में, दरद-दिसा-वर अर आज तक जिया	111
घाखर री खाल	115
दो गजल	117
किराया को मकान छ	119
देसड़ली म्हारी	121
फकीरी	123
फागणी दूहा	125
बात	127
बिरासत	129
जिनगी रास कियां घाबै	130
कुण मानै	131
मूँ चापडो	133
बादली आज बरसती जा	135
वो कवितावा	137
घोबोली	138
माळी री हुंसियारी	139
करज	140
हिवड़े रा गीत	142
हेली	144
याद-गीत	145
भगवा	146
मोती-भगिया	147

“मे बाई सुण जीयां ईं खुर भाय जावै, यूं म्हनै बोल दीजै”—बापू कहाँ, भर आपरी गुड़गुड़ी सेय' र पोळी कानी टुरग्यी ।

दासां भेकर पोळी सूं निकलता बापू री पीठ तकै, पछै उडती-सी निजरां गाय कानी भांक'र धम्म देती सी पीढ़े मायै बैठगी । घणी देर सूं ऊभा-ऊभां बीं री टांगा दूखण लागी ही ।

गाय घुरी तरां छटपटावै । कदै बैठै । कदै ऊठै । बी नै चैन नीं पड़ै । वा बराबर ठाणें में चक्कर काटै । डगमग कांपती टांगां सूं लड़खड़ा'र बैठण री जुगत करै, पण तद ईं दरद री तीखी हिलोरी बीं नै बुरी भांत तड़फड़ाय जावै । भर वा फेरू' ठाणें में चक्कर लगावा लाग जावै । गाय भेक ठोड़ टिक नीं पावै ही । पीड़ स्यात बेसी ईं होवण लागगी ही ।

दासां फेरू' भेकर गाय कानी देख्यौ । गाय ठाणें में पसर'र बैठी ही । गौर सूं देख्यौ ईयां लागै जाणै बीं रै हूंकणी लाग री ज्हे । ऊपर-नीचै होवती पेट । हल्लवै-हल्लवै घूजती सारी डील । भांख्यां भांकती तीखी पीड़ ।

चाणचक गाय आगलै पगां जोर देय'र ऊठण री जुगत करी । पण तारना पग संभल कोनी सक्या । बीरी डील घूज'र धड़ाम सूं भींत में जाय'र बाज्यी—‘डांss’ दाखा बैगी सी लपक'र गाय रै नैडै गई । ठा नी गाय रै साचोसांच ईं लागी ही । बांयो पसवाड़ी तेज रगड़क सूं छुलगी । लाल खून रिमकै ही । रगड़क सूं छुल्या पसवाड़ा नै देखतां पाण दाखा गुमसुम-सी ऊभी रैगी । मन कियां-किया ईं होवण लागी, तो वा पाछी आय'र पीढ़े मायै बैठगी ।

पोली सूं वारें दोय आदमी बतळावै हा । वारी बतळावण बापू री गुडगुडी रै स्हारै डूबै-उतरावै ही । पोली कानी कान लगा'र दाखां घणी जुगत करी के दूजो आदमी कुण है, अर बात किरारै बावत है । पण साफ की नी पल्लै पडियो । “हुवै कोई” “म्हने काई” — वा हार'र मन में कहाँ । गाय अर ताईं ठाण में चक्कर लगावै ही । वीनै पल-घड़ी री ई चैन नी । सारी ठाण गाय रा खुरां सूं खूंदीज'र ओपरौ-ओपरौ लागै ही ।

“मां व्हेती तो वी नै क्यूं बैठणी पड़ती । मां मर्तई सै की संभाळ लेती ।” — दाखां आपरै मन में विचार करै — “मां व्हेती तो वा खुलै खाळां कैय देती के देख मावड़ी और क्यूं ई कराव सकै, पण आपणा सूं ओ तरसाव नीं देख्यो जावै । निजरां फेर गाय कानी गई । गाय सूनी-सूनी अर निढाल-सी बैठी ही । वा घणी उदास निजर आवै ही । डीस री रुंआळी छितरी-छितरी, अर रंग काळो-स्याह पड़गो हो ।

“देख थूं आज घास री टाळ कर दै । गाय आज डीली-डीली लागै है । स्यास आज ई ब्यावै” — मां नै घास ताईं जाती देख'र बापू कहाँ ही । पण वा फिर री मानै । फेरूं ई नी ठैरी । दाखां रै मन मा ताईं रीस री ओक हिलकोरी ऊठ्यो — “जे आज नी जाती, तो काई बिगड़ जाती ।”

गाय ठाण रै बीच बीच ऊभी होय'र लारलै पगा झुकी । थोड़ी-सो पोठी करियो । पण पोठी तळ पड़े एण सूं पैला ई वा तड़फ'र दूजो कान चलीगी । वी री लारली टागा गोबर सूं संबगी ही । खिलेक ढब'र गाय ठाण नै सूंघ्यो, पछै ओक चक्कर लगा'र फटाक देती री बैठगी । मूंडो धरती माथै टेक'र वा जोर-जोर सूं सांसां छोडै । आंस्यां दरद सूं फाटी पड़े, लारलै हिस्सै में ओक धौळी-धौळी फूंकली-सो चिलक्पां । दाखा जोर सूं बापू नै हेली पाड़ बाळी ही के गाय भप देती री ऊभी होय'र भीत फानी चलीगी । गाय री तळमछ अर निमळी हालत देख'र वीरी आंस्या में आंसू आयगा । ठा नी क्यूं वीं नै ईयां लागै जाएँ ओ सै क्यूं गाय रै नी होय'र वीं रै आपरै होवतो है ।

धग धग धूजती देही अर इतरी पीड । ओक जीव रै जलम सूं मायड़ इतरी दुखी होवै । च्व च्व च्व च्व दुनिया सांच ई कैवे के बाझड़ी काई जाएँ जापै री पीड़ । वीं रै चेतै स्यास आयो, लुगायां रै ई जद टावर होवतो व्हेला रै ई इतरो ई दुस पावती होसी । अर हां पारां जकै दिन कैवे ही के एण मातर ई ब्याव होवै ।

वीं री आंस्यां धतीत डोलयो । पर री ती बात है । सूंदरपरा रा पन जो चौधरी भाया हा । वी रै ई ब्याव री जिकर हो । वा उत्तारै री भीत री

घोट होय'र सँ क्यूँ सुणै ही । बापू चौधरी री बात मान ली ही । बीयां हांकारी तो मां ई भर दियो, पण वा कह्यो, और सँ क्यूँ तो ठीक है, पण म्हें-छोरो म्हारी आख्यां सून देखबी चाऊं । म्हारी चाँद सी वेटी ताँई छैल गवरू जवान होवणौ चाहिजै । दाखा लाजा भरती भाग'र कोठें में बड़गी । गुलाबी सरम ओढ़्यां वा ठा नीं कर्ता देर काच में आपरी मूंडी देखती री ।

'डाऽऽ'—दाखा रै अक भटको सो लाग्यो । घरती माथै पड़ी गाय पण रा फटकारा भारती 'डां-डा' करै ही । "बापू"—जोर सून हेली मार्यो । गाय बुरी कार छटपटावै ही । बापू लपक'र भीतर आयो । हाथ री गुड़गुड़ी अकानी गेर बी गाय री पेट सहळावा लागी । गाय इव ई पण पीट-पीट'र जोर-जोर सून 'डां-डा' करै ही । गाय री हालत देख'र दाखा री आख्यां आसू आयगा ।

चाणचका बीं नै ख्याल आयो ओ""ह""तो ब्याव रै पछै बीं री आपरी आ ई हालत होसी । वा अकरसी जोर सून कांपगी । सून लाग्यो जाणै अबार ई रोवण लाग जासी । 'नीं""नीं""बापू यूँ म्हारी तो ब्याव मत करजै ।"" हे भगवान म्हुँ तो मर ई जाऊंली ।'

गाय घरती माथै पसरी पड़ी ही । लाबी जीभ वारै निकळया ही । नकतोई भाग चिलकै हा । आख्यां फाटो-फाटी सी लागै । सारो डील धर-धर कापै ही । खुर वारै आयगा हा । बाप हायां सून पकड़'र खीचण री जुगत करै ही । गाय अकर जोर सून राभी । ऊठण री कोसिस करी, पण थोड़ी सो ऊठ'र हेटै जाय पड़ी । दाखा हायां सून आपरी आख्यां मींचली । "हे भगवान म्हे तो मर जाऊंली, पण ब्याव नीं कराऊं ।"

बापू उतावळो होय'र खुर खींचै ही । गाय री डील मुरदै री भांत धवस सो पड़्यो ही । आख्यां री काली टिकड़ी वारै निकळ बाळी सी लागै ही । लारलो हिस्सी जोर सून हालै ही । गाय अकर फेरू राभी—'डांऽऽ' । आगलै ई पल खून धर जेर सून लिपड़ियो अक लोषही घरती माथै आय पड़ियो । दाखा धिरणा भाव सून पच्च देती री थूक'र दूजै कानी खलीगी ।

गाय खड़ी होय'र तेजी सून हूँकारा भरती खून धर जेर सून संडी बीं लोष नै चाटबा लागनी । बापू घणी देर बी री सफाई सी करतो रह्यो । फेर हायां रै माटी रगड़ती कंघण लाग्यो—“वाई देखै काँई है, जा पाखी ल्याव । टोगट्ग नै तेन देखौ है ।” वो रै मूंडे अक संतोख भरी मुळक ही ।

दिन चढ़ता-चढ़तां टोगड़्यो खड़ी होवण री कोसिस करबा लाग्यो । आ न्यारी बात के बी जद-कद जा भी पड़ै । पण फेरू ऊठै । छाळा भरै ।

भवख ऊजळी रंग । सोणा ऊजळा खिरगोस रा बचिया जितो । छोटा-छोटा  
बुगलै री पांख-सा कानड़ा । प्यारी मूंड़ी । काळी टिकड़ी सी नैनी-नैनी  
आख्या । वो घणो फूठरी लागै । गाय हरख-हरख'र बीं री डील चाटे ।  
हुंकारा भरै । मुळकती आख्यां अर पुळकतै मन दाखां मेधी बाजरी रांधै ।

दाखां री आख्यां फेरूँ अक नवो निराळो चित्तराम ऊग्यो । बीं रै सासरै  
री आंगणो । नीमडी री छीयां । पीढ़े माथे बैठ'र वा अक सोवणै टाबर रा  
लाड-कोड करै ।

दाखां मुळक'र गाय कानी देख्यो । गाय इब ई टोड़ गया नै चाटे ही ।  
अर टोगड़्यो आपरी धूधणी नै गाय रा थणां में रगड़ै हो ।

दाखां रै रूंग-रूंग अक मीठी मुळक रंगरेळ करै चाणचकी बीं रै मन में  
घाई के वा मो नै जाय'र पूछै, के मावड़ी यूँ म्हारो ब्याव कद करसी ?



## मायङ-मन

□ मुरलीधर सरमा 'विमल'

भाग सूँ आपां नै वकील तो नामी मिल्यो है। आज अदीतवार नै ई उणरै मठे काई भीड़ ही ! आपांरो केस तो हैई काई, बीरै हाथ पङ्मा खूनी तकात बरी भै जावै ।

म्ह नै तो आ बताओ के आपांरो सुलटारो कद ताई करवा देसी ? आज दस दिन तो भै ग्या, ओम भाई रै मठे किताक दिन टिक्या रैसा ?

हमें घणी डील ना समझी ! दोयेक दिना मे ई निवेड़ी हो जासी ।  
.....आज धारै बयानां री बात चाली जणा कैवण ठूकी—“ग्रान्दी जी नै कोटे में जावणो पङ्गो, जणां म्हें साब निकांम ! उवांरा बयान तो म्हें अस्पताल में ई करवाय देसूँ । रैई सती रै बयानां री, बै म्हें गांधी नगर जा नै करवा लेसूँ ।”.....वकील माटी है तो हुंसियार ! आपां तो कदैई सपन मे ई सोची को ही नीं ! वण कहाँ—“म्हें थान धारै मोभी पूत सूँ धारै गुजारै लायक महीनो और बंधवा देसूँ ।”.....ओ मैन्टीनेन्स री दावो मोहं ह्यार कर रेयो है । वकील ओ काम भी कर देवै, तो आपांरा हाथ किता कांटा में जावै ! रमेसियो तो सदा लियो ई लियो है, आपां माय भूल सूँ कदैई नुंवी टक्कीई खरख्यो हुवै तो बताओ !

आं रान्डी-रोवणां मे काई पङ्गो है ! म्हें तो बस आ जाएँ के आपां बेगासाक घरां जा पङ्गं तो ठीक रैवै ।

ओ काम तो काले पीहं ताई ल्हीयो समझी । रमेसिये माय कोटे री ओर सूँ मार-पीट री रोक साम्यां पछे गाज-आज सूँ घर मे जावो भलाई, कुण ना देवै है । .....वकील तो उण माय खार छापां बँट्यो है.....“भाईयां

मे राइ री रीत तो चालती आई है, पण वो कुजीव मांदी मामइ माथे बेलाग हाय कीकर उठाया !”

रक्षा जी की सोचती-विचारती खीचड़ी री आखरी चमचो मूंडे में मेलता कटोरदान नै बंद माथे ई अके कानी मेल देवे । नवीनजी कटोरदान नै आपर भोळें मे मेलता कैवे—तो हमें चालूं देखाए साठी आठ व्हेगी । वा जमदूतणी हएँ आ नै हाका कर सी—टेम व्हेगी है, दुरो परा, जनानी बाई है सा ।

नवीन जी इलमारी में सूं यूनी-अंजाइम री गोळी काइर देवता थकां फेरुं कैवए लागे—थोड़ीक् ताळ नै वो पीळी कैपसूल लेवणी ना भूल जाया, काले री ई नागा व्हेगी ही ।.....नोद नी आवे तो कम्पोज ले लिया ।

बहीर होवए सूं पैता वै अकेर फेरुं पूछे—सिभया नै डाक्टर साव आया होसी, काई कह्यो ?

खास की को कह्यो नीं ! छुट्टी री पूछ्यो जणा कह्यो; उतावळ ना करी पांसळयां री सोजी की कम हुयां छुट्टी मर्तेई दे देसां ।

नवीन जी रै दुर बहीर हुया पछे, रक्षा जी तकियां रै सारें लेट सा जावें । बेटे रमेस बाबत विचारता-विचारता मन ई मन केबए दुके—आज जेड़ी जमानी स्यातई कदेई आयो हुसी । पीसै रै कारणे मिनखां मे अंड़ी हिड़काव बापूयी है कै बस नाता रिस्ता तो सैग धुप्पोडा सा दीसै है । पईसो ई तो मा है, पईसो ई वैन है, पईसो ई धणी है अर पईसो ई लुगाई है ।

पईसै रै कारणे बेटी मां रा हाडका खळकाय न्हाख्या । खून पाणी व्हे ग्यो ! पेट नै पेट रै लाता मारता लाज को आई नी । देख्यो मजी, मां घर रै घर मे को घुस सकै नी पुलिस घुसासी जणा घुससी ! बाप बेटे सूं कचेड़ी री मारफत खरबो वसूलसी । पण उपाय काई । आधी रम्मत घाली रै रमेस, कटे मूंडी दिखावए जीगी को राखी नी ! कठीनै ढकूँ अर कठीनै उघाड़ू ! गळती थारी कोनी लाठी, म्हूं जामए होय र यनै नी जाए सकी । डाक्टर साव तो उणीज टेम कह्यो बतावै है—“पुलिस मे रिपोर्ट किये देता हूं कम से कम पन्द्रह दिनों की जेल तो हो ही जायेगी ।”

गधे जेड़ी मार खायां पछेई म्हा मे अक्कल को आई नी ! राम जाए कीकर म्हारै मूंडे मे सूं निकळ ग्यो जाए दो डाक्टर साव मां-बेटे रै मामले में पुलिस पंचायती करली मूंडी लागसी ।

तू थारी सी करण में जेज को लगाई नी ! उणीज दिन ससी अर मुकेस जरूरी सामान लेवए नै गया जणा कैय 'दियो-जो को लेजावणी हुयै

जिको बस अबार ही ले जायै, आइन्दा पग घर्यो तो म्हा सूं बेसी भूँडो ओर कोई नौं हुवैलो ।

सामी बंड आळी नै दवाई लेवता देख रक्षा जी नै ई कैप्सूल लेवण रौं ध्यान आय जावै । वारै मन में आवै कँ कोई वाने ई कैप्सूल देय देवै, अर वाने हिलणो-हुळणो नी पड़े ! पण देवै कुण ? वै आपरी पांसळ्या री मोड़ भेलता होळ-होळ ऊठ'र दवाई ले लेवै । वाडै रै बड़ा कानी घूमती थारी निजर पारवती रै खाली बंड माथे आय नै दब जावै—साण नै महीनै सूं ऊपर रैवणो पड़्यो । म्हनै तो घणी सारी ही बीरी । म्हारै अपेन्डिक्स री अपरेसन हुयो जणा, म्हनैई महीनो सवा महीनो अस्पताळ में ईज काठणो पड़्यो ही ।

बी यत्तत म्हा कनै हर टेम कोई न कोई बण्यो रैवती । बडोड़ा भाई जी, भाभी, सुधा, कुम्मी आद तार मिलतां पांण फटोफट धल्या आया । अब कँ ई जग हंसाई आळै काड रा समचार देवताई भूँडा लागता । मुकेस बस अजीत नै तार दियो । अजीत को आयो नौं ! आयो च्यार ओळया री कागद "जीजी म्हुं आय नै काई करूँला । रमेस नै इयान ई घणी पिछताबी हो रैयो है । उण रै कागद सूं म्हनै लागै बो डफोळ कठैई आत्म-हत्या नीं कर लेवै । तू' उण नै छिमा कर दी जे !"

अबै लाडी म्हुं थारी फाक्या मे आवण आळी नई हूं । थे मामो भाणजा गैली केई ओर नै बणाया !

माफी मागण आळा डोळ बीजा ई हुया करै है । आज बी बात नै दिन दस व्हे ग्या, रमेसियो अेकर ई आयनै भूँडो दिखायो हुवै तो !

मुकेस तो लाई सोधी ही कँ तार मिलतां समचै मामोसा दौड़्या आसी । वै रमेस भाई जी नै की समझासी । रमेस माथे बीरो पुरो अधिकार है । रमेस बी कनै रैय नै बी. एस. सी. करी अर बीरी मरजी भुजब रमेस री ब्याव ई बीरै भायल तिवाड़ी री वेटी सूं हुयो । बी आवतो तो रमा की तो सरम करती ।

राम करै उकील री मँणत फळ जावै अर दोयेक दिनां में ई घरां जा पड़ां तो ठीक रैवै ! ओम रै ई तो लाई रै तंगी है । पण बी हरामी आनै सैज मे तो स्वात ई घर में बडण देसी ! कोटे कानी सूं बी माथे रोक लाग्या पछे ई बी आपरी सी कयरां बिना को रैसी नी ! मजो तो जद आवै कँ उण रै की अड़'गो लगावताई पुलिस उण नै पकड़ ले जावै । म्हुं तो काले उकील



नै सगळीं वातां चोशीं तरियां बत्ता देसूं । सातां रा देव वातां सूं को मान्या करूं नी ! घाय घाय री करणी, भर पार उतरणी ।

वी वसत भेक नसं घाय नै बाडें री ट्यूव साईटां बुझा देवें । बीच री गाटर मार्थ भेक लोटियो वसती दीसैं । सोवण री टेम हुई जाण नै रसाजी नै छाई सूं सोवण री गरज सारू भेक कम्पोज टिका सेवें । घाय पूण घंटो चोल्या पछें ई वांन नोद री गड-रोज नैडें-नैडास ई को दीगें नी ! वारें दिल मे उण दिन रै काठ री घटरा सैमूं डे होवण सार्ग ।

वी दिन दिनू नै री साडीक सात वजी ही । मुकेम चाय- नास्तो कर नै घापरें घंघे माथे जावण नै बहीर हुयो ई हो । मूं चौरु मे वंटी पाय पोवें ही । रमा भर रमेस ई घापरें कमरें मे टाबरा सार्ग नास्तो करूं हा । ससी घापरें कमरें मे भजू नै दूध पावें ही, वस जणा ई रमा रा सबद सुणीग्या— थारी दूब नै पिरसूं सूं पाणी को साम्यो है नी । धो काम म्हारें जिम्मै हो, जणा दूब मे बैठताई काई जो सोरो होवतो ! घवें तो जा'र ऊभण री जी ई को करूं नी, काटा सा चुभें । घा वात सुणताई रमेस सीधी मुकेस रै कमरें प्रार्ग जाय नै काही—सै घंघा छोड'र पंला दूब मे पाणी दें ।

ससी जेठ नै काई जबाब देवती ! इयां भणसरतें मे बोलण री ना ई को ही नी ! वा बोली-बोली छोरी नै गोदी मे थवेडती रै वें । उण रै केरूं कहा म्हनै कंबणी पडें—भजू रै सोया मतेई दे देसी, तूं क्यों हाका करूं है ।

भजू नै भवार सुवाणणी कोई जरूरी कोनी, जकी टाबर रात भर सोयो वो भवें सो सी ई किया ?.....उठ भवार री भवार म्हारें सामी । .....कामचोर कठई री ।

अरें ती थारें इसी उतावळ काई है । नळ आयां पछें दस इग्यारा ताई आवतो रैवें ।

तूं बीच मे ना बोल, तूंई ईनै माथे चढा राखी है ।.....बोल उठें हैक नी ?

छोरी नै रोवती देख'र बा' उठती-उठती पाछी बैठ जावें । वो फेरूं कंबण हुकूं—मम्मी देख इनै वस भेक'दम उठा दिथं नई जणा थारी खंर नई है ।

वात सुण'र म्हनै ई ताव आय जावें—जा भवार को उठे नी छोरी रै सोया मतेई ऊठ जासी ।

वस म्हारो इत्ती कंबणी हुवें कं वो भाव देखें न ताव म्हनै गधे ज्यू ठरकावण सार्ग । म्हारें मूंडें सूं वस इत्तीई निकळें-सायर चेटा घाप'र

कूट लै, कूटण में पाछ ना राखें आज मौकीई भली है, थारा पापा ई दिल्ली सूं काल ताई आसी । बी म्हने की नी कैर ससी नै कैवै-मम्मी रो भली चावै है तो अबैई ऊठ जा ।

बा लाग छोरी नै पटक'र बारें निकळ जावै । बीरें जावताई बी कैवै रमा, खिड़की दरवाजे बन्द कर दे और इस छोकरी को भी बाहर डाल दे ।

रमा आपरें घणी री आग्या री पालण वडै चाव सूं करै । म्हारी फेरूं जम'र ठुकाई हुवै ! म्हे कद चेतै चूक होवूं अर कीकर अस्पताळ में भावूं, म्हने की ठा नई पड़ै ।

बाद में ससी कहाँ—म्हूं ती बारें आय नै पाड़ोस में सूं वानै फोन कर दूं । वारें सागैं चौक मे जावूं जणा थे ऊधा पड़्या दीसी । थारें मूड में सूं खून निकळतो देख'र बै ई धवराय जावै । वै थानै उठा'र बस गाडी में ग्हांखताई हुवै अर अठे अस्पताळ में लिभावै । म्हूं ई अंजू नै लिया वारें सागैंई अठे आय जावूं ।

परवार में राड़ री मोटी कारण बलै सासू-बऊ री नीं बणणी । पण म्हूं ती सरू सूंई इण बात री ध्यान राख्यो । सात बरस पैला रम आई जद सूं ई म्हूं ती बण नै बेटी सूं वेसी मानण लाग ग्यी ही । सुधा अर कुम्मी गरमी री छुटट्या मे आवती जणा कहा करती—रमा तू है तकदीर री सिकन्दर, देख म्हे वीनां दोय दिना खातर आवा पण मम्मी म्हा सूं वेसी ध्यान थारी राखै । रमा ई हंसती-हंसती कहा करती—जीजी थे अठे कोई हमेसां ती रैवी कोनी, मम्मी नै ती बस म्हने ई खुवावण पावण री आदत पड़ री है ।

सरू-सरू में रमेस री मैडीकल स्टोर खूब चाल्यो, पण दोय साल बाद ई जाणै उणनै कीकर घाटी लाग्यो अर उणनै बन्द कर देवणी पड़्यो । पाछो सरू करण मे पाच बरस लाग्या । उण टेम मुकेस री घंधो खूब चालै ही । ट्रान्सपोर्ट कम्पनी मे काम तो करतीई ही सार्फ में अेक बस ई चालै ही । बी आपरें भाई री घणी ध्यान राखतो । बी रमेस नै कदैई मैसूस नीं होवण दियो कौ बी ठालो है । उण टेम ई रमेस नै हावुसिंग बोर्ड री मकान अलाट हुयो । मुकेस बी बखत सूं च्यार सौ री किस्त हर महीनै आज ताई भरतो आय रैयो है । अँठवान्स रा दस हजार ई मुकेस रा पापा ई भर्या हा । रमेस री ती बस कागदा में नाम ई है ।

जद ताई मुकेस री ब्याव नीं हुयो बी भाई-भोजाई री लाडेसर बण्यो रैयो । वै दोन्यूं म्हारो ई घणी ध्यान राखता । रमा वंटी नै पाणी पावती,

म्हारी जवान समचै काम करती । भर भां सारला दिनां में मूँ धगूणी तो वा आंगूणी मूँ उतरादी तो वा दिसणादी ।

मुकेस रं व्याव पछै मूँ तो सगळी जिम्मेदारी रमा मार्ये न्हाख नै निरवाळी धैगी । वस म्हा सूं आईज गळती व्है ई । रमा री हीमत बघती गई । धीरे-धीरे वा ससी मार्ये हुकम चलावण लागी । मुकेस मस्त जीव बी इयाकली वाता कानी कान को देवती नी । कदैई ध्यान भा ई जावती तो बी ससी नै ई डाट पिलावती — ससी आ के भाभी ती रसोई में है भर तूं घठ सेठाणी वणी रेडियो सुण रई है । भाभी अवेरा-सवेरा करै है भर तूं बंडी पोथी वाचै है ।

रमा माटी इया तो हाथ को हलावती नी, पण रमेम भर मुकेस सांमी की न की करण री दिखावो अवस ई करती । म्हारी घर में चौबीस घंटा री रैवणी । म्हासूं घै चाल बाज्या सैन को हुवा करती नी ! म्हा खातर तो दोन्यूं बवा सरीसी । म्हासूं कदैई-कदैई की कईज जावती ।

रमा नै आपरी हायर सैकिन्डरी री ई घरणी गुमान ! ससी घैम. घे. होवता सादी-सस्ता । रमा फंसन मे मरी जावै । लोग कैवै छोटोड़ी बऊ री पगफेरी सुन को रैयो नी । ई मे पगफेरे रो काई दोस । आछी माड़ी री ठा ती भेळां रैयां पड़ै वा अकली ही जणा काई भीता सूं भवेड़ा लेवती । ससी रै आवताई ती वा सै कोतक करण लाग गी ।

सरु-सरु में काम री बंटवारी हुयी । काम रं बंटवारै सूं संतोस नी हुयां पछे छाणी-पीणी जुदो-जुदो होवण लागी । म्हां दोन्यां नै मुकेस सांगे कर दिया । दोय चूला हुयां पछै ई बरामदी, बैठक भर लान भाद री काम ती बारी-बारी सर करणी पड़ती । इती की हुयां पछै ई बांने संतोस को हुयी नी । संतोस हुबै कीकर बां दोन्यां री डाढ़ ती मकान मार्ये ही । मकान खातर म्हाग हाडका भांग न्हाख्या । दोय दांत भर दोय पासळ्या तोड़ दी ।

जिको भाई, भाई बिना जीमती कोनी, भाई रै पैन्ट बणावाया पैलां पैन्ट को पैरती नी, भाभी री जवान समचै फरमाइसा पूरी करती, बी री लुगाई सांगे अंडो व्योहार कियो भर घर नै हड़पण खातर म्हा सिगळा नै घर सूं वारै कर दिया ।

रमेसिया अबै तूं याद राखे, मुकेस वनै बगसण आळी नई है । भाई-भोजाई री बी घरणी लिहाज कर लियी । बी काल ई कैवै हो-मम्मी अकर तूं म्हारी हाथ उठजावण दे, वीरा हाड-पांसळा अक नी कर हूं तो । पारा ती

वी दोप दांत ई तोड़्या है मूँ वण री बत्तीसी नई तोड़ी तो असल बाप री नई ।

मुकेस तो लाई पैसा ई मकान ढूँ हो । वी नै ई मकान सूँ जावक मे ई मोह कोनी, पण वेटा अब्ब थनै ओ मकान सोरै सास मिलण आली नई है ।

मुकेस रा पापा उकील तो जोर री कर्यो है, जबर पाइन्ट काढ़्यो है—दै सबूत के थारो धंधोई बन्द ही जणा लायो कठै सूँ किस्ता रा रिपिया । आगती-पासती रा लोग तो हणेई उण माथे थू-थू करै है । नकटा रे नाक कटी के सवा हाथ ओर बढी ।

जा-बेजा रै जंजाळा में आखी रात बीत जावै । दिनूंगे री सात बजी सीक मुकेस चाय लिआवै । चाय पीया पछै ई विचार वारी सारी को छोड़ैनी । वारी चिन्तण ओर ऊँडो होती जावै । वै ऊपर उठता सोचण लागै होई जकी तो होई पण अब्बे फोट के नक्की काम कर सकसीक नी, का अँ भाई-भाई इयाँई साजिन्दगी पईसै सूँ कुटोजता, सरीर सूँ छीजता अर भूँड सूँ भरीजता रैसी ? कोट-कचैड्या री काम है आसाम्या नै लूँटणी । खरै अर वगै न्याव रा तो दरसण ई अदोठ हुयोड़ा लागै है ।

हय्यारै बजी सीक नवीन जी खाणी लिआवै । रक्षा जी रै जीमती वेळा वै कोट रै मसलै नै ले बैठे । वै सुणी-अणसुणी करता थोड़ी घणी जीम लेवै । बारह बजता बजता वकील अर मुकेस ई आय जावै । अवताईं पूछै-काकीसा अब्ब किया है थारी तबीअत ?

—ठीक है ।

—उण दिन थे रमेस नै इसी काई कैय दियो के उणरी हाथ था माथे उठ गयो ? वही येसरम है, बेईमान कठैईरो ।—येई किसीक बात करी हो उकील साब, कदैई बेटे रो हाथ भी उट्यो है मा माथे । उण टेम कोई भूत बड़ग्यो हुवेला उण मे ।

बात सुण'र वकील मुलकण लागै, फेरु कैवै म्हे बी भूत रै ई ती मिरच्या री घूणी देवण री सरतन कर रैया हा ताकी बी छोठी नी बावड़ै ।

—ओ रोग थारै बस री कोनी । थारै कामां सूँ भूत भागै अर पलीत पैदा हुवै । कोरटां री काम है, लड़ती मिनक्यां नै वानरै आली ताकड़ी बता'र कोरी अंगूठी दिखाय देवणी ।

रक्षा जी री बात सुण'र संग जणा अक दूसरै री मूँडो जोवण लागै । वै थोड़ी ताल मुकेस सामी देखता कैवण लागै-वेटा जीवण मे पईसो ई सो कीं नई है । पई से सूँ आगै है, इज्जत-आवरू अर सुख-स्यान्ती । आनै होम्या

पईसी आयी तो किण भरय री। हई जकी ने आई गई कर ! तूं अब ताई पईसी'री गिनार नी करी तो अब म्हारे मामले न लेर मन न ओछी ना कर। "ओ मकान ई राइ री जइ है तो आगी बाळ ई मकान न। दूजी मकान लेवण री मती तो थारो पैलाईज हो।

मुकेस कीं कैवे इज सूं पैलां नवीन जी कैवण डूकै मुकेस री मम्मी आज थाने अकेदम ओ हो काई ग्यो। वकील साव सो काम पक्की कर लियो आपां काल ताई आपणै घरां जा पूग सा। पण थारा वयानां बिनां भ ई काई करसी। "थारा इयांकता विचारां सूं आपणा कोर्ट कारवाई में लागोड़ा डोढ़-दो हजार ई डूब जासी अर घर में ई को जा सकसा नी।

घूड़िया लारें इसे घर रें। म्है तो बी मकान में अब पग ई को घर नी। थाने मोह है घर री, तो ये इयाई जाबो भलाई। पाने अकला न तो बी राजी-राजी राख लेसी। बण री कांटी तो म्हूं हूं। म्है मुकेस कनै रैय लेसूं। जे ओ ई ना दे देसी तो और कठई ठिकाणी डूढ लेसूं।

इती कैवता-कैवता बारो गळी भरीज जावै। मुकेस स्टूल माथे सूं उठ'र आपरी मां कनै बैठ माथे जा बैठे। मां री हाथ आपरै हाथां मे लेवतो कैवै—मम्मी तूं बेराजी ना हो। म्हनै तो रीस इण बात री है कै बी पनै बिना मतलब कोजी तरिया कूटी बयूं। म्है तो इण री बदळी लेवणी चावूं हूं।

आ फालतू री फजीती है, बेटा। मा तो टाबर न जलम देवताई बण री साता खावणी सरु कर देवै। सातां खा-खा'र ई बण न पाळै। अब जण न जेळ हुया म्हूं किसी वड़ी बाज जासूं। बी म्हा खातर जीवतोई मर्ये समान है, अब तूं ई म्हनै जीवती न ई मरी समान बणावणी चावै जणा ये बाप-बेटा करी भलाई थारै मन री।

वकील ने बात विगड़ती लागै। बी बात बणावण री गरज सूं कैवै-काकीसा थारी केस सोलिड है। म्हूं थाने मकान माथे अधिकार करवा देसूं, खरची ई बंधवा देसूं, पण इया भावुकता मे वैया पार किया पड़सी। बेईमान ने बेईमानी री दड तो मिलणी ई चाई जै।

—ये बात तो खरी कैय रैया ही, पण ये थारी छाती माथे हाथ मेल'र आ तो बताओ कै आज ताई ये कित्ताक बेईमाना न दंड दिरायो। दंड तो बापड़ा व ईमानदार भोगै, जिका थारी जेवां नी भर सकै।

रक्षा जी री इण बात री पड़तर वकील न सोध्यां नी मिलै। बी कदैई मुकेस कानी जोवै तो कदैई नवीन जी कानी। मुकेस भगत मन सूं आपरी मम्मी रें माथे पर हाथ फेरती रैवै।



## वोळाऊ

□ नरसिंघ राजपुरोहित

वखत रौ वायरी अपरबळी ।

खाडा री ठोड़ धोरा अर धोरा री ठोड़ खाडा परंपरा सूं ब्रैता प्राया । जिका ठोड़-ठाया कोई वखत जगत चावा हा, वांरी आज कोई नांव ई नीं जाणै, अर प्यांरी संसार में कोई नांव निसाण ई नीं हो, यै आज जगत रा सिरमौड़ बण्या बैठा । पण इणरै सागै आ बात ई साची के जिका मिनख इण संसार में कीं सरावण जोग काम कर ग्या वै अखियाता में अमर ब्रैग्या । काळ रा कराळ हाथ वांरी नामवरी नै नीं भेट सक्या । वखत रौ वायरी वारै जस री पगडांडियां नै नीं विखेर सक्यो ।

राजस्थान में जालीर जिलै री जसवंतपुरी गांव कोई जमाना में लोयाणागढ़ रै नाम सूं खंडां-परखंडा में चावो रह्योड़ी । मारवाड़ राज री आ दिखणादी कांकड़ अर आढावळ परबत री आयूणी छेवाड़ी । परबत री उण ढाळ गुजरात अर इण ढाळ मारवाड़ । मारवाड़ अर गुजरात रा राजपंथ माथै लोयाणागढ़ अेक ठावी ठोड़ । आज ई मारवाड़ रा मिनख भजनां में गावै—डावी डांडी जावै द्वारकै, जीवणी लोयाणागढ़ रै राज भोजी ! ..... कोई वखत लोयाणा री स्वतंत्र राजगद्दी रह्योड़ी । जिण माथै कई अनडवीर तपिया । उण वखत वारा धाका पड़ता । पण होळ-होळ लोयाणागढ़ री राज विस्तरण लाग्यो अर छेवट मारवाड़ रा राज में लोयाणो फगत अेक जागीर री गांव बण'र रैग्यो ।

कैवत है के डाकी मूआ अर डर भागा । सो लोयाणागढ़ री राज विखर ताई इण इलाका मे भीला री उत्पात बघग्यो । इलाको इज इण भांत री । च्यारुमेर डीगा-डीगा परबत । माथै जाढी आड़ी आयोड़ी । धवळै

दिन रा कोई ताळी देय'र न्हाट जावै, ती ई पती नी लागै । रीछ, बघेरा भर चीतरा अठै निसंक बिचरै । मुरां री ती डारां री डारां फिरै । इसै डरावणै इलाक में भील धागडा (गिरोह) बणाय'र लूट खसोट करण लाग्या । मारवाड सूं गुजरात जावण वाली राजपंथ अठी धैय'र बँवै । ऊंठां री कतारां भर बिणजारां री बाळदां इण मारग इज चालै । भीलां यांनै लूटणी सरु करी । धागडा रा धागडा तीर कवाण लियां मौकौ देख भरहाय'र पडता घर माल-मत्ता खोस'र भावर भेळा न्है जाता च्यारु'मेर हाहाकार मचग्यो । पण कोई दाद करियाद नी । राज भीला नै दवावण री खासी कोसिस करी, पण की ताळ नी लागी । लोयाणा रै च्यारु'मेर भीला री उतपात बघतो ई गयो ।

छतां पण संसार रा काम कद रुकिया ? जरूरत माफक बिणज बँ पार बालू रह्यो भर मिनखां री भावा-जावो ई बंद नी न्हियो । पण इतरी बात जरूर न्हैगी के बखत जरूरत माफक इण मारग बटाऊड़ां आपरै सागै बोळाऊ (मारग-रक्षक) राखणा सरु किया । कीं इसा हिम्मतवर मिनख जिका लुटेरां सूं भिड़ण री होसली राखता, बँ बटाऊड़ां सागै बोळाऊ रै रूप में आवण-जावण लाग्या ।

लोयाणा गढ सूं की ओतरै अेक गांवड़ी भायोड़ी—बडगांव । उठै ऊकजी पड़िहारियो नांव री अेक रजपूत रै बँ । साधारण घर-धणी भादमी । पण छाती री बजर भर हिम्मत री हेड़ाऊ । काम पड़्या अेकलो सैकड़ा सूं भिड़ण री होसली राखै । अेक-दोवार काम पड्या कोई भाई-सँण ऊकजी नै इण मारग साथै लेग्या भर सामनी न्हिया उणां भीला नै पग पाछा दिराय दिया । हौळ-हौळ भील ऊकजी री नाव ओळखण लाग्या भर ऊकजी पण इण मारग बोळाऊ र रूप में आवण-जावण लाग्यो । ऊकजी अेकलो भर भील मोकळा पण मरणियो अेक ई भूँडी न्है । इण कारण दोन्यूं पल आपसरी में मनोमन समझग्या । जिण बटाऊ रै सागै ऊकजी बोळाऊ न्है तो, भील उणरी नाम नीं लेवता । उणरै लारे धूड़ ई बाळता । इणीज भांत बिना कारण ऊकजी पण भीतां नै नीं छेड़तो ।

पण थोड़ाक दिनां पछै संजोग इसी वण्यो के भीलां सागै ऊकजी री भिडंत न्हैगी कारण मामूली । पण कई बार तिरणा सूं मारत बण जावै । बातड़ी यूँ बणी के बडगांव री अेक बाणियो भर लोयाणं परण्योड़ी । नुंवो व्याव न्हियोड़ी, सी सासरै मांड़ी चूरण नै आयो । उण जमाने रा रिवाज माफक जवाईं सासरै आवतो जद मोकळा लाड-कोठ न्हैता । जवाईं लुगाइयां

नै गीता रै बढळै नाळैर घर टावर-टींगरां नै पोतो (मेबो-गिसरी) बांटतो ।  
 इण वास्तै सुभाविक बात ही के जिए घर नुं वो जवाई सासरै आवती, उठै गाव  
 रा, मोकळा टावर भेळा चै जाता । पण वाणिया रा इण जवाई नै भीड़  
 भाड़ की कम पसंद ही । सास कर भीला इत्याद रा काळा-कडोपा छोरां नै  
 देखैर उण नै घणी घिन आवती ।

उण बखत लोयाणा में भीलां री मोकळी आबादी । गाव रै वारै  
 वारी न्यारी बस्ती । तेजी नांव री भेक भील उणारी मुखियो ।  
 पुगतो आदमी । जमानी देख्योड़ी, पुराणो पापी । तेजारी भीलड़ी  
 मोटयार गाळै ई मरयी । नातो करावण खातर तेजा रै भाई गिनयतां  
 मोकळा ऊंठै-घेटा भेलिया पण तेजी मान्यो कोनीं । धी रै झीळाद में फगत  
 भेक वेटी, जिकी घर जवाई राखैर परणायोड़ी । वेटी घर जवाई तेजा रै  
 भेळा ई रैव । आठ दस बरस री भेक दोहितो, जिएरी तेजो अणुंती लाड राखै  
 तेजा री जवाई भीलां रै धागड़े भेलो लूट-खसोट री धंधो करै । भीला में उण  
 बखत तेजा री आछी मान-सान । न्यात-पांत मे उणारी नाखियो लूण पड़ै ।  
 भीलांरा आतंक रै कारण सगळो चोखळी तेजा सूं डरै । उणनै मोहडी देवण  
 री कोई हिम्मत नहीं राखै ।

भेक दिन तेजा री लाडको दोहितो बस्ती रा टावरा भेलो उण  
 वाणिया रा जवाई कनै पोतो लेवण गयो जवाई उण नै भेक दो चप्पड़ां घर  
 धक्का देय काढ़ दियो । टावर नै घणी रीस आई । तेजा भील री लाडको  
 दोहितो ठैरियो । वो मूंडी लाल चुट्ट कियां कूकतो थकी आपरै नानै कनै  
 पूगी ।

उणदिन ई भीला री धागडी लूट खसोट करैर घरा आयोड़ी । तेजा  
 री गुड़ाळ में दारू री मेहफल जमी थकी । प्यालां री डोडी मनवारां चालै ।  
 तेजा री जवाई मेहफल री मामी बण्योड़ी ।

सै बीच वंठी । तेजो डाढी रै बुकानी दियां होकी गुडगुड़ावती मांचारै  
 माथे जमियो । जितरै तो छोरी आहि आहि करतो ठेट मेहफल में पूगी ।

काई न्हियो म्हारै डीकरै रै ? किणै कूटियो धनै ? तेजो हळफळतो  
 थकी मांचे सूं उठतो बोल्तो ।

छोरी तेजा रै खोळा में पडैर जोर जोर मूं डाढण लाग्यो । उण  
 वो नै बुचकारियो तो वो हूचक भरीजग्यो । नीठ छानो राख्यो । सगळी  
 बात सुणैर तेजारै आळी-आळ लाग्यो ।



वांणिया री घा हिम्मत के म्हारा दोहिता नै कूटे ? तेजो कड़कड़ियां भींचती बोल्यो—चीर'र साजाऊं बापड़ा नै !

छोरा रै गाल माथे आंगळियां रा निसाण मंड्या देख'र उएरो बाप रीस में बावळो सौ भैय्यो । कीं दारू रो नसो अर की पीठबळ रो मद । वो माथा पर सूं पोतियो नीचो पटकती बोल्यो—इए वांणिया रै जवाई रो माथो नीं बाद नाखूं, जितरै पोतियो बांधणी तीन भागां तलाक ।

मेहफल मे सरगाटी छायग्यो । रंग में भंग पड़ग्यो ।

बात उडती उडती वांणिया रै घरां पूगी तो कूकारोळी मचग्यो । केवत है के गोयरे री मौत आवै जद भीलां रै भूंपे चढ़े । सागरण चाई बात बणी । तिरणा सूं भारत भैय्यो । तोयाणा री काकड़ अर भीलां सूं दुसमणी । जाणै समंदर मे रैबणी अर मगरमच्छ सूं वैंर । अर मगरमच्छ ई कोई साधारण नी । बाकी फाड़'र मिनस नै आखी रो आखी गिट जावै, ती पत्तो ई नी लागै इसी । भीलां रै सुभाव अर तोर-तरीकां सूं सगळाई बाकब । भै भील भाई कोई बात पकड़ै नो, अर पकड़ै तो छोटेनीं । आ कौम ई इए भांत री । वांणिया रै जवाई रो तो काळजी फड़का चढ़ग्यो । उएनै मौत सुभट निजर आवण लागी । सेहज सेहज में किसीक गळती भैगी । भवे लोयाणा में रै बणी खतरा सूं खाली नी हौ । बढगाव पूगां तो फेर बचाव भै सकै । पण बड़गांव ती सौ जोजन भैग्यो । उठाताईं पूगणी किया ? भीलां हेरो पकड़्योड़ी । वैं मारग में हथीका त्यार । भाखर मे टुकड़ा कर'र नाख देवै तो पछै गिरजड़ा ई धापे ।

उण बरस मारवाड़ में भयंकर दुकाळ । मेह री छांट ई नी पड़ी । आवै मारवाड़ मे कठई फळी ई नी फाटी । पण मारवाड़ सूं लगतै गुजरात रै इलाकै घरादरी मे उण बरस जमानी चोखी । इए कारण गुजरात सूं भनाज री कतारा लद'र लोयाणा रै मारग मारवाड़ मे आवै । ऊकजी उण कतारां सार्ग बोळाऊ रै रूप में आयबो-जायबो करै ।

उएदिन श्रेक कतार सार्ग ऊकजी लोयाणै आयो । वांणिया रै जवाई उणनै बजार में अपूठो जावतो दीठो । उए सारै सूं हेलो किया

ऊकजी काकौसा ! ऊकजी काकौसा !

ऊकजी पाछळ फोरी, जितरै वो हळफळतो थको नैडो जाय पूगी । मोकळा दिनां सूं लोयाणा मे रोडीज्योड़ी अर दुस सूं भरीज्योड़ी होवण सूं ऊकजी जिसा आपरै गाव रा भरीसाबंद आदमी नै देखा'र वांणिया नै रोज आयगयो । आख्या जळजळी अर कंठ गळगळी भैग्यो । ऊकजी नै कीं बात

समझ में नी आई । वाने बड़गांव छोड़्यां मोकळा दिन व्हैग्या हा । सोच्यो लारै कोई कुठांणो तो नी व्हैग्यो ? वैं उणनै लेय'र अेकांत में गया । पूछ्यो—काई बात है ? गांव में तो सैं आणंद मंगल है ?

—हां गांव में तो सैं राजी खुसी है । वी आख्यां पूछतौ बोल्यो-पण....

—पण काई, बात व्है जिकी कैवै क्यूं नी ? कहा बिना काई ठा पड़ै ।

अर बाणिये आपरै दोरप री बात घरामूळ सूं मांड'र सुणाय दी । रात मुण'र ऊकजी ई विचार में पड़ग्यो । थोड़ी ताळ ठैर'र होळ' होळ' बोल्यो—काम तो घाप'र ऊंधो ई ब्हियो । म्हूं तेजा अर उणरा जवाईं नै जाणूं । महा आंटीला आदमी । पण कुमत आवै जद किसी कैय'र आवै । इणमें थारी ई कसूर कोनीं भाया ।

ऊकजी काकोसा म्हनै कियां ईं कर'र बड़गांव वळती कर दी । जीवूं जितरै थारी अेहसान नीं भूसूं । बाणिये ऊकजी रा पण पकड़ लिया ।

अरे रे ! यूं काईं करै गैला ! ऊकजी उणरा हाथ पकड़ती बोल्यो ।

अै भील म्हारा टुकड़ा कर'र कागलां नै चुगाय दैसा । थे चावो जिकी ई म्हूं देवण नै त्यार । पण अेकर थे म्हनै बड़गांव रा भाड़का दिखाय दी ।

ऊकजी नै करूणा आयगी । गांव रौ छोकरौ । हाथा सूं मोटी कियो घापड़ा रै हाथारी मेंहदी ई भगसी कोनी पड़ी अर भीलां रै हाथ बिना मौत मारियो जासी । काईं ठा इणरा हाडका कठै बिखर सी.....इणनै तो बचावणौ ई पड़सी । ऊकजी मन में पक्की तेवड़सी ।

देवण-लेवण री उणरी बात याद कर'र ऊकजी ठीमर सुर में बोल्यो—देवण-लेवण री धूं बात छोड दै भाया । थनै साथै लेय'र ग्यां के तो माथो देवणी पड़ला अर के माथी लेवणी पड़ला । धूं माथे रौ मोल चुकाय सकतौ व्है तो बोल !

बाणियो चमगूं गौ वणग्यो, काई पड़ूतर देवती ।

—खैर धूं अवे दूजी चिता छोड़—ऊकजी कह्यो—सूंधारी धणियाणी जगदंब सहाय करसी । काले दिनूं गै थारै चढ़ण खातर कोई सांतरी परण त्यार राखजै । म्हूं थारै सागै घोड़ा माथै चालूं ला ।

बाणिया नै तो जाणै नुंवो जमारो मिळ्यो । सगळी रात आख्यां में फाड़ री । दिनूं गै अेक घोड़ा माथै वीई ऊकजी रै सागै रवाने ब्हियो ।

बड़गांव री मारग तेजा भील रा भूँपा रै आगै कर वेंवै । तेजा रै फळसा आगे पूगा तो ऊकजी घोड़ा नै छिनैक ढावियो अर हाकी कियो

तेजो धरे है रे ?

हुंए रा ! गुहाळ में सूं आवाज आई—कुण म्है ई ?

—ओ तो म्हूं ऊकी पड़िहारियो । बड़गांव बाळा बाणिया नै पुणावण नै जाऊं । या बाळा जवाई नै समझाय दीज के सारै नी आवै । मामूली बात खातर इतरी आंट नी बांधणी । अर जे इण उपरांत ई नीं मानै तो कय दीज के धागडो लेख'र लारै आवै । असल कसूवल पोतियो बंधाय'र भेजूंला ।

पाछो कीं पछूतर नी मिलयो । बाणिया सामें ऊकजी रै जावण री मुरपुर भीला री बस्ती में रात नै ई बहेगी ही । तेजा री जवाई हुमरड़ाई करण लाग्यो तो भीलां उणनै बरजियो । पण वो मामूली कोनी । बोल्यो—कोई सामें नी चाली तो सगळाई पडो घेड में । जावती बखत वो बकार नै गयो है सो म्हनै तो जावणो ई पड़ेला ।

तेजो बोल्यो—पांवणा मान जा । सगळाई ना देवें तो अणताई मत कर । पछै ई पछतावो रैवैला ।

—पछतावो किण बात री ? मरणो अेकणवार है । अर इसो ऊकजी कांई बाध है ? जे असल भोलण रा चुंधिया है, तो ऊकजी अर बाणिय दोन्या नै मार'र पांणी पीवूँला ।

तेजा री छोरी रोवती थकी बोली—बाबो ना देवें वो काम मत करी । धानें सूंधा माता री सौमन है ।

धारी बाबो कायर है—वो रीस मे तंबोळ ब्हियोडी बोल्यो—अर घै सगळा भीलड हीजड़ा है । म्हनै किण ई बरजियो तो माथो घाड दूँला ।

अर वो तलवार री खापटो हाथ में लेख'र उछाड़े माथे साव अेकलो खाने बहेयो । सगळा उणरी रीस नै जानता । इसा अडियल आदमी नै कुण बरजै । सै भाठां री मूरत धै ज्यूं ऊभा । किण ई चुंकारो ई नी किमो ।

वो पवन रै वेग भाखर रै ऊपरवाई बहैय'र बड़गांव रै मारग जाय आडो फिर्यो । लोमाणा सूं की आतरै इण मारग अेक सांकड़ी घाटी आवै । वो सागंडो मौकी देख'र अेक टणका गड़ा रै ओले छिप'र बैठग्यो । होळं होळं मूरज ऊपर बढ़ण लाग्यो । घाटी में जीवा जूण री बळवळ सरू बही । भील री आंखयां अर कान अरजुण री चिड़ी रै ज्यूं मारग कानो लाग्योडा । इतरैक तो अळगं सूं घाटी में घोड़ा रा पीड़ सुणीज्या । वो सावचेत बहै'र बैठग्यो अर तलवार हाथ में काठी पकड़ली । होळं होळं दोन्यूं असवार तर-तर नैडा आवण लाग्या ।

घोडा टपटप करता आपरीळ में बैवै हा अर असवार आप-आपरे विचारा में मगन । ऊकजी री थोडी गड़ै रै अेन सनमुख आयो के मौकी

ताक'र भील फुरती सूं वारै आयौ अर दोन्यूं हाथां में तलवार भाल'र लारै  
सूं वार कियो । वार भरपूर बैठी अर माथो आधो कटग्यो । वो दूजो वार  
वांणिया पर करणो चावतो पण इणरै पै'लीज गरणाट करती ऊकजी रो  
घोड़ी पाओ फिरयो । बिजली रै पलाका ज्यूं भक्ख करती भवानी म्यांन रै  
वारै निकली अर ओक भाटका में ई भील रा दो ढोल बहैया । आ सगली  
रामत आंख फरके जितरी जेज मे बहैया । घोड़ै मूँ डिगतां डिगतां ऊकजी  
घाटी रै पेलळ बड़गांव रा मारग माथे घूड़ रौ गैतूळ उडती देख्यो तो उणरी  
आतमा नै संतोख ब्हियो ।

भाखर मे आज ई उण ठोड़ थड़कली बण्योड़ी । ऊकजी भोमिया रै  
रूप में पूजीजै ।



## सजा

### □ साँवर दहया

भठे भायां गिरधारी नै स्त्री की अणखावणी-अणखावणी सो लागती । लागती केँ बगल री रफतार साव घीमी है । सोमवार पछे सनीवार भावेँ जितेँ लसावेँ केँ जाणै जुग बीतग्यो है ।

भाख फाटतां ई दिन सरू हुय जावेँ अर सिङ्घ्या कित्ती दोरी पढ़ेँ, बोई जाणै । कमरे सून स्कूल, स्कूल सून पाछी कमरी । स्टोव सून मगजमारी । काची-पाकी अर भाटी-बांडी रोट्यां । भालू कान्दा री सदाबहार साग । जीम्यां पछे इभ्र-बिभ्र खुडिया रगड़तां पीपळ रै गट्टेँ ताईं पूगणी । बठे 'बर-भर' री मजमी । सिङ्घ्या नै मोटर भावेँ जितेँ बठे ई उबास्यां खावणी । इणी बिच्चेँ भेक-दो कप चाय । फेर भाक्योई मन सून पाछी कमरे री भीतां में कंद हूवणी । दिनूने री बच्चोड़ी रोट्यां खावणी । फेर नींद नीं भावेँ जितेँ पसवाड़ा फोरणा । का सत्तार रै छोड्योई बीड़ी रै घूँवे में अमूभते जीव नै लियां पढ़्यो रैवणी ।

प्रमोसन री कित्ती उडीक ही गिरधारी नै ! जदताईं लिस्ट आउट कोनी हुई ही, तदताईं बी केई-केई सुपना देखती । बीनेँ आपरे रगत री रफतार की-कीं बच्चोड़ी लगावती । बीनेँ ओ तकात लसायो केँ जे बी ठेसण जाय'र वेडिंग मसीन भाथे ऊभर साल चक्करियेँ रै स्वयां पछे दस पइसां आळी सिक्की न्हाय'र आपरो वजन सेवेँ, तो सारलै दिनां लियोई वजन सून भेकाथ कित्ती बत्तो ई हुवेला ! आं ई विचारां बिच्चेँ प्रमोसन लिस्ट आउट हूगणी । बीरी पोस्टिंग गाव री संकण्डरी स्कूल मे हुई । स्कूल सून रिस्तीव हुयां पछे गांव जावण धाळी मोटर री अतो-पत्तो करण साम्यो ।

बस स्टैंड जाय'र 'पूछ-ताछ' आळी बारी में मूण्डी घाल'र बिण गाव  
 री नांव बतायी भर मोटर री बगल पूछ्यो। बीरी बात सुण'र वो आदमी  
 मूँछां में मुळक्यो। कधै बैठ्यै आदमी सूँ नजर मिलायी। दोनों री आख्यां  
 च्यार हुई भर वै मुळक'र जोर सूँ हंस्या। फेर वो आदमी बोल्मी-ई गाव  
 कानी 'रोडवेज' कोनी जावै। अक प्राइवेट बसड़ी जाया करे'।

—वा कठै सूँ जावै'—?

—ध्यान कोनी ! आ सुण'र गिरधारी नै लखायो जाणै किणी भाठी  
 उठाय'र बीरै सामें बगायो हुवै। साइकिल मावै बैठ'र पैडल मारती बगत  
 यौ मोचण लाग्यो कै अ सुगन आछा हुया। मोटर कठै सूँ जावै, आई ठा  
 कोनी ! पैली तो मोटर जावै आ जाया सोचौ, भर गांव पूग्मां पछै जे कठैई  
 स्कूल सोधणी पड़ी तो ?

धूमतां-धूमतां सिंझ्या ताई बीनै मोटर रवाना हुवणै रौ ठिकाणौ भर  
 बी स्कूल रै दो-तीन मास्टरां बाबत ई की जाणकारी मिलगी। यै बी रै ई  
 सैर रा वासी हा। पूछताछ कर'र अक जणै रै घर रौ पतो लगायो। बठे ठा  
 पड़ी कै बी सनीवार नै आवै, भर दीतवार नै पाछौ जावै। गिरधारी सोच्यो  
 कै रविवार नै बीरै साथै जावणौ ई ठीक रैवैसा।

सनीवार नै गिरधारी जद सत्तार रै घरै पूग्यो तो बीरा बडोड़ा भाई-सा  
 ऊमा हा। वा कैयौ-मास्टर जी, सत्तार तो ढाई-तीन बजी ताई पूग्या करे'।

आ सुण र गिरधारी पाछौ टुरग्यो। पाचेक बजी पूग्यो तो सत्तार  
 घरां लाग्यो। सत्तार सूँ पुराणी सैध पिछांण निकळगी। कमरै में बैठ्यां पछै  
 बीनै लखायो कै किणी बीज री बास आ रैयी है। जाणै कठैई कभ्रैई मीडको  
 मर्योड़ी हुवै। बास तर-तर बघती लखायी। बी सूँ रैयीज्यो कोनी। बिण होळै  
 सी'क पूछ्यो-घारै कमरै में आ बास क्या री आवै है ? कठैई कोई ऊंदरियो-  
 फूंदरियो तो मर्योड़ी नी है'—?

सत्तार री की-की गैलीजती आख्यां मे भभको-सो उद्यो। बी बड़ीक  
 की सोच'र बी मानै माथलै तकिये हेठै सूँ अक धौलो पूर काढ'र पछैती माथै  
 फेक दियो। गिरधारी री नजर सूँ बघ नी सक्यो कै पूर गीलो हो घर वा  
 गिघ बीरै मांय सूँ आवती हो। सत्तार बीड़ी री फूँक खैच'र बोल्यो-देख  
 भायला, भई अकर तो मोटर सूँ उतर'र घरां आवताई गंठी बीड़ू'—'अर फेर  
 मीकी लागै जणा'—। बीड़ी रौ धूँवौ गिरधारी रै मूण्डे आगें पसरग्यो भर गंठी  
 बीडण री अरथ ई समझ्यो। अरथ समझ में आवताई बी मुळक्यो। बी  
 बोल्यो—चाली, बीड़ी ताळ वारै धूम आवां।

—चाय री भेक दौर हुय जावे । पछेई घालां ।

—ओ दौर बारै ई करसां । बीरो जी की-की मिचळावण लाग्यो हो ।  
मर्योई मोढ़कै री गिध बीरी नास्यां में भरीज्योडी हो ।

सत्तार काछ खुजावती बोल्यो—जियां थारी मरजी“““ ।

गिरधारी गांव जावण खातर तैयारी कर लीन्ही । भेक पीपे में सातेक किलो आटो, हठड़ी मे मिरच-मसाला, भेक डब्बे में तेल अर दूज में घी, कोथली में घर री कर्योडी वड्यां, भेक ठूंगे में आलू, कांदा अर मिरचां“““फेर तबो, बेलण, चकली, स्टोव, घासलेट री पीपी“““दरी, चादरी“““बो भेक-भेक चीज गिण-गिण र सामान बाधण लाग्यो । स्सी सामान बंध'र तैयार हुयो जणा तीन नग हुयग्या । सवा तीन बजी घर भू' निकळ्यो अर साढ़ी तीन ताई गोळ बाग कने पूग्यो । बठे वस लाग्योडी हो । गिरधारी आपरी पीपी अर दूजो सामान मोटर र ऊपर रखवाय दियो । खुद भांय जाय'र बैठग्यो । मोटर में साढ़ी पांच फुटो आदमी ई सावळ ऊभो कोनी रैय सकै, बी ती पांच फुट दस इंच लम्बी हो ।

मोटर में भेककानी जनानी सवार्या खातर सीटा ही । बी माथे पाच-सातेक लुगाया बैठी हो । सामे सोट भार्य कई थेला अर अंगोछा पड़्या हा । भेक जागा साफो मेल्योडी हो । गिरधारी समझ्यो कै ओ लोग आपी आपरी सीट रोक'र नीचे खुली हवा मे ऊभा हुवेला का पछे सौदे सुलफ खातर कने ई गयोडा हुवेला । पूणी च्यार बजी सत्तार धायो । पजामी अर बुसट । मूण्डे मे बीड़ी । आल्यां मे सागी गैळ । गिरधारी र मन में धायी कै पूछ्—क्यों भाइड़ा, आवती बगत ती गंठी पकामत बीड़मो हुवेला । सत्तार बी र कने आय'र बोल्यो—म्हारी जागा रोकै का नई ?

—भेळा हुय'र बैठ जासां“““ ।

—आ तो खैर करसां ई“““ । सत्तार बोल्यो ।

च्यार बजगी, पण मोटर हाल टुरी कोनी । सवा च्यार बजगी । सत्तार ने पूछ्यो तो बी बोल्यो—मोटर भरीज्या पछे रवाना हुसी ।

—हाल भरीजणी वाकी है काई ? मोटर मे खचाखच भीड़ अर घू'बे भू' अमूझ्योई गिरधारी कैयो ।

—हाल ती इत्ता-रा-इत्ता लोग और बैठसी !

—आं सवार्यां माथे ?

—ना, आं र कने बैठसी “““ अर केई बैठसी मोटर र ऊपर ।

आ सुण'र गिरधारी अमूझ्योडी हुवता थकाई मुळ्ययो । बीने मुम्बई री डम्बल डेकर बसां याद आयमी । वाने आंसू सरखावण लाग्यो बी । ओपन

शेयर डबल डेकर ! श्रेक विचार वी रें मगज में उपज्यो, अर इण नुंवे सबद  
री मौलिक सूक्त सूं बी री छाती चबड़ी हुयगी !

—डाइवेंर सांव पधारग्या दीखें सत्तार बोल्यो । गिरधारी बंठी नें देखण लाग्यो । श्रेक मुइदल-सा आदमी चिन्वा  
बैठ्योडा । मूँछां जरूर भरवी ही । माता रा गैरा बण । घाल मक ही, पण  
बा सरच लाइट री काम काई जंड़ी ! दूजोड़ी नें तो जाणें किणी भंगूठे सूं  
दाव दी हुवें—आली माटी रें गोळें में !

मोटर री होरन बाजण लाग्यो दो-च्यार मिनस् माय ओरूं घसग्या ।  
कोई ऊपर चढ़ग्या तावई में 'ओपन एयर डबल डेकर' री मजो लेवण नें !  
मोटर टुरी, जितें साड़ी च्यार वजण लागी ।

थोड़ी ताळ पछें मोटर में धक्कम-पेल-सी हुवण लागी । आरणियै  
मैसै तो श्रेक आदमी गळें में चमई री वटुवो लटकायां, मूण्टें में पान चिगळती  
आवें हो घर भाड़ी वसूल करे हो । गिरधारी अर सत्तार ई आपरो भाड़ी  
चुकायी ।

—क्यों, सोरा ती ही नी माइ साव ! राफया कनै बैवती पीक नें बसट  
री बांव सूं पूँछती बी बोल्यो ।

धारी मोटर में दोराई क्यां री ? सत्तार बोल्यो जाणें फस्ट क्लास  
शेयर कण्डीसड डब्ले में आराम सूं सिगरेट पीवती मुमाफिर बोल्यो हुवें !  
गिरधारी मांय री माय मुसळीजतो ही । ऊंधी सूंधी गाळ्या काढ़ती ही ।  
थोड़ी ताळ पछें गिरधारी सत्तार रें कान में कैयो—गुरु ! ई बस में बैठ'र भाड़ी  
देवणो तो साव बेकायदे री बात है । ओ डंग ढाळी देखतां ती जिकी आपरे  
गाव जीवतो पूग जावें बी नें फूल माळावां पैर'र आखें गाव में घुमावणो  
चाईजें !

—परवाह ना कर, धारी केस ई खाडो कोनी हुवें !

मोटर चाल्यां जावें ही । बीच-बीच में भावतें ठेसणां मायें मोटर डबती  
अर नुंवी सवार्या लियां जावती ।

सिइया पूणीक आठ बजी मोटर गाव पूगगी । मोटर सूं हेठै उतर्या  
पछें गिरधारी री आख्या आडा तिरवाळा-सा आयग्या । बिण उवासी ली ।  
अठी-उठी देखण लाग्यो ।

—पैली सामान उतार लेवां, पछें कड़क चाय पीसां । सत्तार बोल्यो—  
पण आ ती बता कै माळावां पैर'र गाव में घूमसी ? जीवतो पूगग्यो है लाडी ?  
अर दोनूं हसण लाग्या ।



थोड़ीक ताल में च्यार-पांचेक मास्टर भेला हुयग्या । बातां में ठा पड़ी के सिझ्या पड़्या पछै पीपल रै गट्टे माथे आय र अँ लोग बैठ जावै अर मोटर नै उडीके । मोटर आवै जणा थोड़ीक तालताईं बठे चलै पैल अर बात-बंतल रैवै । पछै म्हाराज आपरी चाय री दुकान बढ़ा'र घरां जावै परा । मास्टर अर दूजा लोग गुद्दी कुचरता, उबास्या खावता, बीड़ी पीवता का जरद री पीक थूकता, खुडिमा रगड़ता आप आपरी काबकां कानी टुर जावै । मांचा माथे पड़्या पसवाड़ा फोरता धांसता-खंखारता भाख फाटण नै उडीकता रैवै !

गिरधारी री आख साड़ी पांच बज्यां खुली । बिण आपरी आख्या मसळी अर आभे कानी देख्यो । आभे में तारा गुगळा पड़ग्या हा ।

रोजीना री आदत मुजब बिण दांतण कर्यो अर फेर अेक लोटी पाणी पी'र निमटण सारू टुरग्यो । बिण सत्तार नै पूछ्यो तो बी आख्यां मसळ'र गीड बिछावण रै अेक खुणै माथे मसळतो बोल्यो—तू' निमटीया भायला । म्है तो सिझ्या नै जाया करू' ।

बिण गिरधारी नै बताय दियो के पैसी तो नाक री डाडी जावो कर्ये अर फेर डावै कानी मुड जायै ।

गिरधारी निमट'र आयो जित्तै ताई सत्तार मांचै-माथे बैठ्यो बीड़ी पीवै ही । काईं टेम हुयग्यो ? सत्तार आपरी घड़ी में चाबी भरतां पूछ्यो—म्हारली घड़ी तो रात नै बन्द हुयगी बेटी !

—साड़ी छव ! गिरधारी कैयो अर न्हावण खातर वालटी भरण लाग्यो । सत्तार ऊठ'र स्टोव मे पम्प मारण लाग्यो ।

बिण टोपियै में पाणी घाल'र स्टोव माथे मेल दियो । गिरधारी न्हायो जित्तै चाय तैयार हुयगी । चाय पी'र दोनू' तैयार हुवण लाग्या । सत्तार 'डाईक्लीन' कर'र जूता पैर्या । बी बोल्यो—आवो चालां !

गाव रै अेक छेड़ै स्कूल बण्योडी ही । स्कूल में कोकरिया ऊग्योड़ा हा । चौफेर काटा री बाड । स्कूल रै लारै देखा तो च्यारू' मेर धोरा ई धोरा ।

स्कूल दो सिपट मे लागती । दिनूगै सात मू' साड़ी बारै ताईं पैसी मिपट । जिण में छठी मू' दसवी ताईं रा छोरा आया करता । फेर साड़ी बारै मू' पांच ताईं पैसी मू' पांचवी ताईं रा छोरा ।

स्कूल री हालत देखण जोगी ही । नवमी-दसवी में सात-सात छोरा । पूरी मिपट में मित्तरेक छोरा नीठ हा ।

गिरधारी नै सप्तावतो के अटै बगल अजगर दाईं पसर्योड़ी पड़्यो है । अेक अेक दिन हफ्तै दाईं बीततो सप्तावतो ।

अठे बगत कटे किया कोनी ? वो केई दफा सोचती ।

दिनूगे ऊठो अर चाय पी'र स्कूल जावो । साढ़ी वारें वजी छूट्या । डेढ़-दो ताई रोट्या सेकौ । खाय'र मांचे माथे आडा हुय जावो । पछे च्यारेक बज्यां चाय पी'र वारें निकळी । बां सागी'ज च्यार पाच मास्टरा कने जाय आवो का पछे संग भेळा हुय'र कठेई बैठ जावो । पीपल रै गट्टे माथे जावो परा । बठे 'चर-भर' खेलतें लोगां नै देखो का पछे दो-दो जणा खुद ई 'चर-भर' मांड र रमण नै बैठ जावो । सरू में तो बीने 'चर-भर' देखण में कीं रस आया करती । वो लोगां री बाता सुणती-हे लै—आ चाली । अब खोल उकरास ।

—उकरास देवू, क्यूं हियो फूट्योड़ी है काई ?

—डोफा ! उकरास दे ना दियै । लारै फाडी पड़ी है ।

—अेक र देय'र देख तो सरी । मूतिया बंद नीं कर देवू तो नाव फोर दियै ।

बांरी बातां सुण-सुण र गिरधारी नै मजो भावती । थोड़े दिना पछे वो खुद इ 'चर-भर' खेल'र बगत काटण लाग्यो । पण तो ई बीने सखावतो के बगत कट नीं रैयो है । वो बी सोसाइटी में खुद नै मिसफिट मँसूस करती !

—लै भाव, चालां—। गिरधारी कैयो ।

सत्तार उथळी दियो—इत्ती काई खयावळ है । कमरै में जाय'र ई काई करसां बटे जाय'र माचे माथे ई तो पड़णो है । मोटर देख'र चालसां ।

—कोई भावण आळी तो है कोनी । गिरधारी बोल्थी ।

—कोई नीं आवो भलाई । मोटर तो आसी'ज ! ई बगत ई ती गाव में थोड़ी चैल-पैल निगै आवै । अर आपां ई बगत कमरै में जाय'र मरीजां दाई पड़ जावा ! हूँ ! बीड़ी सिलगा'र फेर बोल्थी—इंया उफत्यां अर उदास हुयां काम कोनी चालै !

—मन नीं लाग रैयो है ।

—सरू-सरू मे इंयां ई हुया करे । पछे अे ई बातां आछी लागण लागै ।

थोड़ी ताळ पछे सत्तार बोल्थी—लै देख, बठी नै देख । वो बजरंग भावै अर बीं रै साथे कैलास ई है । अे ई मोटर री रोनक देखण खातर भाथ रैया है । अर तू कँवै कमरै में चालां ।

गिरधारी बठीनै देखण लाग्यो ।

वै बठ भाय'र गट्टे माथे बैठग्या अर मोटर नै उडीकण लाग्या । कैलास चाय री कैयो । पछे गिरधारी नै पूछण लाग्यो—क्यूं, गांव में मन लाग्यो का नई ?

—पंछी उदास है ! सत्तार बोली ।

—सैर आलां नै गांव में कम ई आवड़े ! बजरंग बोली—सैर रा जीव तो सैर मे ई राजी रैवै !

—पण सैर में रैवण री पट्टो थोड़ी लिखवायोड़ी है !

—प्रमोसन हुवै जणा तो अेकर बारं भेज ई है ।

—प्रमोसन क्यां री श्री तो पनिसमेंट है !

—और नी तो कांई ? सत्तार बोली—घर छूटै अर बिना मतलब ई दो चूल्हा हुय जावै । दोलडा खरचा हुवै ।

—घाटो तो साफ दीख ई है । अब देख लै, गिरधारी प्रमोसन लेय'र आयी है । कंवण नै तो दो इनश्रीमेंट री फायदी हुयी, पण असल में तो सवा सौ, डेढ़ सौ री घाटो हुयी है । फेर बीड़ी री धूँवी छोड'र गुलासी करण लाग्यो—सब भूँ पंली ती पचास रुपिया हाउस रेंट मिलतो, बी बन्द हुयी । अठै गाव मे ई चाळीस रुपिया कमरौ भाड़ी देवी । गया नी निब्वै रुपिया तो पूरा ! पछै आयै सनिवार सैर जावो जणा हरेक दफै पन्दरै रुपिया वै गया । महीनै मे साठ तो अै गया । फेर अठै रैवां जणा खावण-खरच अर चाय बीड़ी रा जिता गिणी, वँ ओरूँ गिए ली । अब जोजी । अर फेर हां, बठै घर आळा रै खरचै में ती रस्ती भर ई फरक कोनी आवे । श्री खरचौ म्यारी बंध जावै ।

चाय पीवी परा । अै खरचा ती इया ई लाग वो करसी ! कैलास बोली—लै गरु, पी परी ! गिरधारी चाय पीवती-पीवती सोचती रैयो के श्री सोदो तो घाटै री रैयो । प्रमोसन नी हुवती तो ई ठीक हो ।

चाय पी'र सँग आपो आप री गिलासां थोय'र घर दीनी । मोटर आयी अर थोड़ी ताळ री चैल पैल पछै लोग खिडण लाग्या । गिरधारी अर सत्तार ई कमरै मे आया ।

रोटी करा कांई ? गिरधारी पूछ्यो ।

कित्ती रोट्यां पड़ी है ?

पांचेक फलका पड्या है ? अेक बाटकी साग है ।

थोड़ा मुजिया पड्या हा नीं ?

हां, है नी ।

फेर बळण दै । कुण माथा फोड़ी करैला । बियां कोई खास भूत तो भाय कोनी !

हां, दो फलका नीठ भासी । दो बजी ती जीम्या ई हा । हाल तो भागलो ई हजम कोनी हुयी ।

भालू कांदा री साग अर गुजियां सूं रोटी खाय र दोनूं मांचे माथे बैठ्या । ट्रांजिस्टर रा सैल डाउन हुयोड़ा हुवण रै कारण वो घरं घरं करती हो । आवाज साफ नी आवै ही ।

अबकै सनीवार नै सैर चालसां नी ?

हां, सनिवार नै जरूर चालसां ! सतार री आवाज मे हरख हवोळा मारै ही ।

आज काई वार है ?

मंगळवार है !

हाल मंगळवार ई बीत्यो है ? हाल तो सनीवार आडा निरा दिन पड़्या है । बुध, बिस्पत, सुकर अर सनी.....हे राम !

वै दोनूं बत्ती बुझाय'र सूयग्या । पण नीन्द कोसां दूर न्हाटगी । पसवाड़ा फोरतै गिरधारी नै पड़ी पड़ी औई लखावती कै वै दिन अर बी प्रेड आछी ही, जद दोनूं बगत घरा बणी-बणायी ताजी रोटी मिल जाया करती ही । अर इण भांत सनीवार नै उडीकणो कोनी पड़ती ।

बी नै लम्बी उवासी आयी । अंधारै में की-की सुणीजती लखायी—  
प्रमोसन क्या री.....औ तो पनिसमेंट है, पनिसमेंट ! असल बैठा हा आराम सूं घर में । उठाय'र टेक दिया वारै !

गिरधारी पसवाड़ी फोर'र सूवण री कोसिस करण लाग्यो, पण अंधारै में वै आवाजां तर-तर तेज हुयो गयी ।



## छोरी विगड़गौ

□ उदयवीर सरमा

खुल्ली चोखी सोवणी दिन ही । सीली पून को चाल री ही ना । गणेशाराम आपरी रिस्तदारी में जा'र आपरै गांव कानी बाबडरूयी ही । मारग में सोवणै दिन नै देख'र विचार आयी "टावरियै सूंमिलि चालां । देखां किमोक ठाठियां बाध राख्यो है ? घणीवार चिट्ठियां मे मिलए बुला चुक्यो । आज मोकी है । बी नै छुट्टी में धरै आया घणा दिन हुया । ब्याव करया पछै आयो ई कोनी । टावर ती सुपातर है, कहे में है । चोखी कमावै है । स्याणी समझदार है । फेर इवी उमर ई कितणी ? जवान बणतो टावर है । धीर्यां-धीर्यां टेम पा'र और उन्नती करसो, ऊंचो-बड़ी होसी । चोला पीसा कमासी । मेरै ती चारुवा मे सूं यो छोटकियो ई घणी चातर अर सीळ सुभाव री निकळ सी ।" इयांल के विचारां रै वेग सूं गणेशाराम री छाती फूलगी अर बीरी प्रेम धारा छोर् सूं मिलए नै चाल पड़ी ।

घड़ीक चाल्यो, रामगढ़ आगी । गणेशाराम कनै आपरै छोर् री पूरी ठिकाणी-पती को ही नी । पए बेरी ही सरकारी कुवाटरा में रैवै है । बस नम्बर याद कोनी । बूझतो-बूझतो कुवाटरा मे आ लियो । कुवाटरा मे आ'र घणी भगा दौड़ करणी पड़ी । कोई आवै "इन्ने" बतावै, कोई आवै "बिन्ने" बतावै । अक जणी बतागी, दस कुवाटर छोड'र आगी अक सड़क आवैगी, सड़क सूं चाल'र अक हायी मड्योड़ी कुवाटर आवैगी, बीने बायो छोड'र आगी सीधा चल्या जायो, पाचवी कुवाटर बिना रो ई है । और आगी पूछ लियो "गणेशाराम री चोखी गोडा तुड़ाई हुवै । कुवाटर को लावैनीं । फेर अक जणी मिल्यो, बी बतायो, "थे ऊळा आगा । इए तरफ तो से चैक अर भेल. आई. सो. में काम करणिया रैवै है । थारी छोरी किए म्होकर्म में काम करै है ?"

गणेशाराम आखती सो हो'र बोल्यो "म्होकमी ती मेरै ठीक साबळ याद कोनी, पण वो तँसील में काम करै है। वो रो नाम चतरसिंघ है।" बताणियो बोल्यो "ये इण सड़क सड़क चल्या जावो, जठै या सड़क खतम हुवै, वठै सूं दायें हाथ कानी मुड़ज्यायो, आगै चाल'र ओक बड़ रो बिरछ आसी, बिण सूं वाया चाल'र सो-ओक कदम ये चालस्यो जणा तँसील हाळांरी कोलोनी आसी। वठै ये पूछ लियो। थानै ठायो ठिकाणो मिल जासी। गणेशाराम पग तुड़ाई करतो फिरै, पण छोरै रो कुवाटर को लाघैनी। जितणी जोर दस कोस चाल'र कुवाटरां नई आवण में को आयो नी, बितणी जोर कुवाटर-कुवाटर छाणन में आयो। पण तोई ओढ़ो मिल्यो कठै ? दिनरा आठ सूं बारा बजण में घाई, इब आयोडो बिना मित्यां कियां जावै ? सांप-छछंदर री गत हुयगी। ओरू कुवाटरां में पग तुड़ाई करै लागी।

चालतो-चालतो रँवैन्वू कुवाटरां में आयो। पूछताछ करी। ओक जणो आपरै कुवाटर सांभी ऊभो हौ। तँसील में काम करतो। वो चतरसिंघ नै चौकस जाणतो। सो वो गणेशाराम नै आपरै कुवाटर में लेगी। स्वागत सतकार में चाय प्याई। निरणाबासी गणेशाराम रँ पेट में क्यूं पड़्यो। जी में जी आयो। हिम्मत बंधी। प्यावस आयो। चाय पीता-पीता बतलाया, "चतरसिंघ जी पैली इणी कुवाटर में रँवता। इब बँ छोड़'र सहर में चल्या गया। वठै वानै क्यूं बडो भर सज्योडो मकान मिलगी। अठै मूंदो कोस दूर पड़सी लागै में चल्या जायो। म्है थानै पूरो पतो दे देस्यूं। फोड़ा कोनी पडसी। 'सिंघजी' आदमी घणा लूँठा है। मस्त घणा। पीस कानी कोनी देखै। गोठ-घूमरी रा तो भोत प्रेमी। घूमणै रा घणा सौकीन। कद-कद सभा सोसाइटी में 'पकाळियो खाण-पाण' ई करै लाग़ा। थारा बँ काई लागै ?" "वेटी"

इब बात बदळतो वो बोल्यो, "मेरो मतलब यो नीं है कँ बँ बिगड़गा या कोई कूलत है। घणा स्याणां है। लैण पर है। म्हारा तो बँ सँकट्री है। कुलखण तो वा रँ नेई ई को आवै नीं। भोत घणा मँनती है। खटक पीमा कमा-णिया है। कोई री सेवा-सहायता करणियां ई है, कराणिया कोनी। बँ सँरा प्यारा "सिंघजी है।"

वेटै री बड़ाई सुण'र गणेशाराम री छाती फूलगी।

छोरै सूं मिलण ताई पग तुड़ाई करतो गणेशाराम चीं रँ बतायेंडै ठिकाण मुजब ओरू चाल पड़्यो, पण इवो ठायचो कठै ? दो री तीन कोस लठरी जात निकळी, पण गणेशाराम चालणियो आदमी हो। के भावै ही ? पूछतो-पूछतो इबकं ठायचेंसिर आ लियो।

मकान सामी धार देलें तो छोर रो नाम श्रेक काठ री पाटी पर लिख्योड़ी टंगर्यो ही । गणेशाराम नें थोड़ा घणा नांव बांचणा धारवहा । वो मकान में चलयो गयो । सोवणो बाग बगीचो देख्यो । मन हर्यो हुयगो । आखर किसान रो छोरो है । हरियाळी सून प्यार होवणो ई चाहिजै । बी हरियाळी में दो च्यार मुड्डा-कुरसी पड़ी ही । बीच में टेवल रखी ही । पण सुनसान कीनै पूछै ! दुरजै कानी गयो तो लिख्योड़ी ही “बुजाने के लिए घंटी बजावो” इव गणेशाराम नें बेरी कोनी कें घंटी कियां बजसी ! पण बी बटंण नें छेड़ दियो । छेड़तां ई मायनै टरनाट उपड़यो । घंटी घापो घाप बाजगी । थोड़ी देर में दरवाजो खुल्यो ।

देखै तो श्रेक फररी-फूटरी, दो चोटला करयां, टरकून मरकून करती श्रेक जवान सी लुगाई भघ जड़िया कुंवाड़ा में सून सावळ दीखी । मांय सून तन रा पळका पटकण हाळी लाइलून री भाई पल्ल री साड़ी बाध्यां ही, जिण में सून श्रेक बिलांदियो कब्जी भळकै ही । श्रेक हाथ में कांच री विदरंगी चूड़ियां दूज में चूड़ियो री जघां पड़ी ही । मुखई रा मन भावणा भंग भांत भात रै रंगां रै साज सून सज्योड़ा हा । इयां सागै ही जाएं वा कठे ई जावण नै सज्योड़ी ही । पगल्या धरती पर उभाणा ई टिकर्या हा ।

इसी सरूप जिंदगी में नेई सून पैली बार देख'र गणेशाराम हैक-चैक हुयगो । बोल को उपड़ै नी । बिसवासई को होयो नी कैं मैं मेरै छोर रै धर्यां खड्यो हूं । भैम हुयगो, कठे जूता नीं पड़्या । या घंटी काई बजगी, नाटक री पड़वो सो ई खुल्लो यो काई जादू है ? या सांपरत चीज है । मन, माथें भर मुखई में ती उयळ पुयळ हुवै, पण जीभ को चाली नी । इतएँ में वा देवी बोल पड़ी “ये कुण नै पूछो ही” इव गणेशाराम री बारी ही बोलण री बोलणो पड़्यो, “चतरसिध अठे ई रैवै है काई ?” “हां, पण बे तो बारै गयोड़ा है ।”

गणेशाराम मुण राखी ही कैं दीतवार नै सै नीकर घर ई रह्या करै है, दपतर को जावनीं, बोल्यो, “भाज ती दीतवार है बारै क्यूं कर गया ?” “श्रेक भायलै रै अठे दावत है, बीं में गया है । मैं ई बठे ई जावण त्यार हो री हूं । मन्न कपड़ा पैरण में क्यूं देर लागगी । मैं पैली चल्या गया । मैं इव जा री हूं । बोली कोई काम हो काई ?” “फेर आसी कद” “रात रै बारा श्रेक बजे तक । पैली दावत में जाणो है, फेर श्रेक सहैली रै मन्न जाणो है । पीछे सिनेमा देखण री प्रोग्राम है । रात री श्रेक बज ज्यासी । ये काल भिळ सकी हो दस बजे पैली पैली ।”

गणेशाराम को सोच सक्यो नीं कै इब काई करणी चाहिजै ? ठैरै तो कटै ठैरै ? वो तो या ई को पूछ सक्योनीं कै थे कुण हो । चतर्य री के नागी हो ? सूरज सांभी आंख्यां हुया ज्यूं पळकी लामे अर थोडी देर तक क्यूं ई नी दीखे वियांन ई गणेशाराम री आंख्यां सांभी तिरमिरा आवे लागा । वो तो धवरागी बोल को उपड़ै नीं । सहर री इसी लुगाई नै कदै देखण री काम जिदगी में ई को पड़्यो हो नी । बोलणी-बतळावणी तो दूर रह्यो गणेशाराम सैग-वैग हुयो सड़्यो ।

विघ्न घड़ी रा सुइया ज्यूं ज्यूं “चन चल आगे चल चल” करता बढ़ता जाइया हा त्यूं त्यूं मन जावण री तावळ करै हो । गणेशाराम नै गूंगी सो खड़्यो देखेर बा भाल खांर “ठीक है काल मिलियो” कैवती किवाड़ जड़ लिया । इब गणेशाराम अेक लो बारै ऊभो । क्यूं ध्यावस आयो । चित में चेत आयो । घर रे बारै निकळेर आपरै गांव रो गैलो पकड़ लियो ।

गणेशाराम रै घरै पूंख्या फेर दो दिन पाछे चतरसिघ री कागद आयो । लिखी “काका तू मिलण आयो पण मै घरै को मिळ सक्योनीं । माफी चाबू ।” बांचेर गणेशाराम रै पकायत जंचगी कै वो कुवाटर मेरै छोरै री ई हो पण सोचै “बा छोरी कुण हो ? बी री बीदणी सी ती को लागै हो ना । व्याव हुया पाछे इबी अठै ती बी नै ल्याया हो कोनी । बीं रा ती पळका पड़ै हा । मेम री बच्ची हो री ही । के चतरै री बीदणी बा हो सकै है काई ? ल्हाज सरम तो बी रै नेई ई को लागी नीं । व्याव में ती इसी के, क्यूं ई को जाएँ हो ना । घाघरियो को सम्है हो ना, लूगडती पड़ पड़ जावै हो । पण छोरै नै सहर री फैसन खागी । या के हुई ? इब काई हो ? छोरी बिगड़गी ।”

सोचती-सोचती वो खेत रै काम धंध में लागगी, पण मन मे इयांलकै भावा री उथळ पुथळ हुवती रई ।

□



## जेवड़ी

□ कमला वरमा

डाक्टर साव रै ई बंगलें में ऊपरली कमरी सी क्विया किरायें में मिल्लायी । बंगलें में लाग्योड़ी हरियाली, दूर तक जावती साफ सुधरी सड़क, नीम, पीपल भर बड़ रा छै भारी भारी दरखत....."स्याम नै सुरंग री पगो-धियौ ई मिल्लायौ । स्याम री आदत घर सूं धारें भटकण री, यार भायलें में मन रमावण री जरा सौक ई नईं । स्याम नै चाईजें अेकान्त, हवादार कमरी, जिकै सूं धारें दीखै, आख्या नै तिरपती देवण वाली चीज्यां ।

डाक्टर साव री पत्नी निरमळा देवी री बोली में ई कित्तो मिठास है । ई ममताळ सभाव नै देख'र तौ स्याम निरमळा देवी में मां दुरगा री छवि देखी । हाथ जोड़ आभार प्रकट करियौ भर बिनम्र संबदां में स्पष्ट ई करियौ के बी आपरी तरफ सूं बंगलें री आब बिगाड़ैला नईं ।

—स्कूल में कईं कईं पढ़ाया करी ?

—संगीत सिखाया करूं ।

—लड़क्यां री स्कूल में ही ?

—हां जी ।

—ट्यूसन ई करी ?

—संगीत रा ट्यूसन मिलईं कठे ?

—म्है दिरवा देखूं । बनसैं बंगलां में संगीत सीखण वाली दाबरटोळी घणी निकळ जासी ।

—ना जी, म्है समरथ कोनी । म्हनै बगत ईं । कोनी.....म्हैं स्टेज पर गाया करूं, धम्यास करण नै टेम चाईजें.....,

—जएण तौ थारी संगीत मंडळो अठे रोजीनां जमैला कईं ?

आपने कोई तकलीफ नहीं हुईला । मैंने एकलौ बैठगयी जीव हूं कमरी बन्द कर एकलौ ई अभ्यास करूँ.....यूँ मैं लेखक ई हूं, कविता, कहाणी लिख्या करूँ.....ईं खातर न्यारी निरवाळी सी क आदत्यां है । आपने किणी भांत तंग नहीं करूँला ।

वा ५५ वा, सोने में सुहागो मिलग्यो । म्हेने तो संगीत री घणोई सौक है । एक र संगीत स्कूल में सरगम्यां घरगम्या म्हे ई सीखी, पण डाक्टर साब री गिरस्ती संभाळण में पार पड़ी कोनी.....मांय मांय अभूभती एक दो बार लेख अर कहाण्यां म्हे ईं लिखी.....म्हेने तो ये मन पसन्द साथी मिलग्या.....किस्तीक किताब्यां छपगी है ?

—किताब तो छपी कोनी पत्रिकावां में थोड़ी घणी जगा मिल जावै ।

थोड़ी बातचीत में ईं स्याम समझग्यो के बी ईं परिवार सूं गरिमामय सम्बन्ध बणा सकसी । निरमळा देवी सूं बीरी चेतना में एक ऊरजा ई आ सकसी निरमळा देवी आम घरेलू औरत सी ईं नहीं है, आधुनिकता री अटपटी चादर ओढ़योड़ी ईं नहीं दीखै.....ईं औरत रै रुख मे ईं एक अलग अंदाज है.....एक विचित्र चीज है ।

चाळीस पैताळीस साल री निरमळा देवी में उमर सारू प्रौढ़ता नहीं है, एक ठंराव होवणो चाईजे बी ईं नहीं लागै । जद डाक्टर साब बोल्या— देखौ जी, पारी भाभीजी नै संगीत अर साहित्य री रसास्वादन करावणों मत भूल्या, आने कलाकारां सूं बेसीज लगाव है ।

निरमळा देवी चिमक'र बोली—कलाकार री कदर मैं ईं जानूँ, नीरस डाक्टर कला री नाड़ कईं समझै ?

कोई अणजाणं आदमी परसाद देवै, घोवा भर भर.....अजूबो लागै क नी ? स्याम ईं सोचती के निरमळा देवी इत्ती खातिरदारी, सम्मान अर सनेह कईं मकसद सूं करै ?

केई दिन जिद राखी के स्याम डाक्टर साब री रसोई में ईं जीमैला घणी टाळमटोळ अर बहाना लगाया, पण निरमळा देवी मानै ईं नहीं । दुपहर में स्कूल सूं आवै थाळ तैयार । सिझ्या रा डाक्टर साब अस्पताळ जावै अर नास्ती तैयार । रात रा दस बजी फेर भोजन री मनवार ।

आखिर डाक्टर साब री मौजूदगी में स्याम हाथ जोड़'र आपरी बात स्पष्ट कर दी—मैं गांव सूं दूर घणी सीक एकलौ रंगोड़ो हूं । पढ़ती जणें सूं ईं म्हेने रोटी बणावण री आदत है । चटणी, रोटी अर खीचड़ी खावण

री आदत है, भूँ इन्ही मनवार पचावण में घणी दोराई मैहसूस करूँ.....  
भोजन खातर माफी चाऊं ।

निरमळा देवी मान ती गई पण दूसरें तीसरें सिझ्या री बगत कंई  
न कंई तस्तरि में राख'र लियावती अर जिद कर'र सामें सणावती ।

कंई कंई अन्दाज लगावती रैवती स्याम । निरमळा देवी रा दोनूं  
लड़का हॉस्टल मे वारें पढ़ै.....वीं अभाव न पूरौ करती हुवैला, संगीत अर  
साहित्य रै लगाव री डोर न कसण खातर ई खातिरदारी सूं गांठ पक्की  
करणी चावती हुवैला । निरमळा देवी री बातचीत में खुल'र हिस्सी लेवणी  
चावती, पण निरमळा देवी वीनं अजूबी औरत लागण लाग जाती अर बी सनेह  
री जागा संकोच अनुभव करण लाग जावती ।

—पत्नी कित्तीक पढ़ेड़ी है ?

—चौथी-पांचवीं

—जराइज सामें राखणी चावौ कोनी,

—आ बात कोनी, भूँ अकल-खोरियो जीव हूं । बा भरै-पूरै परिवार में  
रमियोड़ी । दो छोटा छोरा है । गाव में दादी बडिया खन बिलमीजै, बांन  
अठै क्यों अलसाऊं ।

—ठीक है । आदमी न इसीई हुवणी चाईजै । अ डाक्टर साव है नी,  
म्हारौ साथ कदै ई नी दियो । म्हनै दसवीं पढा'र मा-बाप आरै लारै करी  
ही, जद तक अ पढ्या, आरै मा-बाप री गुलामी करी, अब आपरी गुलामी  
करवा रया है । आरै खातर भूँ संगीत स्कूल बिचालै छोडी इण्टर रा फारम  
दो बार भर्या, यूं ई गया । इत्ती हाजरी भरूँ पण म्हारै हर काम में गलती  
काइसी ।

यूं हर काम निरमळा देवी मन भरजी सूं ई करती, पण डाक्टर  
साय री दो ब्यार बुराई रोजीना करती ।

—आप म्हारौ हारमोनियम कई दिन राख लोनी, लिखियोड़ी स्वरलिपि  
रै सहारै थोडी अभ्यास करी.....मन में चैन आसी ।

निरमळा देवी हारमोनियम ले'र राजी हुया । सप्ताह बाद ई पण  
उतफग्या ।

म्हनै अरवै किसी क्लब मे गावण री न्योती मिलै है, स्याम जी,  
आप ती बस म्हनै लेखिका बणवा दो,

—आप लिख्या करौ, वणसी जिसी मदद जरूर कर सूं ।

बा चिडी जिकी फुदक'र आंगण सूं सीधी छत पर चढणी चावै,  
निरमळा देवी ई इणी प्रकृति री लागी । दूजें दिन स्याम स्कूल जावण खातर

नीचे उतर्यो। 'निरमळा देवी' चार-पांच कागज पकड़ा दिया—स्कूल में टेम काढ़ र देख लिया। रात सासी देर जाग'र कहाणी लिखी हूँ।

संध्या ने डाक्टर साब रें ड्यूटी जावतां ई ऊपर आ'र ऊतावळी सी पूछण लागी—क्यूँ किसी क है, म्हाणी कहाणी—कि दम है ?

—थोड़े सुधार री जरूरत है।

—तो चटपट सुधार कर'र छपवादो।

—आप खुद ईन दो-चार बार पढ़ी समझी के कठे कमी है।

—साडी म्हनं इत्तो टेम कठे ? आ तकलीफ थे ई करी। जिन्ने म्हे दूसरी कहाणी तयार कर राख सूं।

रात नै स्याम बी कहाणी सूं सासी माथा फोड़ी करी। सवेरें निरमळा देवी नै दे'र बोल्या—धव आप ई नै 'फेअर' करती।

—यारी स्कूल रें बाबू सूं टाइप करवाय लाभो।

—वीं रें खनै काम धणी। वीं तो नई कर सकैला।

भोळा जीव ही थे ती ! म्हा खनै सूं सैम्पल में आयोड़ी अक-वो टॉनिक री सीस्या ले जाया, और ई कोई दवा धवा चईजें ती ठूंड दिया, टेम निकळ प्रासी चट देणी।

—वो इए तरै री आदमी कोनी, लागी म्हे म्हारै हाथ सूं लिख देसूं।

कहाणी, जिकी री रूपरंग बीं री खुद री ई ही, लिखती बगत स्याम सोचती रीयो आ आफत बार बार आई ती ?

साचांणी आ आफत रूटीन बणगी। चाय, कॉफी घर मिठाई री मनवार रें सार्थ निरमळा देवी बतंगळ रा भू'भळा ई भू'भळा पटक जावती। स्याम रें खातर कमरें री अकान्त, बगीचें री हरियाळी, सिङ्की सूं भांकती असमानी आभौ—'मैं सब गूंगा बणग्या। ना तो आं दिनां वो कोई धुन बाध सक्यो घर लिखणी तो दूर, रचना रा पगलिया ई नई बण्या।

दुपारें अक बजी स्कूल सूं आ'र, सवेरें री बण्योड़ी खीचड़ी खावती घर दो-तीन घंटा नींद लेवती, सिङ्ग्या रा दो-तीन घंटा निरमळा देवी रें बतंगळ नै भेलतो भेलतो घर सूं निकळतो धूमधाम र घरें आवतो।

धणी बार डाक्टर साब रात नै देरी सूं आवता। निरमळा देवी बीं बगत स्याम नै नीचे बुलवा लेती, आपरी सहेल्या सूं मिलवाती, केई किस्ता सुणावती—'फेर लेखिका बरण री तयारी में चहुक चहुक'र नवा नवा प्रसंग छेड़ती।

—रचना भेजी जिकै री जवाब हाल तई नईं आयी । पत्र लिखैर पूछ देखा ।

वारै गयोहै मिनस रै कागद री उठीक हुनै ज्यूंई निरमळा देवी आपरी रचना रै निरणे री उठीक राखी ।

ई बीच स्याम निरमळा देवी सूं उफतीज ग्यो । हाल ती दो ढाई मईना हुया ई घर आयी । अणूती मनवार, अणूती हेत स्याम रै जी री जंजाळ बणाग्यो, परण वारै सूं पूरी तरै मुभाविक बणावा रै प्रयास में रैवती ।

रचना वापस आई देख, निरमळा देवी संपादक नै कोसती रैयो । सब जगं जाण पंचाण चाईजै भई । लेखक लोग ती हाथोहाथ रचना स्वीकृत करवार भावै । अक्षकी ये म्हारै साथै आकासवाणी वाली ।

—म्हारै ती बठै कोई जाण पंचाण कोनी ।

—म्हूँतै तो जाण जाखी । डाक्टर साब कोई अणजाण भादमी कोनी । ये बस साथै वाली परा ।

स्याम बी अगत कई जवाब नईं दे सक्यो । निरमळा देवी किस्ती बार पूछ चुकी, कद चालसां आकासवाणी ! स्याम टाळमटोळ कर जावतो । आखिर स्याम नै साफ जवाब देवणी पड़ियी—म्हूँ आपरै साथै नईं जा सकूँला ।

—म्हूँ अक इज्जतदार औरत हुं, म्हारै साथै कई भैतराज है ?

काल रात नै ई ती आ इज्जतदार औरत दारू री बोतल लें'र बी रै कमरे मे आई ही—लेखक लोग दारू पीया करे है । ये सरमाळू भादमी ही, म्हांसूं मांग लिया करी ।

स्याम अक टक देखती रैयो बोतल नै फेर निरमळा देवी नै—असल लेखिका ती आप हो । आपनै ईरी दरकार है । पातिर राखी । म्हूँ नईं पीऊं ।

—म्हारै डाक्टरां रै समाज में तो चालै ई है । कतब जावां जणै घोड़ी ती चाखणी पढ़ै । ये आ राखी फेर जरूरत पढ़ै जद मांग लिया ।

निरमळा देवी बोतल राखैर जावण नै हुई ।

—आ उठार ले जावो ।

स्याम भंवराटा चढ़ा'र बोली । बी री मन हुयो दो-तीन लात्तो मार'र कमरे सूं बारै काढ दूँ, मायै सूं आ बोतल फोड़ दूँ ।

—खनै राखण में कई भैतराज है ?

—आप उठा'र पाछी ले जावो । अवार रा अवार.....ई घड़ी ।

निरमळा देवी अक निसरमी हंसी हंसर बोली—ले जासू लाडी  
इत्ता लाल पीळा क्यूं हो वी !

निरमळा देवी रं साथे जावणी ती दूर, दो मिनट बात करणी ई अब  
ती दोरी है ।

—म्हे दूजी ठीइ मकान ले लियो, अं ती आपरै किरामे रा रुपिया,  
बस म्हे जाऊं हं ।

स्याम सोच लियो हो के ई कमरे नै छोडण में ई लाभ है । अकर  
स्कूल में ई जा'र टिक जावां, फेर दूजी ठीइ देखता रंसां ।

—ता S S S, कठई जाणै री जरूरत कोनी । म्हे तकलीफ घणी देऊं ?  
""वा अब कई नई कँऊला थे कमरे में बैठी । लिखो पढ़ी बगत मिळै ती  
बतळा लिया नई ती कोइ दोराई कोनी ।

निरमळा देवी री आख्या पाणी सूं भरीजगी—इयां मोह लगा'र  
जाया करै कंई ?

स्याम कमरे री खिड़की खनै सूं बारें देखतो रैयी—असमांनी आनै नै,  
दूर जावती सड़क ने बिना कोई अरथ रै ।

—ती इयां करां आ रचना आकासवाणी में लिफाफे में धातर भेज दी ।  
थोड़ा दिन बाद फोन सूं पूछ लिसां""ली चाखी तो""आगरा सूं आयोड़ी  
बालमोठ है""

स्याम नै चुप देख निरमळा देवी तस्तरी राख'र नीचें चली गई ।  
स्याम री जी हुयी तस्तरी उठा'र खिड़की सूं बारें फेंक दू' ।

पण स्याम चुपचाप भाचै पर बैठ ग्यो । बी रै सरीर पर अक जेबड़ी  
सी बंधगी ।



## सुपनी

□ भीखालाल व्यास

भाज रामू भाग फाटी रा ऊठगी ! यूँ तो बा नितरोज बैगी ऊठ जावै, पण पछै जठा ताईं दिन नीं चढै बा घट्टी फेरती रैवै । गळी रै मिनखा री पीसणी करै—भाठ भांन भाणी । नित री बा दीय मांणा पीस देवै । पण भाज बा ऊठनै घट्टी खनै नीं गई ।

रामू ऊठ'र भाडू काढ्यो, बरतनो रै हाथ फेर्यो भर भाय'र वारोख खनै बैठगी । भाज सात बजियां री गाड़ी सूं उणारी बेटो मोवन भावण-हाळो ही । उणारी कालै कागद भायो ही, जिएमे उणै भाज जरूर भावण री कह्यो ही ।

रामू रै मोवन भेकाभेक बेटो ही, जिएरै भासरै उणै भापरै रंडाप री अठारै बरस काढ्यो हा । बाळपणै ई उणारी बीद उणरै खोळा माय तीन महीना री टावर छोड़'र रामसरण ब्हेग्यो ही । रामू री दुनिया सूनी ब्हेगी ही । उण बापड़ी मुख री चांदणी कदै ई को देख्यो नी, खावण-पीवण भर पैरण-भोडण सूं पै'ली उणारी सिन्दूर उजड़गी ही ।

दिन भायो भर रात गई—भर भाज उणारी बेटो ई अठारै बरस री ब्हेग्यो....रामू ई इण अठारै बरसां में डोकरी ब्हेगी ही....भाज उणारी बेटो नोकरी लाग्यो पछै घरै भाय रह्यो ही । रामू रै हियै भांय उछाव बड़ रह्यो ही....उणरै भाचलां माम सिंदूरी कीड़ियो चालण लागी । बा सोचण लागी । उणारी आर्या भाग दसेक बरसां पै'ली री चितरांग फिरग्यो ।

मोवन उणटैम तीजो किलास मे पढ़ती ही । दोपार रा बी घरै भायो तो उणारी मा मूखी सोगरी मिरच मूँ लगाय'र खावती ही । मोवन भी देख्यो तो अचूँभै रैग्यो । हातांक मोवन इण बात नै जाणती ही के वै गरीब

है पण रामू उणने कदेई दुःखी नी कियो हो । खुद भूखी रैवती पण उणने चोखी खरावती-पीरावती-पैरावती-भोड़ावती ।

मोवन बोल्थो—ओ काई मा ! यूं इसी सूखी सोगरी ब्यूं खावै ?

—यूं ई बेठा, ओ कालकी पड़ियो हो, वारै फेंकण सूं काई फायदी । यूं तो इसकूल जावै, मणत करै, जिणयूं धनै तो ऊनी खराबूं ती ठीक रै वैं । म्हारै काई काम करणी पड़ै ! यूं ई आखी दिन बँठी रैवूँ, पछै सरीर खिड़क नै किसी मालाणी मे बेचणी है । केय नै बा फीकी हंसी हसती पाणी रै घूँट साथै कबो गळा सूं नीचै उतार दियो ।

—नीं मा ! म्है यनै इसी नी खावण देवूँला । कैय'र उण मा रा हाथ मांय सूं टुकड़ी उठाय'र वारै फेंक दियो ।

रामू उणनै कीकर कैवती के आपां गरीब हां, आपां रै भाग मे इसी ई लिख्योड़ी है । ओ ई घणी भुसकल सूं मजुरी कर'र लावूँ ह । उण ओक सुपनो संजोयो हो । मोवनियो मोटी ब्हेला, पढ़-लिख'र नौकरी करैला, तिणखा लावैला जद उणरै किणी बात री कमी नीं रैवैला । वाता करतां दिन जावैला परा ।

दसवी पास कर'र मोवनियो जिण दिन घरै आयो हो, वा घणी राजी ब्ही । मोवन उणनै कह्यो—मा, मोठी मूँडी नी करावै । अर उण आपरै पल्लै बध्योड़ी आठानी उणनै देय दीनी हो । उण रात रामू सफा भूखी सूती हो, उणरी हियो इणबात री गवाही देवै ।

गाड़ी की सीटी सुण'र उणरी तन्द्रा टूटी । वा सोचण लागी हमे मोवन गाड़ी मांय सूं उतरग्यो ब्हेला । हमें रवानै ब्हेग्यो ब्हेला । उणरी गाड़ी माथै जावण री घणी मंछा हो, पण उणरै खनै पैरण जोग कोई डग री गामो ई नी हो । उण सोच्यो ओड़ा फाटोड़ा गाभा मे वा जावैला ती मिनख उणनै ई देखैला, पेंट-सूट पेर्योड़ी मोवन अर खनै फाटोड़ा गाभा पेर्योड़ी वा, मिनख ती हंसैला ई, मोवन नै ई सरम आवैला ।

वां गळी रै छै माथै मोट राख्या बँठी हो । थोडीक ताळ मे मोवन आवतो दिखियो । रामू आगै बघ'र उणरै बाथ घालो, लाड़ दियो अर उणरी थै'तो आपरै हाथ मे पकड़'र नैना टावर री गळाई उणरी आंगळी पकड़'र घरे लायो ।

उणरी नौकरी री सारी वातां बूझी—किण तरै री गांव है, कितरी अर किणरी बस्ती है, मकान री काई सुभीतो है, पांणी कितरी नँडो है, अर



ठा नी कितरी बानां वा उएनै बूझती, मोवन रै जवाब रै मुताबिक उएरी आख्यां आगै उए गांव री खाकी बएतौ रह्यो ।

उए मोवन वास्तै चाय अर खांड ई सायनै राख्या हा । मोवन नोकरी करै—नोकरी करण हाळां नै चाय पीवणी पड़ै । मोटा मिनखां रा नखरा मोटा-नसा मोटा-आदता मोटी । वै पांन खावै, चायां चोहै अर सिगरेटां पीवै । चूल्हा माथै देगची चाढ़'र चाय चणाई अर बाटकी भर मोवन नै सूं पी । मोवन कह्यो थूं कोनी पीवै ?

—ना रै भाई ! म्हारै पी नै कठे जावण्यो । सांमियों रै कै'ड़ा मुवाद ।

जीम—जूठ'र बँठा तो रामू बूझ्यो—थनै महिना ऊपर टैम बूझ्यो है नीं ।

—हां मा सवा महीनी बूझ्यो । भेक महीना री तिणखा रा साढ़ी तीन सौ रिपिया ई मिळग्या ।

रामू नै ठानीं क्यू नै'चै न्हियो । साढ़ी तीन सौ री नाम उएरै हियै में ठंडक री ब्हाली दियो । बा थोड़ी साल चुप रैगी ।

—पए मा साराई खरच बूझेगा । रामू रै कान मे ऊनै ऊनै तेल री गळाई मोवन री भेक-भेक सबद पड़ियो ।

—खरच बूझेगा, इतरा—सारा पईसा, रामू नै ठानी क्यू लाग्यो कै उए पईसां माथै थोड़ी-घणी उएरी ई हक हो ।

हा मा, गाभा घणा मू घा है । दोय जोड़यां करायी, जिएमें सगळाई निठग्या अर बाकी रा दूजी चीजां माथै“” मोवन बात टाळी ।

रामू री हियो बैठण लाग्यो । उएँ उए सूं आनै की नी बूझ्यो ।

सूवं सूं साभ बूझी पए ठा नी क्यू रामू री जीव उदास ई रह्यो । बा दिन भर घड़ती-भांगती रही । उएनै लाग्यो के उएरा सुपना संजोवण सूं पै'ली इज बिलरण लाग्या है । बा दिन भर सोचती रही के उएरी आसा री तांतणी दूटण लाग्यो है । उएनै याद आयी—मोवन कह्यो हो-थूं तोच मती करजे मां, हमें थोड़ा दिनां सूं म्हें नोकरी माथे लाग जावूँला तो पछै घस ! देखजे थारें वास्तै जोरदार ओरणी अर घाघरी लावूँला, थनै पछै किणी तरै री तकलीफ नीं रै बँला । थूं म्हारी नोकरी तो लागण दै !

मनमांय राजी होवती थोड़ी सिक मुळकती बा कैवती—म्हारै हमें कांई चाहिजै वेटा ! पए पै'ली तिणखा मिळैला जरै पाडीसयां नै मिठाई जरूर बांटांला, दोय-च्यार बांमणो नै ई जीमावांला अर दूजी तिणखा

मिळताईं आंणां रणूजें जावांता-वावा रें पर्गें । भर वा आख्यां मीच लेवती, जाणें वा साचांणी रणूजें पूगमी व्हे ।

—यने कितरी तिणखा मिळेंला ! थोडी ताळ पछें वा वूभती ।

—कम सूं कम तीन सो..... । मोवन कैवती ।

—तीन सो.....वा आंगळिया मायें गिणती—अेक सो.....दोय सो.....तीन सो.....उणनं लागती जांणें उणरी आंगळियां मांय तीन सो तांईं गिणण री सामरथ कोनी । इतरी तिणखा.....भर वां कैवती—

—तीन सो ती पण्य व्हे.....दोय सो सायां ई को खूटें नीं.....भर लारला सो.....सो-सो भेळा कर सूं । थोडो-पणो गैणो-गाठी ई पडावणी पडसी.....ब्याव करसां जद बीदणी नें चढायण नें ई चाहिजेला.....नितर गिनात सोचेंला के बापडी रें नैनप पडगी ही सो गैणा-मांठा बेचनं रंङापी काढयी है..... । भर वा विचारा मांय खो जावती । मोहन उणरें आगें बीद वण जावती नुवां गाभा, मोजडी, मायें साफी—तुरा.....तुरिया.....भर उणरें होठां मायें आ जावती—

सचकें लाडा थारी मोजडी रें,  
भळकें केसरिया री जानं,  
नगरी रें लोकें पुछियी रें,  
किसी रायवर परण वानें जाय....

भर दूजें पळ उणरी आख्यां आगें नुंवी बीदणी आ जावती, घूंचटा मे गोठिली व्हिथोडी, सरमीजती—उणरें पगें लागण आगें आवती भर उणरा हाय पगां मायें पूग जावता ।

—यूं ई कांईं सोचण लागी मां, बस आपां दोय जिणा इज रें-वांला.....खावांला—पीवांला भर मीज करांला.....' मोवन उणरा विचार तोडती ।

रामू मुळकण तागती । बा सोचती—मोवन 'ब्याव' में समझण लाग्मी है ।

सुवें री गाडी सूं मोवन नें पाखो जावणी हो । रामू बैगी ऊठ'र उणरें वास्तें रोटी बणाई—भर उणरें सायें घाल दी । तयार होय'र मोवन वहीर व्हियो, तो रामू ई उणनं थोडी-ताळ पोंछावण नें सायें चाली । बारें ठंडी हवा चालरी ही । रामू रें फाटीडी ओरणी ओढ्योडी ही, अेक जगें तो खूब मोटी बागी व्हिथोडी ही ।

—दण्डरै टेंकी सेय सेवती । मोवन बागै कांनी घांगळी करनै कएो ।

रांगू री घास्यां भळभळी रहैगी । नीचला होठ नै दांत सूं जोर सूं  
दयाय घर घामू रोवया । नीची घुण किया इज बोली—सेय सेबूला, बेटा,  
पर जाय'र सेय सेबूला । रोज टेंकी सेवण री सोचूँ वण टेम ई को मिळैनीं  
“..... ।” घागै उण सूं नीं बोलिग्यो, गळी भरीजग्यो ही । भळभळी घास्यां  
उण मोवन कांनी देख्यो मोवन घापरै बुगट्ट री कॉलर ठीक करतो ही ।



## अक बोतल री कमी

□ जनक राज पारीक

कक्षा छठी रें विद्यार्थी डालचन्द नाक में दम कर राख्यो हौ। पांच दिन ऊं हिन्दी री किताब नी लाईरियो, जदी पूछ्यो, कालै-परसूँ री वहानी। किताब नी व्हेयां ऊं बी घर री काम ई नी कर पाती। रीस मे म्हे वणीरा कानडा पकड़ नै ऊभौ करतां थका कियो “किताब लेय नै क्यूँ नीं आवै ? कालै कोई जांच रें वास्तु आयग्यो तो म्हुं कईं जवाब दूंगा ?” रीस में चार-पाच बेत वणीरें हाथ पै जमायी घर कियो, “बोल, किताब क्यूँ नी लावै ?”

गिड़गिड़ाती डालचन्द बोल्थो “बापू लाईनै नीं देवै” म्हे वणी रें डेस्क पर ऊं कितावां उठाय नै छेटी फेंकता थकां पूछ्यो, “या भूगोल री किताब किस्तर लाई दी दी ? या गणित री किस्तर लाई दी दी ?”

“मूँ खुद लायो हौ, खाली बोतला बेच नै” डालचन्द डसुका भरती बोल्थो, म्हे पूछ्यो, “ती हिन्दी री क्यूँ नीं लावै ?”

“अक बोतल री कमी रैयमी है” डालचन्द साचारी ऊं कियो।

“अक बोतल री कमी ?” म्हे पूछ्यो।

बापू रे कमरा ऊं खाली बोतलां अकठी करलूँ वणानै बेच नै कितावा लाऊं। हाल तलक तीन बोतलां हीज व्ही—अक रीप्या अस्सी पीसां री। अक काल और खाली व्हे जायगा तो हिन्दी री किताब ले आऊंगा,”

म्हने घक्की सो लाग्यो अर मायने ई मायने दुःख ब्हियो, पन्दरा रीप्यां री अक बोतल जदी बापू पी जावै, तो बेटा नै साठ पइसा कितावां रा मलै।

साठ रीप्यां री दारू पीवैगा तौ बेटा नै दो रीप्या चाळीस पइसा मिलैगा, याने छठी री किताबा रा पूरा तीन सेट जदी बापू पी जावेगा, तौ बिचारा बेटा नै भेक हिन्दी री किताब मलैगा—जो भी पांच दिन री भार-पिट्टाई केहूँ । म्है सोच्यो भनै दुखी मन ऊं, वणी री दोई फेंकी थकी किताबां उठाय नै डालचंद रै हाथां में देवा साम्यो—भेक कसूर बार री तरै, घूजता थका हाथा ऊं



## छोटी कथावां

□ ईश्वर सिंघ कुलहरि

### राई रा भाव रात ई गया

भेकर भेक चोर सेठ री हेली में घुस्यो । घर में सेठ-सेठाणी बोई जणा सूता हा । चोर नै घर में देख'र सेठ नै भेक तरकीब भूभी । सेठ बोल्थी—सेठाणी बा राई आळी बोरी कठै धरी है ? सेठाणी बोली बरिण्डे में धरी है । क्यूँ ? काई बात है ? कया पूछ्यो ? सेठ पङ्कूतर दीन्ही—तने काई मालुम ? राई रा भाव बहोत ऊंचा चढ़ग्या है । सोने सूँ ईं मूँघी होयग्या है । या कैयर दोनूँ चुपचाप सोयग्या ।

उणरी बातां सुण'र चोर सोची आपण ती राई ई से चालां । बी राई री बोरी से'र भीर हुयग्या । मुबह चोर बाजार में राई रा भाव पूछती फिरै । जव उण सेठरी दुकान पर राई रा भाव पूछ्या ती सेठ पङ्कूतर दीन्ही—राई रा भाव रात ई गया । चोर समझ्यो भर बहोत सरमिन्दो हुपर चलती वण्यो ।

### सेठाणी आळी ऊंट

भेक सेठाणी ऊंट पर चढ़'र घूमणो वास्तै निकळी । ऊंट री घणी सेठाणी नै समझा दीन्ही के ऊंट रै बँठत बखत सावचेत रँवै, पढ नीं जावै । ऊंट बँठत बखत आपरा आगला गोडा ढाळ्या ती सेठाणी सावचेत हुयग्या भर पाछै ढीली हो'र बँठी रई । पण जव ऊंट लारै सूँ बँठवा लाग्यो ती सेठाणी भट लारै गुडगी । ऊंट आळी बोल्थो सेठाणी जी काई बात हुयी ? सेठाणी बोली—मूं नै काई पती थारी ऊंट दोबर बैठे है !

## नट बिद्या आज्या जट बिद्या नीं आवै

अक जाट अर नट में तक़रार हुयग्यी । नट बोल्थी तनै म्हारी बिद्या नी आ सकै । जाट बोल्थी तेरी बिद्या मे काई है ? अम्यास री काम है । पण म्हारी बिद्या तनै नीं आ सकै । दोन्यां मे होइ हुयग्यी । जाट बोल्थी तीन महीनां री टेम दे । तेरी सगली बिद्या सीख जाऊंली । पण तू नी सीख सकैली । जाट तीन महीना में नट री सारी बिद्यावां री अम्यास कर लिन्हें । इण रै साथ-साथ जाट आपरै खेत में अक बेल कै लिपटती मतीरी नै अक खाली घडै मे मेल दीन्हें । मतीरी घडै में बढ़ती-बढ़ती घणी बडौ मतीरी बणग्यी ।

तीन महीना पाछै दोन्यूं मिल्या । जाट नट नै उणरा करनव दिखा दीन्हें । पाछै जाट आपरै घडै में मतीरी दिखातां यका बोल्थी—यी मतीरी मूँ घडै मे घाल दीन्हो अर अब तू इणनै बिना घडौ फोड़ै निकाळ दें । बिचारी नट सोच मे पडग्यी अर घणी कोसिस करी पण मतीरी नी निकळयो । हार'र बोल्थी—नट बिद्या आज्या पण जट बिद्या नीं आवै ।

### ठाकर सेठ सूं आंक भरावै है

अकर अक सेठ साथ में आपरी बही ले'र अक ठाकर नै घर उगाई वास्तै गयो । बी बखत ठाकर रै घर लड़कै रै ब्यावरी तयारी होय्यी ही । ठाकर सेठ नै घणी समझावणी दीन्हो—कै आप कीं दिनां और ठम जाओ । थारा रिपिया पूगा देख्यां । पण सेठ नीं मान्यो । ठाकर सेठ नै कह्यो निकाळी थारी बही अर दूजी तरफ ढोल बजावणिया नै कह दीन्हो—कै बजावो जोर-जोर सूं । ठाकर कही कै सेठ—भर आक । सेठ बोल्थी रिपिया दियां दिनां आक नीं भरीजै । इण बात पर ठाकर सेठ नै तडातड पीट बा लाग्यो । ढोल री आवाज में दूजां नै की नी सुण्यो । बिचारी सेठ आक भर पाछी गयो परी ।

थोडा दिनां पाछै सेठ अक गांव रै बीच होकर जायर्यो ही । बठे अक घर में ढोल बाज्यो हा । बी रै साथी पूछ्यो सेठ जी ये ढोल किण बात रा बाजै है ? सेठ पडूतर दीन्हो—कोई ठाकर सेठ सूं आंक भरावै है ।



## पोकर गरू री बातां

□ रामनिवास सोनी

पोकर गरू हा छोटा सा गोळमटोल भादमी । मस्त, बेफिकर । लांबी चोटी । रंग गोरी चिट्टी । लिलाड़ माथें तिरपुंड भसमी री । जठें कानी जावें, लोग राजी हूवता बतलावै—“पोकर गरू जें शंकर री ।” उणांरी मघरी मघरी बोली मुणताई गळी-गवाड़ री लुगायां, टावर-टूवर, मोट्यार सँग भेळा हूय जावें । ह्याळी मांय खैनी री खंख उड़ावता पोकर गरू घणा खीखी हांसता । बोलता तो दांत रें भरखें सूं थूक चछळती, पण फेरई लोग उणानें घणा चावता ।

गोपीनाथजी रें मिन्दर री मोटी तिबारिया मांय गरू री अखाडी ही जठें गरमी री दोफारी काटता, भांग-बूटी द्याणता अर मारग वैवणिया नें घासीरवाद सुटावता । मिन्दर री घारती री वेळा पोकर गरू जोर जोर सूं भालर टंकोरी बजावता, सिलोक बोलता अर भजन-भाव करता । कस्वै रा लोग बाग उणानें जोतस रा फळादेस पूछता । वै घरम ग्यान ई सुणावता । कदै पंचांग री पुराणी पोथी सूं घड़ी पुल मुहरत निकाळता, टेवी बणावता अर लोगां नें भजन ई सुणावता । उणां नें जोतस री पूरी जाणकारी नीं हीं तोई कस्वै रा लोग घणकरा आपरा गिरह गोचर उणानें ई दिवावता क्यूंक उणांरी बात सांगोपांग सोळा घाना मिल जावती ।

पोकर गरू चमत्कारी पुरुष हा । इण कस्वै रा मोटा पिडत जोतसी उणानें पाखंडी समझता । पण वै इणरी रती अर परवा नी करता । उणा री घर मिन्दर रें पागती हो, बेटा-पोता लुगाई सँग बात रा ठाठ-वाट हा, पण गरू री मन तो मिन्दर में घणी लागतो । जजमानां रा नूता, सीधा, लावणा परसादी मिन्दर री भोग किणी बात री कमी नी सतावती । सस्ती बाड़ा रें



उण जमानें में महीनां में अठाइस दिन पोकर गरु आप रें अजमानां रें अठे चकाचक माल मलीदा उड़ावता अर जठीनं निकळता आवाज आवती—“पोकर गरु, जें संकर री।” गरु मुळकता उण दिनां सिराध पस चालें हा। तीन टेम भांग पीणो अर तर माल चावणो गरु री नित री काम। यूं तो पोकर गरु बिलम तमासू यूं पचास कोस दूर रेंवता, पण किणी अलाढां री मंडली जद मिन्दर कानी आय जावती तो वै धपाधप गांजा सुतफा रा दम लगा'र चादी घणाथ न्हांसता। उण वगत नैणां रा राता डोरां सूं वै साकसात महादेव सरीमा ओपता। अेकर भाग रें गेघट नसां मांय आपरें पोतें नै खांधे बैठा'र गळी मुहल्ले पूछता फिरया क म्हारी पोतो गमग्यो, लाथी कोनी, कोई घताथी। लोग सोचता क आज पोकर गरु मार्ग भांग री नसो घणो है। जद घरें पाछा आया तो दरवाजें यूं पोता री भायो टकरायो। बाळक रोवण लाग्यो तो गरु बोल्या—“अरे म्हनै टा कोनी क यूं म्हारें माथें पै सवार है, म्हूं देख्यो क यूं कठेई गमग्यो।

अेक सेठ उणां कर्न परदेस जावण री मुहरत पूछवा आयो। उणांरी बूढली मा वेमार। गरु तो सफा नटग्या, पण सेठ थेंद डाक्टर री सलाह सूं वहीर ह्यग्यो। पाछे सूं डोकरी पार पडी। सेठ माथी कूटतो, रोवती कळपतो आयो। उणी दिन सूं बी पोकर गरु री पक्की भगत बग्यो। पोकर गरु नै नींद रा सपना मांय महादेव रा दरसण घणीवार हूवता। वै भगवान सूं बात पूछता अर उणांरा वचन फळ जावता। पूरा गिरस्ती होवता थका गरु ओलिया पुरुस हा। घणा लोग उणानें छेडता पण वै कदेई नाराज नी हुया, हेंसता ई रेंवता।

पोकर गरु रोज मीठी भोजन जीमता अर मीठी ई बोलता। उणांरें कबीला में अेकर अेक काची मीत ह्यगी। जीमण री जद बुलावो आयो तो आपरें दोनूं पोता नै सिसाय भेज्यो क बेटा म्हारें बिना मत जीमज्यो; रोवा लाग जाई ज्यो। ठीक आ ई बात हुई। दोनूं पोता जीमती वेळा रोवणै लाग्या क दादाजी बिना कोनी जीमा। सेवट लोग पोकर गरु नै बुलाया तो गरु कयो क घैं छोरा म्हारें बिना कदेई नी जीमैं। जद लोग जयरदस्ती गरु नै सागें जिमाया। पोकर गरु तो बस आ ई बात चावता हा। यूं तो पोकर गरु री अेक-अेक बात लाख-लाख रिपियां री है, पण दो किस्सा अंडा है जिएनूं उणांरी साय घणो बघीजें। पेंलडी वार तो वै आपरें राजाजी रें हाथां सूं इनाम इकरार सारटीफिकट लियो अर आपरें गुजारें वास्तें दस रिपिया महीनां री परवांगी ताजिनगांनी लिखाय लियो। वै दरवार रा गरु बगकर

उणाने परची दियो घर चमत्कार दिहायी। वै जोतस रें टिप्पै सूं घेड़ी बात  
मिलाय देवता क बड़ा-बड़ा पिढत राज-जोतसी ई उणा सूं चकरावता।

उणारी लुगाई उणासूं घणी नाराज रैवती। क्यूंक वै तो भाग  
पीवता घर मौज करता। गरू अब 70-75 बरस का हूयग्या तो लुगाई  
पूछती क ये कद मरस्यी। पोकर गरू जवाब देवता क देख जद धरें ब्याव  
हुवेली, बाजा बाजैला उण बगत भै मर जावाला। थूं म्हारी बात नै पक्की  
समझजे। दो ब्यार बरसां पछे पोकर गरू रें भतीज रो ब्याव मंडियो। वारात  
री निकासी री तैयारी, बाजा बाजण लागिया। लुगाई गीत गावण नै धरें  
वारें निकली तो पोकर गरू कयी—देख, आज चोखी मुहरत है, आज ई मरण  
रो पक्की विचार है, जोतस मिलायेड़ी है। जद पोकर गरू सारा कपडा उतार  
दिया, आपरें हाथां सूं गोवर गंगाजळ रो चोपी लगायी घर सांसा ऊपर  
चढ़ा'र आंगण मांय सेटग्या। लुगाई नै कयी, देख थूं निकासी में जावै तो  
जा, आखरी मुलाकात करलै। थूं पाछी आसी, जद पोकर गरू कोनी  
मिलै ला। लुगाई गालियां काढ़ती-काढती गीतां सागं चलीगी। लारें सूं पोकर  
गरू अकला घर रा दरवाजा बंद कर आपरी सांसां नै ऊपर चढ़ा'र छोड़ दी।  
सूवटो उड़ग्यो, पींजरी खाली पड़्यो। जद उणारी लुगाई पाछी आई तो  
गळी मांय हाकौ फूटग्यो; रोवणा-पीटरणा सुरु होयग्या। पोकर गरू री मौत  
हालताई कस्बै रा लोगां रें वास्तै घणी चमत्कार री चीज है।



## डूंगरींग जी बांका

□ दिलीप सिंघ चौहान

यूँ तो जलम रा नाम सब राई आछा हूँ, पर ज्यूँ ज्यूँ टावर मोटी हूँ, त्यूँ-रयूँ नाम छोटी बहेवा री सलूक सब ठोड़ा है। डूंगरींग जी बांका रै नाम री इतिहास टंटोळा ती जलमतां ई स ती ई 'डूंगरसिंघ' हा, पछै पर मे लाड सँ 'डूंगी' 'डूंगली' आद बलिया, अर ना' ता-भागता ह्विया, ती 'डूंगा' नै 'डूंगला' री ओपमा सँ जाणीजवा लागी। जद मोटिमार ह्विया ती डूंगरींग जी बलिया, अर 'बांका' री खिताब ती अण गांव मे लोगां अणा रा करमां सँ दीदी।

बात भसी है कै जद ई 'डूंगला' बलिया, बण ऊमर में ई चोरी री चस्खी लागग्यी। दिन तो लोगां री नै रात अणां री ही। लोगां रै रात पड़ती नै अणां रै दिन ऊगतो। लोग सूता नी कै ई कणी साठा रै खेत रै अधविच करड़ करड़ सांठा करडावता। जद ताईं चूँचां री ढगली अणां रै दाड़ी रै न्ही अड़ जातो, डूंगरींग बठा सँ न्ही हटती।

रात में कपास का खेतों मे सँ कपास चोर'र दिन में बालिया नै बेच नै पिंढलजूर गटकावता। पाकी अरण्ड काकड़िया दिन मे ती गोड़ रै ऊपर मजर आवती नै रात मे डूंगरींग जी रै पेट में कुरड़ कुरड़ करती। या ई दसा होळा, उमिया नै मवया, काकड़ा री ई ही।

पर अकर जद ये रात रा अंधेरा में अक आंवा पर मूंगणा (केरी) खावां चढ़्या ती मूंगणा तोड़तां डाळी बड़ीकी मार दीधी नै डूंगरींग जी घड़ाम सँ मऊड़ा रै फूल री नाईं जमी पर आ पड़्या, नै गोडां में सँ पग बांकी ह्वियो। खोड़ाखोड़ घणा दोरा घरँ आ'र खूब लूण रा सेक अर मऊड़ा री लपरी रा पाटा बाध्या, पर पग थोड़ी सो बांकी रंग्यो, सो रई ग्यो। बे

वणीज दिनां सूं थोड़ा लंगड़ाता-लंगड़ाता चालवा लागा, तो लोणां भ्रणां नै 'बाका' रो सिताव दिथो। अब डूंगरीग जी रो नाम व्हे ग्यो 'डूंगरीग जी बांका'।

सूं तो धूली पर बैठ'र डूंगरीग जी सीख री मोटी-मोटी डींग मारता, पण चोरी रा मामला में वणां री मन डोल जाती। वणां रै डींग हांकती वगत कोई मनचलो वणां री चोरी री बात री कड़वी घूंट देतो, तो वै करसण जी रै मासण री दिसटात दे'र बीन पी जाता, पण चोरी रो सीक तो बूढ़ा व्हीम्या, तो ई न्ही छोड़्यो।

डूंगरीग जी बांका चोर हा, पण कद पकड़्या जाता तो लच्छा ज्यूं नरम व्हे जाता नै कैवता—माफी चाऊंसा, गलती व्हेगी। हत्यारी मायलो पापी डोलग्यो। आज केड़े थाणें भठें हाथ व्ही घालूंसा। भण भांत वणा रै चरितर में चोरी तो ही, पर सरजोरी न्हीं ही।

भेकर रात में पाड़ोस बाळा रै घर सामें ऊभी करी सागठियां पर वणा री काळी नजर पड़ी तो रोज रात नै दो दो डूंगरीग जी बांका रै घर जावा लागी। सागठिया बाळा नै भेम पड़्यो के ई दिन-दिन कम क्यूं व्हे री है? वणी रात में चौकसी राखी। बाधी रात मे डूंगरीग जी बांका आपणा खादा पर दोई सागठियां भेल'र खोड़ा-खोड़ा भण मस्ती सूं जा र्या, जाणें व्ही तो वणा रै भाई रीज है। पाछे सूं खट जाय नै सागठियां पकड़ी तो डूंगरीग जी बांका बांका व्हे'र वण रै पनां पड़ग्या नै कैवा लागा—“भणी धौळी दाढी री लाज धारे हाथ है, व्हेणों थो जी तो व्ही ग्यो। भवै माफी चाऊं। आज केड़े घारी भेक ई सागठी डगग्या, तो म्हुनै पूछजे। घारी दस सागठियां म्हारै घरें और पड़ी है वै ई म्हें साय दू' कैता थका दसई सागठियां ला'र सू'प दी नै पिड छुड़ायो।

भेकर जेठ री कड़कड़ती दोपारी मे वै म्हारै कुभा पर आया नै थोड़ीक दाण तो भठी-वठी री बाता करी नै बोल्या—भाया चड़स हांकणी है रे, पण लाव टूटगी, अब कोई करो SS? थोड़ीक देर ढव'र पाछा भट सूं बोल्या—देखां कठूंक कबाड़ां, कैवतां ई ऊठ्या नै म्हारा हांक्या थका खेत रै अधबीच में गया अर ढेकला दूर कर फटाक सूं लाव निकाळी। खांदा पर घर डूंगरीग जी बांका तो व्हीजा, व्हीजा। न मालम कणी रै कुभा सूं रात में ऊठा नै ले आया हा,

डूंगरीग जी बांका रै चोरी जस्यो ई भेक चसकी जीमण जीमवा रो अपूठी हो। भास पास जात-बिरात मे जीमणवार रो नूंतो आवतो तो भेक

दिन पैली सूं ई वै साबण सूं न्हाता-घोता नै आपणै तीनू टाबरां नै ई संपडा'र तयार करता । जीमण रै दिन परभात सूं भूखा रैता नै दुपेरी ढळतां ई आपणी टट्टी पर जीन कस नै तीनू टाबरां नै ऊपर बिठाय लगाम नै थाम'र आगै-आगै डूंगरीग जी बांका धोळी पाग, बगल में पेसकवज नै गिरियां ताई घोती पैर'र खटूक खटूक चालता नै पाछै पाछै वणां री टट्टी तड़पड़ तड़पड़ चालती । मोटी बात तो या ही के गाम रा सगळा मिनख सांभ नै जीमवा जाता नै ई जीम'र सामे गेला भे मलता । जीमती बगत टाबरां नै डरपाय डरपाय जवरन सूं ठूस-ठूस नै जीमावता । खुद ई इतरी ठूसता के घर आ'र रात नै पेट पर ठण्डा पांणी री लोटो रख'र 'आं ss आं ss' मांवा ढांढा ज्यूं टसकता ।

डूंगरीग जी बांका रा सब गुण वणा रै मन भावता भगवान दीधा, पण भेक आवत पर वणां नै खुद नै ई नफरत ही । वै रात नै गहरी नींद में बैलता थका जे जे चोरियां करता, सब रात नै कह देता ।

भेक दिन री बात है डूंगरीग जी बांका नै पर-नाम रात रैणी पड़-ग्यी । वै जीमण रै सिलसिला में ई गया थका हा, पर भळयी होवण सूं रात रैवणी पड़ग्यी । रात नै गामरा दूसरा जणा रै बीच में वै सूता थका हा । गहरी नींद आवतां ई बांका ती गुप्त पोय्यां खोलवा लाग़ा—“बण ढाळिया में कोठी री गल्ली में.....भं s s सांबळ.....पड़ी है वा चैना भोपा री है । कणी नै कैवौ मती ।” वठै भेक टाबर सुण र्यो हो, वण परभाती सगरी पोल खोलदी, जो वा सांबळ पाछी देणी पड़ी, चोरी 'माउट' ब्हियां बाद वै मांय न्ही राखता ।

वणा पूरी ऊमर छोटी-मोटी चोरियां कीधी, पण भगवान भेक दिन कोप्यो जस्यो कदी न्ही कोप्यी । वणां री नैनकियो टाबर माय-मैसा री ओठ रै नीचै होळा सेक र्यो नै बांका आपणी घर पर तयार कराई कुरसी पर दोई पगां पर बांदरा री नाई बैठा हा । दोई हाथ री कूणियां गोडा पर धीधी थकी नै हाथ सूं गाल पकड़्या थका । ऊंडी मांख्यां नै लाबी दाडी, माथा पर गमछी बांधी थकी । होळा निकजा तो लावां री बाट नाळ र्या । बांदी री घपड़की जोर सूं ब्हियो तो ओठ पर पड़ी घाम-फूस घाग पकड़ लो घी । डूंगरीग जी बांका भठोनें बठोनें भाग्या नै कईं ठा न्हो पड़ी कं अबै पाई करै, वणा जोर-जोर सूं वा'र लगाई—“दोड़ ज्यो रे । दोड़ ज्यो वामदी लागी गी है ओ s s s ।” गुणतां ई पास-पड़ीस रा लोग-बाग पाणी रा चुकल्या से-ले'र दोडता थका आया । ओठ पर पाणी छांटवा लाग़ा तोई भाग पर कन्ट-रोल न्ही रहे सवयी । अबै जलती ओठ में लोमां री चुराई थकी चीजां दड़ा'क

पड़वा लागी । भमण, ताकळा, फावड़ा, कुदाळिया, कुल्हाड़ा नै खेती रै काम  
री कई चीजा भेक भेक कर'र नीच पड़वा लागी । डूंगरीग जी बाका ती  
बांदरी बण नै पाछा आपणी कुरसी पर बैठ ग्या ।

ज्यूं चीजां पड़े ज्यूं लोक आग बुझावणी ती भूल ग्या नै चीजां ओळ-  
खवा लागी । कोई कैवै—“अरे यो भमण ती म्हारी ।” ती दूजो कं वै—“यो  
फावड़ो तो म्हारो । जतर तीजो बोल्पो—“घणा दिना सूं ढूँढ र्यो म्हारो  
कुल्हाड़ो कठं है ? यो ती यो र्यो ।” तावड़ तोड़ मे सब जणा आप आपरी  
गुमी चीजां भाळवा लागी । जद कणी भेकई चीज नै दो दो आदमी आपणी  
बतावता भगड़वा लागी ती डूंगरीग जी बाका आपणी कुरसी पर सूं ई हाथ  
लांबी कर'र बोल्पा—“अरे हाकौ करी मती नै चीजां आप आप री ओळख  
ओळख नै लीजी । भेक दूजै री चीज मती ले लीजी । [जणरी गै वीई लीजी  
अस्या हा म्हारै गाम रा डूंगरीग जी बाका ।



## गंगौ मन रौ चंगो

□ रूपसिंघ राठौड़

ताँव ती गंगाराम पण कैवण नै सँग गंगीई कई । भोत पुराणी लगोटियो यार है म्हारो । जिस्थो पवीत नाम बिस्पीई बीरो कांम । दूष सूं धुल्योड़ी सफेद भूक है बीरी आतमा । कठंड कोई दाग नी । गांव री निपज जमां खेडा ई बता देवै । जिसूं मिळसी मुळकती ई मिळसी ।

चाळीसेक री उमर गंगा-जमना सिर रा केस, मोटी-मोटी हिरण सी घांख्या । रंग गोरो, सीदी-सादी चाल-ढाल, भुकेड़ी नजरां, ठंडी मीट । साबे छः फुट री पूरो पट्ठी जवान । मुंह पर बाकोड़ी भूंछ्या री रमभोळ । स्यान-सकळ री भोत फूटरी । घरती पग भेलती मस्तो सूं चालै तो घरती सरमा मरै । खान-पान री बडी सीदी-सादी ।

मन सूं भोळौ-ढाळौ । सांच्याईं बीरी राम हलाळी । कोई गरब गुमेज नी । नैर-खाळिया री चिणाई री भेक नबर री कारीगर । बयां तो बठे घूढली नै पापड़ बेलतां बोळा बरस होग्या । टाबर थकोई ईं हेलै लागियो ही । राजस्थान नहर रै सँग नामी-मरांभी ठेकादारा री मुंह लागती । फमाऊ पत । प्यारी ब्यूं लाग नी । जमाने री म्हैर कांम प्यारी चाम री के प्यारो ।

सुभाव सूं भोत ठंडी । कदै-कदाम ई गरम होतो कोनी देख्यो । दूजो चापै बीरी कित्तोई नुकसांण ब्यू नी करद्यू, पण मेरो बेली मूंगी सांड मुंह ई नीं लोलै । दू-नू-मै रै चक्कर में ईं नी पड़ै । दूजा लोग उरुसावणियां जे बंटे ऊंट पर चढ़ावण री कोसिस करै तो बो कईं—“तेली रै बल्लद नै सौड़ाई सूं कांई कांम । मिनम नै आपरै कांम सूं वास्तो राखणो चाईजै । लडाई-भगडो कांई चोखो हुवै । यै ती गयै घरां रा काम ही ।”

पराये दुःख में पड़ए हाळी है। दूजां री पीड़-भोड़ी में सांगां सांगे रँवणियों। बात घणों दिनां री नीं। सारलें आपातकाल री है। गोरमिन्द म्हांसूं नसबन्दी रा दो केस माग्था। हूं सोच में। काई करूं। के सिर-पग तोड़ूं। कठैऊं केस ल्याऊ। यार दिनुंगे पैली आयी। मुळकर धीमे सी बोल्यो—“काई बात है मास्टरजी? कयान—आकळ-चाकळ होर्या हो?”

हूं पड़ूतर देतां कैयी—“थार! की बात नै बात री नाम। साथी संगलियों नै कैवता सरम सी आवें।”

“गंगी मन री बात जाणती सो बोल्यो—“थारं मन री हूं जांणी। वा नसबंदी हाळी तो बात होसी। थे की फिकर ना करो। म्हे चार थारें सांगे चालस्यां। अक भाठें सूं दो सिकार—म्हारो भली हुज्यासी थारो काम।” म्हांनै आठो तरिया याव है वो बी दिन अक इश्ये डाकदर रें पल्लें पड़्यो जिके नै हूं कंबू क मिनख बी के जीनें पसु मुदा करण री बेरो नी। बिचारो आपरें टाबरां रें भाग सू जियो। हूं काळी-मूंडी होवण सूं बच्यो। डाकदरां कानी सू तो बारा बजगी ही। भौत दिना ताईं फोड़ा भोग्या।

गेली ई जमाने में इत्ती गूंगो क कदैई बात री पाछो उधलो नी देवें। वा बात कै—कुवा थारो मा मरगी। कै मरगी। जीवें क जीवें। इस्या मिनखा री ई जमाने मे जिवारी दोरी। बेजुवाना नै गल्ली रा गडका ई नी घूसै। गैलइ दिनां री बात है। गाव में रँवण नै मकान रें नाव पर अक खुलड़ी ही, जिकी नै ई बडे भाई मुंह फोर आप घरा भेली कर सी। लोगा समाचार पुगायो तो छत्तरगढ़ सूं आयी। पाच-दस दिन गाव मे सबसूं मिळ-जुळ'र पाछो गयो। किन्है रें सूं वैं ई नी कही। लोगा खेत री सीव तोड़ नाखी। पण बदै सास ई कोनी काढ्यो। भगवान जाणें मेरो बवो कुणसं लंदेरी माटीसूं घड़ियोड़ी है।

बात अर करार री बड़ो सांची है। कदैई बात रा बारा आना नीं होवण दें। जिको ई काम हाथ में ले ले बीनै टेम मार्य पूरो करे। आपरें साथ रँवणिया मजदूरा नै फोड़ा नी घालें। रळ-मिळ'र काम करे।

भाईड़ा री लुगाई इसी कै—बारा भुट्ठी तीन लप्प। पूरी दातार। घणी दयाळू। दातार रें घन कठे। भाइड़ी खून-पसीनी अक कर'र महीनै भर लेली रें बळद ज्यूं घांणी में पिलें। मइना री आखरी दिन आवता न आवता भाई भूरा लेखा पूरा। पण करम कमाई री इश्यो मैळ कै काम भागे सूं भागे मिळती रेंवें। नीं तो गरीबी मे आटो गिलो होता किस्तीक देर लागे। “घड़े गैल ठीकरी मा गैल डीकरी।” टाबर-टीकर ई भोळा-झाळा।



वेलीड़ी घणी संतोखी जीव । “सदा दिवाळी संत रँ आंठू पीर त्योहार”  
हाळी वात वी पर साम्परत लागू हुवै । “लूखी-सूखी खायके ठंडो पांणी पी” में  
सदा सूं अटूट बिसवास । कदैई भूठा हांफळा नी मारै । जिस्यो फाट्यो—  
पुराणी मिळज्या गळें मे घालतै । कोई नाज-नखरी नी राखै ।

छत्तरगढ खने केई दिनां सूं घेक जमीन रँ टुकडें में खेती करै । भूदान  
हाळा बतायो ही । घणां दिनां भागा-दौड़ी करी । दुःख ई ठायी । आखर मे  
छत्तरगढ मे ई गोडा गाड़ दिया । डेरा लगा दिया ।

पनरा क दिना पैली कागद आयी के जमीन अणरें नाम धैगी है ।  
सपनी साची होग्यो है । सार्दे वारा विग्गा जमीन मिळयी । होती क्यूं नी ।  
साचें राचें राम । गंगे रो मन बड़ी चंगी । पुरखा री कैमी यात कदै भूठी  
हुई कै—“मन चंगा तो कठौती मे गंगा ।” गंगे री जमीन में राजस्थान री  
गंगा—राजस्थान-नहर—कळ कळ करती बेंवै । गरीबड़ां रा दुःखड़ा दूर  
करती । गंगी आपरै सेत री टीवड़ी माथें बँट्यो सुख रा सपना लेवै । पग  
पसार—सुख री नीद सोवै ।



## संत कवि गोमदा

□ रामनिवास सोनी

राजस्थान री बीर प्रसूता घरती री कूख सून जटै अणगिणत मूर-सावत सम री कसौटी माथै आपरी जसगाथा री अमिट रेख छोडी भर इतयास रा उजळा पानां नै सोना रा आखरां सून जगामग करिया, उणी घरती री पावन गोद सून घणकरा संत, कवि भर विचारक उपज्या, जका आपरी इमरत वाणी री गंगा सून असवाड़ै-पसवाड़ै ती काई दूर-दिसावरां बनखंडां तांणी समूची छेतर सींच र नै हरियो-भरियो करियो । इणी संत परम्परावां में संत कवि गोमदा (गोविन्दराम जी) री नाव घणै आदर-हरख रै सागै लियो जायै ।

हिन्दी साहित्य री बीज रूप सून दोय धारावां भांनीजै—सगुण भारगी भर निरगुण भारगी । संत गोमदा निरगुण धारा रा उपासक हा । उणारी जलम राजस्थान रै नागीर जिला मांय कस्बै लाडणू में सं. 1750 वि० में भैक साधारण सुनार रै घरै हुयी । बाळपणै सून ई संत री मन भजन, सत्संगत भर ध्यान मांय घणी लागती । उणारै घरै कळाकारी रा नामी गैला घड़ीजता, पण गोविन्दराम जी पीतल रा भरतन घड़ता थका तत री पिछांण करी भर आपरी जिनगांनी काटी । नीति भर सिणगार रा सिरमौर कवि बिहारी जिए ढंग सून “अन्योक्तियां” लिखी, उणीज ढंग सून संत रा कथियोड़ा दूहा अजून ताई जगता जनारदन री जबान माथै निरत करै । खोटै मितल नै पीतल री उपमा देवता थका संत गोमदा इण तरै फटकार लगावै—

बीस वार बानी कियो आघौ दीन्यो खोय ।

कोरी पीतल गोमदा कंचन किए बिध होय ॥

नागौर जिला रै मांय रामसनेही संप्रदाय री सबसूं मोटी गादी रैण गांव मांय थरपीजी जठै समरथ गरू महाराज दरियावजी नामी पौचवान साधु हा । संत गोमदा रा वै गरू भाई हा । आ बात रैण रै पुराणै दस्तावेजा मांय मिळै क्यूं क संत री घणकरी जीवण सासा “दरियाव मंडळ घाम” रै अठै भगती, ध्यान अर साधना मांय बतीत हुई । उणारी मन संसार री मोय, माया, अर तिसनां मांय कम लागती । उणारा पिताजी इण वास्तै सतरा बरस री उमर में उणारी ब्याव मांड दियो । संत गोमदा तेईस बरस ताई गिरस्ती रा जंजाळ भोगिया । उणारै दो बेटा ई पैदा हुया, जिणारै बाद आखी उमर ताणी वै सीळ बरत पाळियो ।

संसारो वासना, जाळ-जंजाळ सूं पत्तो छुड़ा'र उणारी घणकरी टेम ध्यान, भगती मांय लागती । हिन्दू, मुसलमान, जैनी सभी जातियां रा लोग सत्संगत मांय सामिल हूवता । इण वास्तै लोग उणानै “साद महाराज” रै नाव सूं बतळावण लागा । उणारी मुळमंतर कैबीजै—“राम निरंजन सब दुःख भंजण” अरथात निराकार ब्रह्म (राम) ई दुख भेटणै बाळी है । संत गोमदा रा गरू प्रेमदास जी महाराज कैबीजै जिणारै बारै मे खुद संत लिखै—

प्रेम सिपाही रामरा तत बांधी तरवार ।

कंचन कामनी छोड़कै मुजरा है दरबार ॥

संत गोविन्दराम जी स्वाभिमानी, निडर अर सच्चा पौचवान गिरस्ती साधु हा । उणारी समाध छतरी लाइणू रै मावलिया बाडी मुहल्ला मे अजूं ताई खड़ी है, जिणा ऊपर संगमरमर री अेक सिलालेख सं. 1835 वि० माह बंद 5 री सत री निरवाण तिथि री याद दिरावै । उणा रै पागती उणारै पिताजी री समाध चबूतरा है । सत री करीब 200 बरसा पैली री पुराणी हस्त चित्तर हाल ताई उणारै परवार रै लोगारै पास मौजूद है, जिण सूं संत री सादगी, नम्रता अर तपोनिष्ठता री दिग्दरसण भली भात हूय सकै । संत सादा जीवण उच्च विचार रा पाळणिया हा । सादी भोजन करता अर मास भक्षणी नै घणी खोटी बतावता आप सूं फरमावै—

जीव मार जीवर करै खातां करै बखाण ।

परतख दी सै गोमदा थाळी भाय मसांण ॥

संत कबीर री तरै सूं सच्चा साधु री पिछाण आप सूं फरमावै—

भेड़ भेख सब अेक है रहे गांव रै गौर ।

कंद न देख्यो गोमदा सौ सिंघा री टोर ॥

दूजा रा पूत रमावणियाँ माथै आप यूँ चोट करै—

पूत खिलायां पारका कारज सरै न कोय ।

घर में बसती गोमदा आप जण्यां सूँ होय ॥

इए रै भलावा नीति रा मोकळा दूहा भजूं ताँणी जनता री जबाँन  
माथै निरत करै—

पड़ियां भर लेवै नहीं गुंवां नै चालै साथ ।

दीया पाछै गोमदा दोरा आवै हाथ ॥

खैर बुरी है सलक की भेल भर्या सब मंड ।

खरी मजूरी गोमदा खता नहीं नव खंड ॥

ग्याँन गरीबी गुरु घरम नरम वचन निरदोस ।

ऐतामत छोड़ी गोमदा सरदा, सीळ, संतोस ॥

भ्रोक कहावत रै मुजब नगरी री राजा संत सूँ नाराज हूय उगानै  
जेळखाना रै मांय न्हाक दिया । सुपना रै मांय राजा नै परचौ हूयो ।  
उणा संत सूँ माफी मांगी घर पाछौ उगानै आदर रै साथ आपरै घरै  
पोचायो । संत गोमदा उच्चकोट रा कवि हा । उणारा हस्त लिखित ग्रंथ  
भजूं ताँई हिन्दी, गुजराती, पंजाबी, उरदू, फारसी आद भासावा माय मिलै ।  
उणारा ग्रन्था माय “ध्यान तिलक” अर “भूलणा” मुख्य है, “गुरु पचीसी”  
मांय आपरै गुरु री महिमा री वरणन मिलै ।

संत गोविन्दराम जी रा दो खास चेता हा—मोहनलाल अर चितानंद  
दोनू नामी विद्वान अर भणियोड़ा हा । उणारा ग्रंथा मांय “निरगुण स्तुति”  
“शब्द प्रभाती” “उक्ति अनूप”, “वेद विचार” अर “करणा पचीसी” प्रमुख है ।  
मोहनलालजी संत री बदना इणतरै सूँ करै—

मोहन को सतगुरु मिल्या चिलकारण के घाट ।

ताळा कुंची डाळके खोलै जड़ै कपाट ॥

निरगुण संत साहित री सोध करणिया साधका री ध्यान जद कदैई  
इए संत री तरफ हूसी तद नुंई नुंई संभावनावा अर हकीकता री पती  
लागसी । संत गोमदा (गोविन्दराम जी) री कथेड़ी बांणी बानगी रूप माय  
इए छोट से लेख मांय दिबी जावै—

सकल कला परवीन कहा जस कीरत गावै ।

अन्तर्गति मन लीन ताहि कहा दरद सुनावै ॥

सबके सिरजनहार सकल के पोषण भर्ता ।

पूरन अधिक अगाध सृष्टि कर्त्ता के कर्त्ता ॥

अमर आदि अंतकरण और कौन सरभर करे ।

‘गोविन्द’ प्रेम परताप से राम रजासिर पर धरै ॥

(निर्गुण स्तुति से)

श्रवण सुन रामनाम रसना रटै रामनाम

हिरदै हित रामनाम राम लौ लगाई है ।

मनको मन रामनाम चित को चित रामनाम

रामनाम सुं ही सूती आत्मा जमाई है ॥

सुख को सुख रामनाम रस को रस रामनाम

रामनाम लेतां रामनाम रिध पाई है ।

“गोविन्द” गलकाय भये राम रस सागर में

राम बिना रहिवौ नहीं राम की दुहाई है ॥

झड़ा दुरलभ सत आत्मा जुगां री लांबी छीड़ रै बाद ई कठई कैई  
उत्पन्न हूयै, जका सैग धरमा री सौरभ गायो नै संजोवतां भेक निराकार  
अजन्मा ईस्वर री उपासनां में आपरै तपजीवण री जीत निखारै, जिणारै  
पावन चरणां भांय सैग धरमा रा लोग सरधा भाव सुं बंदण करै अर सीस  
भुकावै ।



## रूढ़ी राजस्थान

□ मूल दान देपावत

मरुधर री मैहमा, कीरत अर बडाई री बखाए आखरा में बाधीजए जोग नी है । मरुधर रा किसान खूणां-खचूणां में जाबी बठैरा मिनख-मानवी, बांरी बोली-चाली अर पैरेस रोही री छिव, दाव-जिनावर अर बैरा तळाव आपरै मन मायै गहरी छाप मांड दै ।

आयूणां राजस्थान में निकल जाबी जठैरी निराली भांकी आप अदीठी नीं कर सकी । ऊजळा घोरा जुगा-जुगा सूं इए बात री साख भरै कै अठैरा रैवणियां री मन म्हांरी तरै ऊजळी अर निकळंक रैयी है । अठैरा मिनख घणमोही हुवै । दाव-डांगर भी रूणी बितार कोसां री भां भांग ज्यावै । मोह री घणी काईं बात अेकर बीकानेर रा राजा रायसिंघ जी दिखणाद में गयोड़ा हा, जठै फोग देख बीरै बायां घाल घणा बिराजी हुवा

तूँ सै देसी हूँ खड़ी, म्हे परदेसी लोग ।

म्हानै अकबर तेड़िया, तूँ किम आयो फोग ॥

फोग अठैरा हूँ हूँ मे रमियोड़ी है ।

ऊनाळ री ढळती मांभळ रात आ घोरां मायै चांदणी अठखेल्यां कर निछरावळ करै अर कतारिय री पणिहारी री टेर समां बांध दै । पीवण रा पांणी री कमी भोकळी रैवै, पीवण रा पांणी रा सांसा पड़ै । सगळा देई-देवता आपरा देवरा तळाव री पाळां मायै जमायां बिराजै । आधी ढळताईं कुआ तेइजए लागज्या अर 'आयो आयो' रा लैकारा सुणीजै । लोग 'आयो आयो' करता तिसवारी काढ़दै । कुआ साठीका जिएमें पांणी री तोड़ी । कैवा चालै अठैरा लोगां री अकल ई साठीका रा पांणी जिती ऊंडी व्हे, मोछापणी

नैड़ीई नों आवैं । दिन में सू रा लपरका चाले, देह रा सूझा बण जावै पण  
थाने सेजड़ा री वैम री छिया तळै डेरियो कातता भिनस उधाड़ा बैठा लाघसी  
पाणी बिना दरखत कठै, पछै छियां कां री ती छियां रै सारै ई कुण है ।

जिण मुँय पन्नग पीवणा, कैर कंटाला रूँख ।

थाकै फोगै छांहड़ी, हूँछा भाजै भूव ॥

पण लखदाद है आ रूँखां नै जका साथ नी छोड़ै । इण मौसम में ई  
आपरी रसाळ, खोसा, डालू, जाळोटिया, नीवोळी देवै । बळनी तावड़िया में  
लाय मे सेजड़ा ऊभा सांगरियां, खोसा सुटावै अर छाळी, लरड़ी चरावता  
टावरां नै भाड़ो देवै । इण तिसवारी खुवां, रौखांड करती भांधी, भतूळियां  
में ऊभा रोहीडा खिलै अर फूल गुलाल बिखेरै, पण काई करै—

मारवाड रा देस में, भेकन भाजै रिड्ड ।

ऊचाळी कै अ बरसणी, कै फाका कै तिड्ड ॥

घिन है अठैरा जाया-जसम्यां नै जका खुद महाकाळ बण्या काळ री  
काई परवा करै । भेवड़ रै लारै ऊभा भेवाड़िया तबीठ में खीर सबोई अर  
भलगीजी बजावै । राईका साढ़्यां लारै टररहे टररहे करता खाँधि रख्खी  
घाल्यां फिरै । लोग आपरी भूस भुरट री रोटी, बरड़क बाटी अर तूँबा रै  
वीजां री रोटी; फोगलै री रायतो, डोबी, गुजनी जीमजीम मिट'र काळ री  
कमर भांग नाखै । अठैरा लोग आपरी तिस दूध पी'र बुझावै । दूध में राँधि  
अर धी में भलोवै । लोगां रै मन चित मे ई आगूँच री चिता नी ब्यापै ।  
बैठा कोटड़या मे जाजम डाल्योडी अमल गाळै, रंग रा दूहा पड़ै अर मनबारां  
री भुड़ी लागती रै । पमवाई डोली बैठा मादराग में गीत सुणावै—घोळूँडी,  
कुरजां, बादरियो काछबियो जिण सूं बाळू री रवी रवी सजीव हुय जावै ।

काठा दोवटी रा धोतिया अर अंगरखी पैर्या; कानां में सोकळी  
भुरक्या, काळी ऊन री कंदोळी जिणमे मादलिया बांध्योड़ा; रंग-बिरंगा  
साफा-मोलिया, चूंदडी, केसरिया कसूँमल बांध्योड़ा अठैरा भिनस घणा भला  
लागै । धेवटी डाल्यां, नेवरै पैर्योड़ा, मोरखा बेळचा सूं लडालूँब, गोरबद  
लटकायां नाचणा रै टोळा रा करहा नचावतां मुकलावै जावतै मोट्यार रै मोद  
री काई पार । हणभुण करती बेहली मे नीची निजरां बैठी, मेंहदी लगायोड़ी  
नाजू, काळजा री कोर, हिवड़ा री हार बीनणी रै मन रा भाव कुण पड़  
सकै ? डीकर्यां मोठड़ा रा कुड़ता घाघरा पैर्यां, खणक-खणक बिलिया  
बजावती घरवार रा कांग दोड़ दोड़ करै । टावर ऊँचा-ऊँचा धोतियां बांध्या  
हाथा-पगां मे चांदी रा कड़ा पैर्या, माथै चोटी चुगली जका मांही मादळिया

गूँध्यां हायां कंवाड़की सियां लूंकटाळी छांगे । लुगायां चूँदड़ी, पोमचो, लैरियो ओढयां, साड़ियो, लहंगो, कळीदार घाघरो पैर्यां, चोरियो, रखड़ी, लड़ां, सांकळी, सुरलिया पत्ता, तिमणियो. कन्दोळो, कड़ला भांवळा, टणका, जीवं, नेवरें, साटें पैर्यां; हायां मे विलिया. खांचा, तड्डा, गोखरू, हथफूल पैर्यां आपरें घर रो काम काज घुहारो भाडो, पीसणी-पोवणी, दूवणी-विलोवणी, सिंभारो करे । तरें तरें रा जीमण कडी खीच, रोटी-रावड़ी, कंर-सागरियां, फोफळिया-भेलरा, काचरां-गोटका रो साग भर ऐडे टांभें सुगनीक लापसी भर वडियां रो साग करे । डोकरियां लासी ओढयां दोपारें बंठी चरखो कातें भर आयण-दिनूंगें बीनणियां रें काम रो बखत पोतापोतो रमाव, फिरें ह्यायां करे । डोकरा ऊनाळें रा बंठा मांचा बिण, डेरिया कातें, खीप रा डोरिया काढे भर भरायां गूँथें; सियाळें रा कांबळ, बरड़ी, पट्टू, खेसली ओढयां घूणी रें खनै तमाखू रो गट्टी मेल्यां, होका भरें, गल्लां करे भर मजा करे ।

ऊनाळें रो खास तिवार आखातीज भावें जद सुगनी भागलें जमाना रा सुगन बिचारें । बळती लूवां रो बेग जेठ महीनै आपरीभर जवानी में बँव पण असाढ आया छणरें अत नैहो छै जद भाभें में बादळ दीसै ।

को लूवां कित जावसो, पावस घर पड़ताह ।

हियै नवोढा नार रै, बाळम बीछड़ताह ।

अर लूवां आपरा डेरा बिरहण रें काळजें जा नाखै । मेह री माया सावण भादवें धरती माथे बिछेरीजै । ऊपरलै री आस बंधै । तेज री डेर में बीज्योड़ी भादवें मे काकडिया मतीरा, सिट्टा रें रूप फळापै । 'आई आई ए मां ए म्हांरी सावणिया री तीज' गावती तीजणियां हीडै री तिणिया लूँ ब्योड़ी, सतरगी चूनड़ियां ओढया, भीजतें बीर घणी भली लागै । तीज रें दिन पीहर मे नहीं रेंदण री पीड़ सासरें बंठी रें साल भर परनाळा पांणी पड़त, बीज री झळाबोळ में मैड़ी में दिवै रें चानण बंठी बिरहण रो मन घणी आकळ आकळ हुवै—

जे डोला तूँ न आवियो, सावणिया री तीज ।

चमक भरैली मारवी, देख खिंवता बीज ॥

इण घोरां री धरती में सावण मनभावण अलायदो है ।

सियाळें खाटू भली, ऊन्हाळें अजमेर ।

नागाणो नित रो भलो, सावण बीकानेर ॥

बीकानेर री थळी राजस्थान री नामो टुकड़ी है ।

ऊँठ मिठाई अस्तरी, सोनो गहणी साह ।

पाँच बीज पृथ्वी सिरै, बाह बिकाणा बाह ॥



जळ ऊंडा थळ ऊजळा नारी नवळें वेस ।

पुरुष पटाधर नीपजै, अडहो मुरधर देस ॥

इण धोरां री घरती मायें रामसा पीर, पावूजी, गोगीजी, तेजीजी, जांभोजी, करणीजी, राणी सतीजी अवतरिया । इण बीरभोम में भारी मड उवराव, रणवंका राठीड, जयजंगळधर बादसाह आपरी बीरता गीतडां अर भीतडां मे अमर कीनी इणारी सीख अर समभावण रई है—

इला न देणी आपरी, हालरियें हुलराय ।

पूत सिखावें पालणें, मरण बडाई मांय ॥

अठरा विना मायें तरवार बावणियां नें रंकारें री गाळ, अर मांचें में मरण री मैणी लागें ।

सूर न पूछै टीपणो, सुगन न देखै सूर ।

मरणा नूं मंगळ गिणें, समर चढें मुख नूर ॥

घर जाता जातां घरम, नर मर जाता कट्ट ।

टावरिया रमता फिर्या, उण घर में रजवट्ट ॥

रणवीर पृथ्वीराज चवहांण. राणा प्रताप, बीर दुरगादास, अमरसिंघ जयमल फत्ता सूं लेर डूंगजी जवारजी, लोटियो जाट, वारठ केसरीसिंघ, प्रतापसिंघ, परमवीर पीरुसिंघ, सैतानसिंघ, कविसरां, सूरजमल भीसण, भाडें दुरसै, वारठ ईसरदास राठीड पृथीराज; ख्यातकारा कविराजा स्यामलदास, मुंहतानीणसी, सिढायच दयालदास इण रजवट्ट नें अमर कीनी ।

इण सदा सुरंगें मरुधर मे रूप री गवर मरवण अर भूमल आपरा कूंकूं पगल्या धर्या । ढोले-मरवण, भूमल मैन्दे अर बाघें-भारमली रै हेत रा गीत गाईजै ।

इण धोरां री घरती साथे सेजें पांणी, हरियाळी जट्टे कोयला टहूका करै अर भाखरां री घरती ई है । ढूँडाड रा लोणां रा ठट्ठा करीजै ।

गाजर मेवो फांस खड, पुरखज पून उपाड ।

ऊंघें ओभर इसतरी, अडहो घर ढूँडाड ॥

पण भावू री छिव देखण जोग है—

टहूके टहूके केतकी, अरण सूं जळ जाय ।

भावू री छिव देखतां, ओर न आवें दाय ॥

अगूणें राजस्थान री सिरमोड उदेंपुर है । भीलांरी घरती री भाठी बणणीई सीभाग री बात है—

भाठा तूँ सम्भागियो, पीछोळा री रग्य ।

गुल लजा पांणी भरै, ऊपर दे दे पग्य ॥

फूलां री कोमड़ी जैड़ी ललनावां अठै जलमै—

उदियापुर री कोमणी, मोखां काढ़ै गात ।

मन तो देवां रा डिगै, मिनखां कितीक बात ॥

साची है—

उर चबड़ी कड़ पातळ, भीणी पासलियांह ।

कै हर भजिया मिलै, कै हेमाळ गळियांह ॥

घर चित्तीड़ री तो भाठौ-भाठौ देव भर घर घर धाम है । अठारी माटी तिलक लगावण जोग है । धिन है इणरी गोद नै जका अस्सी धावा रै धणी राणै सार्गै

गीध कळेजौ चील्ह उर, कंका अंत विलाय ।

तो भी सौ धक कंतरी, मूँछां भौह मिलाय ॥

परताप जैड़ा मूरमा

जननी तूँ ऐड़ा जणै, जैहड़ा रांण प्रताप ।

अकबर सूती औभकै, जांण सिरांणी साप ॥

अकबर पयर अनेक, केइ भूपत मेळा किया ।

हाय न लागी हेक, पारस रांण प्रतापसी ॥

भामासाह जैड़ा साहूकार, पन्ना जैड़ी धाय, महाराज चतरसिंघ जी मीरा जैड़ा भगत, पदमणी जैड़ी बहू भर चेटक जैड़ा अणदागल घोड़ा रमाया ।

लीला मो पहली पढ़ै, कीध उतावळ काय ।

घाल्हा कंवळां पाळियो, पडती मूफ पोचाय ॥

चित्तीड़ रा पांणी री कोई बराबरी नीं कर सकै । भरण-तिवार अठै मनाईजै, जोहर अठारी व्रत है । किला री काळी पड़्योड़ी भींता, पछीतां जुगां जुगां सूं यी इतिहास खोल्यां खड़ी है ।

इण इतिहास अर संस्कृति री राधापोथी वैं संभाळता थकां राजस्थान हणा री सदी में जो पसवाड़ी फेर्यो है, बीनै थोड़-थोड़ रंग है । जठै अेक मेह अेक मेह करता पीढ़्यां गूरी ब्हेगी, बठै राजस्थान नहर रै छाळा मारतै पांणी में काग डूबै । जठै लोग हळ मावै हाथ नी देवता बठै री जमी देस रा धान निपजावणिया में आगेड़ी है । बिजळी रा कुवा, बंधा अर कारखाना री मुकळायत सूं अठारी किसान-अर मजूर धणो मस्त है । गांव-गांव अर ढाणी-

ढांणी में स्कूलां, सफाखानां, बिजली, पांणी अर सड़कां री घणी सुख है ।  
मेळो डवोळा, वार तिवार, ऐढ़े टाँभ अठेरा बसेवानां में जो हेतप्रेम है, अंजस  
री बात है ।

इए रुड़ै राजस्थान री बसांण करतां कोई घाप नी भावै । अठेरी  
धरती माथे अवतरण नै देवता तरसै अर मन डिगावै जकी अठेरा जाया-  
जलम्या आपरै भाग माथै इतरावै, गुमेज करै, उणारौ बढी भाग है ।





आवाज नै सुंएँर कंजूसों रै मन मे घणी पीड़ होवै जकी भोत दिना ताँ  
मिटै कोनी—

तो घड़ता ज लुहार, मन सु भई दे-दे भएँ ।

सूँमां रै उर सार, रहे घणा दिन राजिया ॥

सीता रा पति भगवान राम सब कुछ जाँएँ है । उणां सूँ कोई बात  
री लुका-छिपी मत करी । जे लुका-छिपी करस्यो तो सीतळा माता रै  
गत होसी । सीतळा माता नै धरती पर चढ़ए खातर भगवान राम गधे  
दियो—

“सीतापति सब जाए, काँइ अतबी न करी ।

मह सीतळा मल्हाए, रासभ दीनी राजिया ॥

बा ठाकरा पर कीनै हंसी कोनी आवै जका खुद तो बेखबर रैवै अर  
आपरे कनै मूरख मिनखा नै राखै । आ री हालत तो बी आँधै जिसी है जक  
नै पत्तो ई कोनी कै बी कठीनै जावै है । आगँ रस्तो सीधो है कै गैरी खाडो  
है । आ नै भगवान भळै ई बचाल्यो नी तो बचणा मुस्कल है—

सुध-हीणा सरदार, मत-हीणा राखै मिनख ।

अस आँधो असवार, राम रुखाळो राजिया ॥

लोग कैवै—अब औरतां रो राज आग्यो । राणी बिकटोरिया नै  
देखल्यो चायँ घर में देखल्यो । मरद लुगाई रै तारै क्षारै चालै । के जमानो  
आयो है । एए आ कथा कोई आज री नुबी कथा कोनी । तीन तिलोकी रो  
नाथ किसन भगवान राधाजी सूँ डरतो उणां रै पगा पड़ै । पछै दूजां  
मिनखां री तो कैवणी ई काई । दुनिया में इमो कुण है जको आपरी लुगाई  
सूँ कोनी डरै । बी तो प्रेम सूँ हाथ जोड़्यां बियँ री सेवा में त्यार रैवै—

हित कर जोड़ै हाथ, कामए सूँ न डरै कबए ।

नमै त्रिलोकीनाथ, राधा आगळ राजिया ॥

अब तो डाक्टर लोग ई तमाखू पीणै रा नुकसान बतावए लागया,  
एए पैली आ नै कुण रोकती । जाणां-जाणां हुक्को पीणिया री जमपट  
दीखती । समझाएँ सूँ मानता कोनी । तमाखू पीणै सूँ दमै री बीमारी  
होवै । बुढापे में सारी रात खांसता खांसता बीतै । नींद आवै नों । कफ यूकता  
यूकता घर नै नरक सो गन्दो घणा लेवै । मर्या पछै ई हुक्को पीणिया सुख  
कोनी पावै । आगँ भगवान रै दरवार में भी उणां पर मार पड़सी ।

होका पीवणहार, जासी नरकां जीवतां ।

पाछै पडसी भार, राम कचेड़ी राजिया ॥

‘राजियेँ रा दूहा’ सूँ ती नीति-प्रधान है पण इयें में व्यंग्य तो पैडे पैडे पर है । जकी भिनख जिसी संगत में रहसी विसी वाता ईं सीखसी । ओछेँ आदम्यां रें बीच में रैणियो महापुरसां रा गुण कठैऊं सीखे । टीटोड़्या री टोळी मे रैता थकां राजहंस री सी बोल-चाल री रीत-भात कोनी आ सकै—

भावेँ नही इलोळ, बोलण चालण री विविध ।

टीटोड़्यां री टोळ, राजहंस री राजिया ॥

लड़ाई मे जीत री असली कारण फौज कोनी । असली कारण ती बादर मुखिया है । जे प्रधान वीर होवें तो बडेँ सूँ बडेँ किलेँ नै ई माभूली सेना जीत लेवें । लंका जिसै विकट किलेँ नै साधारण रीछ भर बांदरा जीत लियो क्यूँ कै बारा मालक रामचन्द्र जी लूँठा वीर हा—

कारण कटक न कीध, सरबरा चाही जै सुपह ।

लंक विकट गढ लीध, रीछ बानरा राजिया ॥

आदमी देखण में चायेँ फूटरी मत होवौ पण गुणी होणी चाईजै । गुणी री ई आदर होवै । देखण में फूटरी पण गुण बाय री भिनख के काम री ? कस्तूरी रंग री काली होवै भर देखण में कोजी लागै पण आपरै गुणा रै कारण मैधी बिकैँ भर काटेँ पर तोळा भासां सूँ तोलीजै । सक्कर देखण मे घणी फूटरी दीसै पण उण मे कस्तूरी जिसा गुण कोनी । इमै वास्तै वा भाटा सूँ तोली जै—

काली भोत करूप, कस्तूरी काटेँ तुलै ।

सक्कर घडी सरूप, रोड़ां तूलै राजिया ॥

जठेँ लोगां में समझ कोनी होवै बठेँ चीज री गुण-बोस ई कोनी पिछाणीजै । सारी चीजा टर्केँ सेर । गुड भर खळ दोनूँ भेकैँ भाव । इसी अन्धेर नगरी सूँ ती जंगल में रैणी आछो है—

खळ—गुळ अणकूँताह, भेक भाव कर आदरै ।

ते नगरी हूँताह, रोही आछो, राजिया ॥

नासमझ आदमी दूजां री नुकसाण करै । समझदार भिनख री ईस्यूँ क्यूँ बीगड़ै कोनी । पण आ बात समझदार नै दोरी लागै । गधौ दूजां री बाड़ी मे बड़ैर बठेँ खूँद खूँदैर खावै । हरेक आ ई सोचैँ कै बाड़ी आपा री कोनी, आपा क्यूँ चिन्ता करां । पण समझदार आदमी रै मन में आ बात खटकती रैवै कै देखो गधो बाड़ी री नास कर र्यो है—

खूँद गधेड़ो खाय, पैलां री बाड़ी परे ।

आ अणजुगती आय, रड़कैँ चित में राजिया ॥

काम करणियो गैरी आदमी तो आपरै भेलै मस्ती सूं चालतो रैवै ।  
जे कोई ओछी मिनख उए नै देख'र रोळा करै, रोकणो चारै तो आ बात  
फिजूल सी लागै । हाथी रै सारै घणां ही गडका फिजूल में भुसै, पए हाथी  
उणा री परवाह कोनो करै—

गहमरियो गजराज, मदछकियो चालै मतै ।

कूकरिया बेकाज, रोय भुसै क्यों राजिया ॥

कोई संगीत री जाणीकार मूरख कनै जा'र आपरी कळा दिखावै, तो  
सूं लागै कै “मैस रै आगे वीण बजाई, मैस रही पगुराय ।” धरौ जंगल में  
जाय'र जे कोई जोर सूं रोवै, तो उए री सुणाई कुण करसी । मूरख रै  
सामनै आपरा गुण दिखाणां जंगल में रोखै रै समान है—

“गुणो सपत सुर गाय कियो किसब मूरख कनै ।

जाएँ रुनो जाय, रोही में नर, राजिया ॥

आदमी पेट खातर के कोनी करै ? ‘बुभुक्षितः किम् न करोति  
पापम् ?’ भूख मरतौ आपरै फरज नै भूलज्या । लुगाई टाबरा नै बेच दे ।  
और तो और चायै जको पाप करण नै तयार हो ज्यावै । ईं सूं आ बात साफ  
है कै दुनिया में रोटी मिनख री पैली जरूरत है—

जग में दीठी जोय, हेक प्रकट विवहार म्हे ।

काम न मोटी कोय, रोटी मोटी राजिया ॥

डूंगर पर जळती आग नै सगळा देखै पए आपरै पगां कनै लाग्योड़ी  
लाय नै कोई कोनी देखै । दूजा रा तो छोटा छोटा दोस ई लोगा नै घणा  
मोटा दीसै पए खुदरा मोटा मोटा औगुणां कानी उणा री निजर ई कोनी  
जावै । आ दुनिया री अनोखी रीत है—

डूंगर जळती लाय, जोवै सारो ही जगत ।

प्राजळती निज पाय, रती न सूंके राजिया ॥

भायला सूं मसखरी आछी कोनी । मजाक करणै सूं कई बार तो  
दोस्ती टूट ज्यावै । दूध में खटाई नाखणै सूं वो दही बण ज्यावै । दही बण्यां  
पछै उए री रूप, गुण, सुवाद सोकयूँ बदळ ज्यावै । दोस्ती रै दूध में ईं जे  
मसखरी री खटाई पड़ ज्यावै, तो फेर पैली हाळी भायलो चारो कोनी रैवै ।  
इयै वास्त दोस्त सूं मजाक नही करणी—

तुरत बिगाई ताह, पर गुण स्वाद सरूप नै ।

मितराई पय मांह, रिगळ खटाई राजिया ॥

भादमी नें लागती बात कदेई नहीं कणी । चुभती बात इसी लागे के जिन्दगी भर वुण रो घाव कोनी भरै । तरवार री लाग्यां जे घाव हो ज्यावै तो दवाई लगा'र पट्टी बांधणै सूं थोड़े दिनां में घाव भरज्यावै, पण चुभती बात सूं काळजें में जकी चोट लागे बिगैने ठीक करण सारू रत्तीभर ई कोई दवा-दारू कोनी । इयें वास्तै भादमी नें हमेसा सोच समझ'र बोलणी चाइजें । भा नही के मूँडें में भाई ज्यूँईं काढ़ दी । केवत है के भादमी कुचालां इत्ती जल्दी कोनी भरै जितो जल्दी कुबोल्यां भरै । बात रो घाव बड़ी गैरी होवै है :—

“पाटा पीड़ उपाव, तन लागीं तरवारियां ।

बहे जीभ रा घाव, रती न मोखद राजिया ।

समं बड़ी घलवान है । कदेई आछा दिन तो कदेई माड़ा दिन । कदेई महल माळिया तो कदेई टूट्योड़ी भू'पड़ी । कदेई—छप्पन भोजन तो कदेई दाणा री ई सांसी । बिघाता री ई सीला नें कोई नहीं जाण सकै । काल ताणी जका नें भात आछो कोनी लागती, पट्-रस व्यञ्जन ई सुवाद कोनी लागती, बै समं रै फेर सूं आज रोट्यां रै टुकड़ां खातर रोवै है—

भावै नहीं ज भात, लागे बिजण विहावणा ।

रीरावै दिन रात, रोट्यां कारण राजिया ॥

असल में किरपाराम जी री बोणी में हास्य तो कम है पण व्यंग्य भीत है, जको उणां रै नीति रै दूहां नें सूर्य उपदेस री संज्ञा सूं बचा'र ऊंचे काव्य री श्रेणी में से ज्यावै ।





डर

□ अमोलक चन्द जांगिड़

डरती हर हर करती मिनख लगी री जात सीधी होजावे । हूलाहोव हो जावे पसेव सू । अर अर अर धूजण लाग जावे डर सू । आकडी—खेजड़ी ई भूत बण जावे । बी रा ठाडा बीचार अचक-बचक हो'र इयांला भागै जिया गधै रै सिर सू सीग । बी री सगळी व्यक्तित्व ई खूज-खूज जावे; अनाए-सैनाए ई समरधी रै सांभी नी टिक पावे; काळजी आपरी जगां छोड़ देवे—इंयालो होहै डर-भी ।

डर अंयाली कोजी अबलाई होहै के मिनख नै जेजली कर गेरै । बी रै जीवण रै बोझै ने इस्वी सूकाव के लाधै नी डांड, फळ री बात ई भू'ई मे क्यूं घाली । बिचारै मिनख री जीवणी हरांम हुआवे । सास निकड़ै कोनी बाकी क्यूं बचै कोनी । स्यात् कदै सांस निकड़ ई जावे तो की अचम्भी नी ।

जिनगानी भगवान री दीयोड़ी सूंठी चीज है । ई नै जे मिनख डर-भी सूं परै राखणी सीख जावे तो ईसू वेसी मुख कठै नी लाधै । चोखा-चोखा सत-मातमा आहीज सीख देग्या क जीवण री रहस खोज्यां मिळसी अबस पण मिळसी मुख रै नेई रैबासू अर डर-भी रै राखण नै जीवण-रेख सूं परै राखण सूं ।

डर ती जैर री अँडी जोहड़ है जिमे अकस्यां आदमी खळखोटी ले लेवे ती बी बावळ ज्यूं रड़वडती फिरै । जे बी दूजै मिनख रै बटकी भर लेवे ती बीई धिरनी-चक्कर खा जावे । सो डर री तो सांभी छाती मुकाबली कर जणा सावळ पासो पड़े । क्यूं क डर अक कूडी कळपना है जिनै मिनख काळी कामळ ज्यूं आप ओढले है । ओहीज मिनख री घणी मूरखापण है अर अक बावळी भूल है ।

डर न भगवा में बीजां मिनखां री जुरत कोनी । बँ काँई आडा आ सकै है ! भगवान बीं न साथ देव खुद आपरो साथ आपनै देव । आतमा नै बलवान बणाई राखणी अर दिरइ सकळप सूं काम लेवणी ई भो सूं मुगत होवणै री रामबाण ओखद है । जणा पाछै सुख-सोमती सूं दिन तोड़्या जा सकै है ।

डर री असर न्यारोई हुवै है । बी निराकार हुता थकां पोड़ा-पोड़ा पर साकार दीखै । राई री डूंगर बण जावै अर भूठ री सांन हुआवै; छाऊं-माऊं नुक'र पाछै सगळै सरणाट करै; निबळो हुता थकां बलवान दीखै । बी संका खिडावै, मन रै भचोड़ा मारै अर खानणै री जगां अधारी चावै । बी आदमी री अब्बल दरजै री दुसमी होहै । बीं पर जीत री डकी कोई वजर री छाती बालोई बजा सकै है । बठै कायर कालजै री विसात काई !

दिनां रै फेर सूं बीखी आ पड़ै । कसट री कलायण उमटावै । चाणक्कै कीं अणहोणी नी हुआवै री विचार कालजै नै चालणी बेज कर-गेरै । मन अणूतै भय सूं घूजण लाग जावै । जणा आदमी परिस्थितिमा री वास होवै है ई, अर धाकेले सू हार मान बैठै । फेर आपरै भाग नै कूड़ी गाळयां भांडै । विचारो भाग काई करै । आप कमाया कामणा दई न दीजै दोस । आ मिनख री मजबूरी है । मन रै हारै हार है मन रै जीते जीत । आतमबळ सूं मिनख री सगळी जीत हुवै । सबसूं पैली मिनख आप पर भरोसी राखै अर भगवान पर अटूट आस्था । सबक्या सूं गजब री है आप रै बळ री भरोसी । ई रै बिना फतै मिळै कोनी । डूजो-भगवान पर भरोसी राखणै सूं सगळा कारज सरै अर सोयोडी आतमबळ पाछो आजावै । आतमबळ सूं धीरज भावै अर धीरज मिनख री पक्की भायली ही है । धीरज आयणी ओखी है पण आयां पाछै जीवण जीवणी खरी अर मन ऊजळो हुआवै है । फेर की लाट सा'ब री डर कोनी—धीरै धीरै ठाकरां धीरै सब कुछ होय ।

आपा नै आपणै सूतै बळ नै जगावणी चाहीजै जिसू आधी जीत तो घर री दैल्यो मांय त्थार है; फेर वारै फतै पावणी घणी दोरी कोनी । भरोसी विजय री मूळ मंत्र है । डर-भो मोत सूं ई धेजा । क्यूं क मिनख तो अकेबर'ई मारै पण डर तो बावड़-बावड़ घेतुघां मोसै । पण कदे-कदै मोत री भय मिनख में अणूतो बळ भेलो कर मेलै । कुतै रै हमलै सूं कूर्ण मे दब्योडी बिल्ली में अथाह ताकत आजावै अर बा कुतै नै फंकेड़ गेरै । चीन री माघो कवै—'दुसमन नै तीन नाका सूं घेरणो चाहीजै । अके खूणो धीरै भागवा खातर खुलो छोड़ देवणी, सो आसानी सूं भाग जावै नी तो चारूखानी सूं फंसेड़ी दुसमण घणी खतरनाक साबत हुवै ।' मरणिमै नै मारणिमो कुण !

डर

□ अमोलक चन्द जांगिड़

डरती हर हर करती मिनख लगै री जात सीधी होजावै । हठाडोय हो जावै पसेव सूँ । घर घर घर घूजण लाग जावै डर सूँ । भाकडी—खेजड़ी ई भूत वण जावै । बी रा ठाठा बीचार अचक-वचक हो'र इयांला भागै जिया गर्ध रै सिर सूँ सीग । बी री सगळी व्यक्तित्व ई रळ-खुळ जावै; भ्रानांण-सैनांण ई समरथी रै सांमी नी टिक पावै; काळजो आपरी जगां छोड़ देवै—इयांलो होहै डर-भी ।

डर अयाली कोजी अवखाई होहै के मिनख नै जेजली कर मेरै । बी रै जीवण रै बोझै ने इस्यो सूकावै के लाधै नी डांड, फळ री बात ई मूँड मे क्यूँ घाली । बिचारै मिनख री जीवणी हरांम हुआवै । सांस निकड़ै कोनी बाकी क्यूँ बचै कोनी । स्यात् कदै सास निकड़ ई जावै तो की अचम्भी नी ।

जिनगांनी भगवान री दीयोड़ी लूँठी चीज है । ई नै जे मिनख डर-भी सूँ परै राखणी सीख जावै तो ईसूँ बेसी सुख कठै नी लाधै । चोखा-चोखा सत-मातमा आहीज सीख देग्या क जीवण री रहस खोज्यां मिळसी भवस पण मिळसी सुत रै नेई रैवासूँ घर डर-भी रै राखण नै जीवण-रेख सूँ परै राखण सूँ ।

डर तो जैर री अंडी जोहड़ है जिमें अकस्या आदमी खळखोटी ले लेवै तो बी बावळ ज्यूँ रडबड़ती फिरै । जे बी दूजै मिनख रै बटकी भर लेवै तो बीई घिरनी-चक्कर खा जावै । सो डर री तो सांमी छाती मुकाबलो करै जणा सावळ पासो पड़े । क्यूँ क डर अक कूड़ी कळपना है जिनै मिनख काळी कामळ ज्यूँ आप ओढ़ती है । आहीज मिनख री घणी मूरखापण है घर अक वावळी भूत है ।

डर न भगवा में बीजां मिनखां री जुरत कोनी । बँ काँई भाडा भा सकै है ! भगवान बी न साथ देवै खुद आपरो साथ आपनै देवै । आतमा न बलवान बणाई राखणी अर दिरइ सकळ्य सून काम लेवणी ई भो सून मुगत होवणै री रामवाण ओखद है । जणा पाछै सुख-सोमती सून दिन तोड़्या जा सकै है ।

डर री असर न्यारोई हुवै है । वो निराकार हुता यकां पोड़ा-पोड़ा पर साकार दीखै । राई री डूंगर बण जावै अर भूठ री सांच हुआवै; छाऊं-माऊं लुकैर पाछै सगळै सरणाट करै; निबळो हुता यकां बलवान दीखै । वो संका लिखावै, मन रै भचीड़ा मारै अर जानै री जगां अंधारी धावै । वो आदमी री अगवैल दरजै री दुसमी होवै । घों पर जीत री डंकौ कोई बजर री छाती घालोई बजा सकै है । घठै कायर काळजै री विसात काँई !

दिनां रै फेर सून बीखी आ पड़ै । कसट री कळायण उमटावै । चाणचकै की अणहोणी नो हुआवै री विचार काळजै नै चालणी बेज कर-गेरै । मन अणूतै भय सून घूजण लाग जावै । जणा आदमी परिस्थितिमा री दास होवै है ई, अर थाकेलै सून हार मान बैठै । फेर आपरै भाग नै कूड़ी गाळयां भडै । विचारो भाग काँई करै । आप कमाया कामणा दई न दीजै दोस । आ मिनख री मजबूरी है । मन रै हारै हार है मन रै जीते जीत । आतमबळ सून मिनख री सगळी जीत हुवै । सबसून पैली मिनख आप पर भरोसी राखै अर भगवान पर अटूट आस्था । सबक्या सून गजब री है आप रै बल री भरोसी । ई रै बिना फलै मिलै कोनी । दूजो-भगवान पर भरोसी राखणै सून सगळा कारज सरै अर खोयोड़ी आतमबळ पाछो आजावै । आतमबळ सून धीरज भावै अर धीरज मिनख री पक्की भायली ही है । धीरज आयणो ओखी है पण आयां पाछै जीवण जीवणो खरी अर मन ऊजळो हुआवै है । फेर कीं लाट सांव री डर कोनी—धीरै धीरै ठाकरा धीरै सब कुछ होय ।

आपां नै आपणै सूत बल नै जगावणी चाहीजै जिसून आधी जीत तो घर री दैल्य माय तयार है; फेर वारै फलै पावणी घणी दोरी कोनी । भरोसी विजय री मूळ मंत्र है । डर-भो मौत सूनई वेजा । क्यूं क मिनख तो अकेबरई मारै पण डर तो बावड़-बावड़ घेतुआ मोसै । पण कदे-कदे मौत री भय मिनख में अणूतो बल भेलो कर मेलै । कुतै रै हमलै सून कूर्ण में दम्पोड़ी बिल्ली मे अयाह ताकत आजावै अर बा कुतै नै फकेड़ गेरै । चीन री माघो कवै—‘दुसमन नै तीन नाका सून घेरणी चाहीजै । अक खूनी बीरै भागवा खातर खुलो छोड़ देवणी, सो आसानी सून भाग जावै नो तो चारूखानी सून फंसेड़ी दुसमण घणी खतरनाक साबत हुवै ।’ मरणिमै नै मारणियो कुण !

सो डर सूं डरएँ री जुरत कोनी । बीसूं फफत दो दो हाथ करएँ री जुरत है ।

डरणी मिनख री निबळापन है । स्वामी विवेकानन्द कैया करता के डर कर भर निबळो होकर जीणो'ई महापाप है । नेपोलियन घड़ूक'र बोलती क जिनै हारणै री भय है बी जरूर हारसी । डर री भावना आणै रै साथै मिनख री मन सफळता री आसा, छोड़ देवै भर हार री हार गळै धाल लेवै । अंयां काम नी चलै, डर रै खनै गयां डर भागै ।

फेर निग्गै कुण है ? निरमै बी है जिरो अंतस दूध धोयो है, जो दिन नै दिन भर रात नै रात नी समकै भली करणै में । दुखियां री दुख दूर करणै मे लाग्यो रैवै भर डर सूं सहज भुगती दिरावै; की नै नौ सतावै भर बढळै री भावना सूं काम नी करै । जिरै हिरदै में दया, छिमा आद हिलोरा लेवै भर तपसी री जीवण जीवै । जिरौ मन गुलाब सो मुळकै भर सुवारथ सूं कोसा दूर रैवै । जया-जया मिनख ईरखा, लोभ भर सुवारथ सूं अळगी होतौ जावैली तया-तयां बी आतमा पर बिजै करती जावैली भर 'सत्य शिवं सुंदरम्' रै परकोटै मे निघड़क विचरैली ।

निरमै रैवणौ हिरदै मे अणूतौ आणुद देवै । परमातमा री अंस जीव घणौ हरख करै, जिसूं जागरण री संख फूंकै । पण मो'-भाया री भरमायेड़ी मिनख तावळो सो सत्ता-गरब सूं हटै कोनी । ई ससारी रा भौतिक सुख-सुभीतो बी री नस-नस में रम जावै भर बी री भीतरली साति नै उड़ा देवै । असल मे मिनख मन नै मोह सूं भुगती दिला'र'ई ऊंची उठ'र जीणौ सीख सकै है । कयूं कै सुख-भोग रै जाळ में फस्यां पाछै आदमी डर सूं आजाद नी हु सकै । बी रै गरब री कादी लाग जावै । धन-संपत हुवएँ सूं बी राज-पाट सूं डरबोकरै, मान होणै पर अपमान सूं डरै, राज करै तो घुसमण सूं डरै, जोवन री जोर बुढ़ापे सूं डरै भर काया मीत सूं डरै । कैवणै री भरथ औ है क डर मिनख नै चारुमेर सूं घेर राख्यो है । बी सूं पिंड छुड़ाणो मिनख री भीतर री ताकत पर निरभर करै है, जे बी अपने आप नै बस में राखै । फेर डर में बह्यो डर भागै । सो मिनख री मंगल ई बात में'ई है क बी सब क्या में निरमै रैवै भर भगवान मे आस्था राखै ।



## लोग के कैवैला

□ त्रिलोक गोयल

घटना दुरघटना आ हुई क रामसरूप जी मास्टर सूँ हैडमास्टर होगा। बीयां होगा ? आ बात पडई री है, पडदा मे ई रहवा द्यो, पण होगा जो तो होई गाक ? गल्ला में पट्टी तो पडई गौक ? डांड, पटेलाई अर धाणेदारी री मजो अमलाण्या जस्यो खटमीठो हुवे है, चटखारा से लेर बै ई ऊरी सवाद लेबा लाग्या, मालम तो पो फाट्यां पडसी क ?

नवौ मीयां अल्ला अल्ला पुकारै। इव हैडमास्टर साब री मन री मिनकी नै सुपना ई आवै तो स्कूली भूसां रा। कागदी योजनावां अर धोया उपदेसां सूँ ईं जे सो मयूँ हो जाती हवै तो रीवणो ई क्या री ? असल बात आ है क अँ जतराई 'टर' है क, अँ लारला तीस-पैंतीस बरसां सूँ निरयक ई 'टर टर' करै है, जे अँ 'कर कर' री पाठ पढ़ लेवता तो श्री मुलक आज कठै री कठै पूग जावती।

रामसरूप जी हैड हा पण हा तो 'टर' क ? आपरा मास्टरी जीवण मे जीयां बखत बितामौ बीमे कोसीस कर्या ईं घणी बदळाव आणी सहज सरल नी ही, पाका घड़ा पँ माटी कतरीक टिकती ? म्हारै कहणी री श्री मतबल नी है क बै कोई खोटा मास्टर हा, आज रा घणकरा पेट भरू जीव जीयां होवै है, बीयां ईं बै ईं हा। हां आ कह सकी होक पोथा पुराणां मे वतायोडा आदरस गरू जसी गरिमां व्या में नी ही, हरेक सूँ असी आसा राखवो ई बैल नै ठूणी जस्यो ई है, आदरस चाद सा चिमकणा अर ऊंचा हुवे है, कोई बिरला रै ई हाथ आवै, जे रामसरूप जी रै हाथ न आसक्या तो ब्यांरी के दोस ? मिनख तो आखिर मिनख ई है क ? वो मन नै कतरीक

बस में रखें ? क्यों रखें ? जीवती पिराणी भाठा री कीयां हवै ? देवता कीकर बरौ ?

हैडमास्टर जी रा संस्कारां रा रूख मे बीज ती गावा री न फळ सहरा रा, कदैई कदैई दो चार फूल विलायती ई लाग जाता हा । ई रूखड पै वैठ्यो अेक काळ कागली बराबर आ कांव कांव कर्या करती ही क लोग काई कैवला ? 'दुनियां काई कहसी ?' कागला री आ कुवाण व्यानै केई खोटा चोखा कामा सूं रोक देती, ऊं री आ टेम कुटेम री टोका टोकी व्यांरी सुतन्तरता पै चावक रा सड़ाका सी ही ।

घरै ती हैडमाट साव धोती ई पैरता हा पण स्कूल जाती टेम पायचा टांकर ऊं पै ई पतलून ठांस लेवता, व्यानै अवली ती घणी ही लागती, पण कागलै री सावचेती नै कीकर नकारता क छोरा टिंगल्यां उडासी, मास्टर्या वाता बणासी क ढीली धोती रा हैडमास्टर सूं ती चपडासी ई चुस्त लागै ।

जठै ती व्यानै याद है व्यांरी तीन पीढी तीं रा बडका मे मोजा जूता भाज ती कोई नी पहर्या । आजादी पगां री जळम सिद्ध अधिकार ही । बिदेसी बेवसी सूं जे कदैई देसी पगरखी मे बन्दी हो एी ई पडती ती ऊं काळ कोठरी व्यांरा चरण कँवळ री जीव अमूभती, बासता । हैडमास्टर ई समै री पावन्द नी होसी, ती दुनियां काई कहसी ? ऊभा गास्या सेता रामसरूप जी राबडी री लार डवत रोटी निगळ'र भट चपलां घटका'र स्कूल नै वीर हुवा, गैला मे व्यांरी छोरी फांन रँ ट्रांजिस्टर लगाया किरकिट री कमेन्ट्री सुणतां इंजन ज्यूं फक-फक धुआं उगळती आर्यो ही, बी पूठ पिछाडी हाथ करै ऊं कै पैलां ईं अँ ऊरो कान पकड'र लबडबक्या.....सूबर गैला में सिगरेट फूंकता तनै लाज सरम नी भावै, लोग दुनिया के कहसी क हैडमास्टर रँ छोरा रा लक्खण देखी, अँ दूजा रा टावरां नै के सुधारैला ? सुपातर बेटी बापरी कमजोर नस पकड़ी, बात नै पलटी देर बोल्थी—“पैट पै चपला ? राम राम भी कस्पी पहराण, देखण हाळा भला आदमी के कहसी ? ल्यो अँ म्हारा धूँट पहरल्यो दोरा सोरा भाई जाभी, चपलां म्हनै दयो !” मूल मुद्दो तो हवा में उडगी'र भोळा-ढाला हैडमास्टर जी बंट घालाक छोरा रा मोजा जूता कीया जीया ठांस ठूसर, पगां री मुरनी बणावता स्कूल पुण्या ।

गाळ्या'र घी री नाल्यां । टावरपणा सूं ईं वै छुट्टा सेल्या लाया हा, व्यांरी हर मद वाक्य फाटी फूहड गाळ्यांरा किरिया करम भर भलंकारा सूं लदयो फदयो होतो । साफ सूषा हिवडा सूं नीसरी अँ ओरिजनल सुद्ध गाळ्यां, गाळ्यां नीं ही अनुस्मृति रा स्तोक हो, व्यांरी अत्रिध्वक्ति री मौलि-

कता, स्वाभाविकता ने सरलता ई ही । सबदकोस रा संकुचित अरथां सूं वां सुनेरी सबदां रा अमोलक भावां री की लेणी देणी नी ही पण इव करे के ? हैडमास्टर होता ईं पग पग पै कागली कुरछावै—छोरां पै के असर पड़ती ? बीयां रामसरूप जी आ आछीतरां सूं जाएँ हा के घाट घाट रा पाणी पीयोडा छोरा गाळ्यां रा मामला में गरूजी रा गरूजी हुवै है पण वै कागलै रा हुकम सूं जीभ रै लगाम लगार फूक फूँकर बोलता, मांय ई मांय घुटता, सावधानी बरततां बरतता ईं जे कदैकाण भूलचूक हो जाती ती मन ईं मन कांन पकडर ऊठ बैठ लगाता, ब्यानें अयां लागती जांणी काल री रामसरूप दूजी ही अर आज री दूजो ।

आ अतिसयोक्ति नी वास्तविकता है क कड़क सूं कड़क हैडमास्टर री हैडमास्टर घरहाळी ईं हुवै है । लाग हैडमास्टरणी साव रामजी री गाय ही, पण पुरबला पुण्य सूं हैडमास्टर होतां ही रामसरूप जी ऊँन सूल्याणी समभादी क “इव तू मास्टरणी नी, हैडमास्टरणी होगी है तनै स्टेण्डर्ड सूं रेणी पड़ैलौ, गंवारू अर जूना पुराणा सगळा डंगडाळा बदळना पड़सी” । बीयां हैडमास्टरणी खावै कक्की कोडीडी ईं न जाणती ही, पण पीर सासरै दोन्यू ईं ठीड आ पक्की पाटी पहलां ईं पढ्योडी ही क जे दुनिया न आंगळी उठावा री मौकी न देवै वी कदैई ठोकर न खावै, इव हैडमास्टर जी रै वारनिंग देवा पै कोड में खाज होगी, सुरखाव रा पर ईं नीसरगा, घाघरा तूंगडी भुसमुसार मटकामें मिलीजगा न साड़ी पेटीकोट खूंट्यां पै टंकगा, हां आ बात दूजी है क ऊँन ऊँध पल्लारी साडी पहरवी परलोक जातां ती नी घायी जो नी हीज घायी । अक सूं दो भला, आप डूबता पांडिया न लेडूब्या जजमान । खोडली कागली दोन्यां रै ईं माथै बैठ बैठर कां.....कां कर्याई करती । जे हैडमास्टर जी कोई काम जग हसाई री करता ती कागली हैडमास्टरणी में बड बड बोलती, जे हैडमास्टरणी अस्यो कोई काम करती ती कागली हैडमास्टर जी में बड जाती, ईं तरां तिसळता तिसळता दोन्यू अक दूजा न संभळता—कदैई दोन्यू संभळ जाता कदैई दोन्यू घडाम ।

अजंता में ‘लव इन सिमला’ वाल री ही, रामसरूप जी बोल्या आज दीतवार री छुट्टी है, चाली पिक्चर ईं देख्यावा, हैडमास्टरणी री कागली तुरत अँव करी ‘हैडमास्टर होर लव अब रा सलीमा देखी कोई स्कूल रा टावर मां बाप रै सागें मिलया ती के कहसी ? आपां ती मंजेस्टिक में नानी बाई री मायरी देखबा चानस्या” । गया । इन्टरवल में बारै आया ती ठेला हाळा कने फूल्या फूल्या पाणी रा पतासा देखर हैडमास्टरणी री मन चाल्यो, मन



तो हैडमास्टर जी रो ई चात्थी, पण खुद अनीत प चाले तो दूजो ने की कर वरजे ? हैडमास्टरणी न कह्यो "जे पतासां पीतां कोई देस लियो तो तइके लोग बाग भा ई कहसी क भे वे ई हैडमास्टर है नीं जो सइकां पे ऊभा ऊभा दूना चाटे ? नीं बाघा नी, ठाला कांम रो असी जोखम कुण उठावे ? भाषां तो पावली री भूंकळ्यां से चालस्यां जो अंधारा में बैठ्या कुड़ कुड़ाता रहस्यां" ।

मास्टर हा जदांती तो छोरी रो म्याव तीस पेंतीस मे निबट जाती, पण हैडमास्टर होर जे पचास साठ हजार न लगावे तो लोग माजना में घूळ नी नाखसी ? मास्टरी में अर हैडमास्टरी में नींठ सो रुपल्ली रो आंतरो अर बोझ जमाता अर रो ! सरकार, छोरा, जनता अर मास्टर चार बिगडेल सांडा सूं बापडो अकली हैडमास्टर कीकर बाध्यां पड़े । जण जण रा मन राखतो बैस्या रहगी बांझ । सो दो सो री द्यूसनां ती दंड में गई जो गई, दो चार अठी ऊठी रा पाटे टाइम काम करे की हाथ खरच काढ़ लेता हा, बा और मारी गई । हैडमास्टर होता ई कागली की बेसी ई पगला गी, हीड़क्या कुत्तारी जीया कूं.....कूं कर्या ई करतो ।

घोडा दिना में ई रामसरूप जी डील मे आधा रहगा, बिक बैलेंस निल । कदां कदा वे अकता मे आपूं आप सूं सुवाल करता 'म्हने आ बाटी खातां बूजी क्यूं भाई ?' पड़तर ई खुदई देता के बूर रा लाडू खाय जो पिछताय अर न खाय जो पिछताय । अक वर काठाई काया होर भुभ्ळा'र रीससार वे ई कागला रा कण्ठ पकड लिया "नासपीद्या तूं म्हने कठी रो नी छोड्यी, इब म्हें म्हारे ताई नी दुनिया रे ताईं होगी, सुख सूं खाणी-पीणी सोणी-जागणी मोक्यूं हराम होगी, राममार्या मुरादाबादी लोद्यों ई अस्यो गुडकणी न होसी । अस्यी किरकिरी, बणावटी, अर बेमजा जिन-गाणी रो के करूं ?"

भिचा भिचा गळा सूं कागली अरडामों "करमहीण कण्ठ तो छोड, लोग के कहसी ?" जीयां राजारामचन्दरजी रे हाथ लगातो ई सिब धनुस आपूं आप ई टूट गो बीया ई 'के कहसी ?' रा तकिया कलाम रो राम बाण छोडता ई कागला रो कण्ठ छटगी ।

कागमुसुण्ड जी खंखार अर आ कहतां उड़न छ होगा क "भाया लोग दुनिया रे डर सूं आदरसां रो गळी सडी रामनांभी चादर नी पीढ़ी दर पीढ़ी ओढणिया रुढळ्या नूढळ्यां लोगां री आ ई दुरदसा हवे है, सोब समझ'र हिवई सूं अपणायो ठोस आदरस ई उजाम कर सक है ।"



## नुगरौ होग्यौ नेह

□ कल्याण सिंह राजावत

वाचक —मन उजळ तन उजळी, और उजळी नांव ।

वाचिका —ऊभी प्रेम पगोतियै, प्रेम कर्यौ सर नांव ॥

वाचक —पोह रौ म्हीनौ सी धरौ, ऊपर ओळा मेह ।

तर तर नीला कापड़ा, घर घर घूँज देह ॥

वाचिका —काळा काळा बादला, भिड़ बरस घनघोर ।

धरौ झड़कै बीजळी, रैण दिवस अठ पोर ॥

वाचक —बरड़ा बीहड़ डूँगरा, ग्वाळां रौ इक गांव ।

चारणु अमरौ धीवड़ी, बँठ चरावै दांव ॥

वाचिका —बरसां ऊपर साठ रै, अमरौ बूढ़ी जान ।

ऊजळ बरणी ऊजळी, बेटी जोष जुवान ॥

[बरसात ज़ेरी है, बादल गरज रेंपा है भर

मांझल रात में घोड़े रा पोड़ सुनीजै]

वाचक —दड़वड़ पोड़ी दीड़, थमियौ अमरा री थली ।

परवत लंध्या पोड़, घर घर घूँजै वाकियो ॥

वाचिका —टूटै जिण बिध डाल, पोड़े सूं नीचै गिर्यौ ॥

मुरझित है मूँछाल, पोर बन्दर रौ पाटवी ॥

वाचक —राट पट मुण भट पट उठ्यौ, द्वार बटाऊ जाण ।

तय पय देख्यौ मानवी, उठता दोस्या प्राण ॥

वाचिका —बल सूं बूढ़ी झील हौ, मन सूं हौ बलवान ।

निसर्च हुयौ बचावणी, घर आया रौ प्राण ॥

वाचक —अमरी हे ली देय नै, वेटी ली बुलवाय ।

दोन्यूं ल्याया मायनै, गूदड़ दिया ओढ़ाय ॥

अमरी —राली, गूदड़ सौड़, ओढ़ायां नी तन तर्प ।

तन नै तन मूं जोड़, जीव बचै जद ऊजळी ॥

वाचक —वाप कहै वेटी सुणै, अण होणी सी बात ।

मेह बरसै बीजळ खिबै, सियाळ अघरात ॥

अमरी —आज कहूं सुण ऊजळी, भूंघा है मिजमांन ।

आ री जान ब्रघावणी, प्राणां की मत पांण ॥

वाचिका —अखन कवारी ऊजळी, पंथी मरद भजांण ।

की कर तन अरपण करै, बिन पोथी परवांण ॥

दोय परकमा देय नै, साखी रख भगवान ।

मन में मान्यो देवता, तन री भैटी तान ॥

समवेत —गिरस्थी घरम निराळी

ओ इमरत री घूंट ओर ओ बिस री प्याली

मैदी, चवरी, गीत, मांडणा, राखी रंग रुखाली

मंगता, फिरता, संत, सूरमा, सां री साख संभाळी

तीज, त्युहार, व्याव, मायरा, फागण घुमर घाली

पीढी पीढी पीतर पूजी, भगली पीढी पाळी

घण मोला मिजमांन बटाळ पंथी कदै न टाळी

मुख सूं राखी सदा सदा ही, बरसां लग बरसाळी

वाचक —सोळा बरसां ऊजळी, तन जोबण रै ताब ।

सूती सागै सामनै, बांहा रै पसराव ॥

वाचिका —पोह म्हीनै ओळां पिटयो, जङ्गयो सारो डील ।

जमग्यो मे ही जेठवी, सोसा रंगी डील ॥

वाचक —किरणां उगतै भाणरी, ज्यूं हिमनै पिघळाय ।

ताती छाती ऊजळी, मेहा नै गरमाय ॥

जाग हुई जद जेठवी, देखी मुवरण बेल ।

लिपटी लाय सगायरी, ज्यूं वाती में तेल ॥

जेठवी —रामजी करी कांई माया ?

कठै-कठै सूं कठै चाल नै चाल कठै आया ॥

सागै कुण हा, कुण कुण म्हे हा, सगळा ही भरमाया ।

सिधा तणी सिकार खेलता, खुद ही ती चित आया ॥

वाचक —जान बची तो मन जुड़े, रूप रास री डोर ।  
पैली नैला पारधी, चित अव होग्यो चोर ॥

वाचिका —प्रीत हुई अर प्रण हुया, रंवां ब्याव रचार ।  
पेची बांध पधारस्यां, सज रंजे सिणगार ॥

वाचक —मेहा कुल री जेठवी, पोरबद रा राज ।  
चारण कुल री ऊजली, वधिया प्रीत रिवाज ॥

वाचिका —बाधा बध बाचा बंधै, जोड़ी बिछड़ै जीव ।  
नैला बंध इसड़ा कुल, समदर छोडी सीव ॥

वाचक —मेही महला पूगियो, मन रहियो बन माय ।  
जोवण जुलमजणावियो, छोर्ज तन री छांय ॥

वाचिका —जद जद पुरवाई बहै, हुवै पुरबली बात ।  
मन री घोड़ी जा थमै, झड़ लागी बरसात ॥

वाचक —दिस दिस ही ऊजल दिसै, जद बीजल भपकाय ।  
भिरमिर भिरमिरजे भरै, आंसूड़ा अघताय ॥

ऊजली —कोल बचन कितरा किया, आयी नीं मन भीत ।  
अजमावै है ऊजली, परदेसी री प्रीत ॥  
घोरै चढ देखै घरा, राह राजवी रोज ।  
फीकी सी फिरती फिरै, खोद मंडिया खोज ॥

ऊजली —आव जेठवा आव ।  
तन मन सारी थारी है रे, कीकर कर्यो दुराव ॥  
तू कंवै तो फूलां हारा, मन हृद कहुं बणाव ।  
तू कंवै तो चीर काळजी देवूं बन दिखाय ॥  
तन री ताप धणू तापै है, तू ना धणू तपाव ।  
छोटी सी जिनगांणी है रै, ज्यादा नहीं खटाव ॥  
म्हानै कीकर भूत्यो भोळा, अकर दे दरसाव ।

जेठवी —पीड़ा प्रीत पिछाण, पीड़ा सा पाछो फिरै ।  
प्रीत रीत परवाण, आस्यूं अकर ऊजली ॥  
लोक लाज नै लोप, भूल राज रा भाव नै ।  
तन पै भेलुं तोप, आस्यूं अकर ऊजली ॥  
तूं म्हारै तन जीव, सांसा री सिणगार तूं ।  
नेह नगर री नीव, आस्यूं अकर ऊजली ॥

वाचक —खिल भेजै सनदेसड़ा, सदा उजळी नांव ।  
 चक चक सारै चोखळ, समझ सारो गांव ।  
 राजा सुणी राणी सुणी, सुणली सारा लोग ।  
 राज कंवर रै होयगो, रूप रास री रोग ॥

राजा —सुण, राजरीत, प्रीत रीत नहीं पालणी  
 चित नी चढाणी भीत, भीत है छदांम री ।  
 निजरां सूं बंधणी ना हिवई सूं हारणी  
 बिधणी है भेकवार छतरी की बाण री ॥  
 परजा पर राज कर, राज री रुखाल कर  
 राज री संभाळ कर, राज है भौ राम री ॥  
 समझ नहीं रे तू, समझ नहीं रे तूं  
 समझ नहीं रे क्यूं सार धारै काम री ॥

राणी —बेटा धारै ब्याव री, म्हानै कोड धणूं ह ।  
 फूलां तोली ल्याव सूं जोणै जणूं-जणूं ह ॥  
 जाणै जणूं ह-जणूं ह, ठाठ सूं जान चढैला ।  
 रथ बैल्यां मे होइ, गजब रा ठोत बजैला ॥  
 छोरी सूं मन छोड़, निभसी नेह निठाव री ।  
 मावड़ रै मन मोद, बेटा धारै ब्याव री ।

राजा —राजपूत भर चारणी, बीर भैण री जोड़ ।  
 ब्याव कदै नीं हो सकै, इसड़ी नाती तोड़ ॥  
 मोसा देसी मान ली, पापी कहसी लोग ।  
 नीत अनीत कहावसी, बधसी सगळै रोग ॥  
 धन दै चाहे मोकळी, देय भलाई राज ॥  
 रजपूती तूं राखलै, राख बाप री ताज ॥

समवेत —जेठवी मन रै मांय जळै ।  
 लोक लाज भर राज काज में किए बिध प्रीत पळै ॥  
 कदै धरम री धुजा धुजावै, कदैक भरम छळै ॥  
 मन तो रंग्यो काची माटी भय री बूंद गळै ।  
 जेठवी मन रै माय जळै ।

जेठवी —लिखदी सारी बात, नहीं मैं परण सकूं ला ।  
 धारी म्हारी जात, मंगपण कदै न हो सकै ॥

तूँ ले आधी राज, भाए बणी राजस करी ।  
करलें बीच समाज, ब्याव जात रै साथ में ॥

समवेत —पढ़ियो परवाणौ ऊजळी, घर चक्कर खावै—  
पढ़ियो परवाणौ ॥

जलम होयग्यी जहर मोतड़ी क्यूँ नौ आवै—  
पढ़ियो परवाणौ ॥

अएजाणयां तूँ प्रीत करी तो जान ममाणी होसी ।  
बाया लाग्यो दाग, भाग में लिखियोड़ी कुए धोसी ॥

पढ़ियो परवाणौ ।

ऊजळी —जेठवा जुलम कर्यो रे, अघूरी सपनी तोड़्यो  
जेठवा जुलम कर्यो रे ।

बधती तोड़ी बेल और तूँ मनड़ी मोड़्यो  
जेठवा जुलम कर्यो रे ।

जै बचना में भूठो होतो सांच कही क्यूँ कोनी ?  
मरदा री वांणी ही कूडी, हुवै जणा अण होनी ।

जेठवा जुलम कर्यो रे ।

ऊजळी —घारै नैणा घाह, नेह ही नेह निरखियो ।  
अब तूँ मत अघताय, जळ जाऊंन्यी जेठवा ॥

नारी रो नर नाह, माथ रैयां ही सांतरी ।  
पुछसां कर परयाह, सजा मती रै जेठवा ॥

बाळ परौ रा बोल, भूलै घर बिसराय दे ।  
जोवण री रमझोळ, भेलूँ किण बिध जेठवा ॥

जलमें झेकर जीव, झेकर परण वरण हुवै ।  
प्रीत पियासी पीव जीवूँ किण बिध जेठवा ॥

अपणाऊँ अपभात, जात मुलादे जेठवा ।  
जात पात री बात, निबळा ही तो नित करे ॥

राग भलाई राज, धन नी चावूँ रे धणी ।  
घाज्या झेकर घाज, पण रैस्युँ आ घारली ॥

राज पाट घर जात, जावै फिर नौ रह मर्क ।  
जोवण री ना जात, गयो गयो तो बी गयो ॥

यात मानलें बात, यात नै मत बिमगाई ।  
नहीं आहिजै आत, जलम ही जहर जेठवा ॥

- वाचिका — लिखता ही वा खुद लिखी, तित्तां मे नी तेस ।  
 चाल बटै ही चारणी, मिलै मीत री मेळ ॥  
 वाचक — भूख मिटी तिरसा मिटी, नैणा नांही नीद ।  
 आकळ वाकळ ऊजळी, चिरळावै चौधीज ॥  
 वाचक — भूखी तिरसी ऊजळी, गढ़ कोटां री चेळ ।  
 बैठी बैंगी वावळी, जेठा थारी जेळ ॥  
 ऊजळी — अेकर दरस दिखाय, इतरी कांई आतरी ।  
 भीड़ मती भुलाय, धभी द्वारै ऊजळी ॥  
 जीवण री नी जोग, अेकलड़ी नी जी सकूँ ।  
 भाग लिख्यो नी भोग, भौमळ होसी ऊजळी ॥  
 अेकर मुखडो देख नै, समझा समदर सार ।  
 जीवण राखी जेठवा, ऊजळ जासी पार ॥  
 तन सौप्यो तकदीर सूँ, मन सौप्यो मनवार ।  
 अेमी वणग्यो पारधी, अब वयूँ करां अंवार ॥  
 वाचक — भाक भरोखै जेठवो, कही ऊजळी भाण ।  
 राज रकम तूँ लेयलै, पाछी भूल पिछाण ॥  
 ऊजळी — काया थारी काचळी, राखी बांधै नाय ।  
 कंत कहीज्यो जेठवा, बहिन कहावै नाय ।  
 राख राज धन घाम तूँ, राख भलाई राख ।  
 जावै थारी ऊजळी, समै राखसी साख ॥  
 वाचिका — इतरी कह कै उजळी, समदर सौपी देह ।  
 सहारा लाज बचायली, नुगरी होग्यो नेह ॥

## रुंख अर आदमी

□ भगवती लाल व्यास ✓

रुंख बड़ी क्यूं हैं ?

सब रितवा रा सेल-धमोड़ा भेल  
यो मायो ऊंचो किया सड़ी क्यूं है ?

रुंख री ई जात है, न्यात है

नाब है, कुल है, गोत है

फेर ई संसार मे यो छड़ी क्यूं हैं ?

यो सवाल भूँ खुद नै केई बार

पूछ्यो है—

‘आदमी छोटी क्यूं है

अर रुंख बड़ी क्यूं है ?’

जात-न्यात कुल अर गोत

आदमी रै ई होवै

बाप-दादा री घरघ्यो अक

रुड़ी रूपाळी नांव लिया

आदमी सारी ऊमर रोवै

रुंख री तरै वो स्यात कदैई

न्ही नूतै अणबीत्या, अणजाल

गेलारयो नै आपरै घरै

सोग कयं के आदमी री जइ

गुरग मे न्हिया करै



पण रुंख री जड़ ती  
 जमीं में ई ऊंडी, अर धणी ऊंडी होवै  
 जमी मे जड़ री वे'तार  
 अर जमी पे रुंख री संसार  
 रुंख कदैई सुरगबासी होवा री  
 कलपना न्ही करै  
 कणी मर्योइै रुंख माथै  
 सोक सभावां न्ही मंढै  
 अर नी कोई स्मारक बणै ।

रुंख खड़ी है मस्तमीलै  
 जोगी ज्यूं फकीर ज्यूं  
 लोहे री लकीर ज्यूं  
 लोग रुख रै कानी बैठ'र  
 कतरी ई तरै री बातां करै  
 रुंख सब मुणै  
 पण पड़तर न्हीं देवै  
 इण री यी अरथ नी के  
 रुंख रै भासा नी होवै  
 पण रुंख भासण न्ही देवै  
 जितरी छायां उण कर्नै है  
 रात-दिन बाटती रैवै  
 कोई भाठी मारै ती  
 धाणै मे रपट ई नीं तिसावै रुंख  
 गुट न्ही बणार्यै रुंख  
 यी निरगुट-निरगुण  
 अपणै आप मे माची ई  
 पुण्याई री धड़ी है  
 रुंख आदमी मूँ  
 कितरी बड़ी है ?



## स्वास जरूरत

□ अन्नाराम सुदामा ✓

कांडं बोडं रै टुकड़ां में फिट हुयोड़ी,  
भूलै हो सामनै,  
मानचित्र भारत री ।  
याळक केई,  
टुकड़ा काढता फिट करता  
सीसै समझै हा,  
पण बात बात में उलझ पड़्या;  
टल टोली सूं दो  
लीच टुकड़ी भेक भेक मानचित्र सूं  
राता कर नैण,  
रीस मे निकल पड़्या ।  
बोल्या,  
“धो टब्बी में राखी सगळी चारी  
रचस्यां म्हे  
भेक भेक टुकड़े सूं  
मानचित्र नुंधी ग्यारो  
घारै सूं घणी फूठरी—  
घणी भलेरो ।”  
पडी गुर न छ जियां ई  
गूंज्या सुर. ‘धूमी पाछा’.

आस्था भागती ठैरी  
 मुड़ग्या,  
 हेलै सार्गै पग रूस्योडा ।  
 गुरू बुचकार्या समझाया  
 “वाळका,  
 श्रेक श्रेक टुकडौ काढ  
 जिया निकळग्या थे,  
 ठीक विया ई  
 थारा अँ सगळा साथी  
 रूस रूस  
 टुकडौ टुकडौ  
 काढ चित्र मू दुर पडसी  
 ती खाडै वाडै मानचित्र मे  
 दीखसी खालेड घणखरी  
 लारै जुंवा रैसी,  
 अर श्रेकला थे दुर्ग्या किया,  
 श्री मानचित्र सगळा री पूंजी—  
 सगळा री साथी ।  
 वाळक ई ती हा  
 बिकळाक चित्र नै देख  
 वात समझग्या,  
 दोनू टुकडा  
 फिट किया चित्र मे चुपचाप जिया ई  
 मानचित्र पाछी मुळग्यी,  
 चमक उठी वत्तीसी  
 सगळै चैरां पर संतोस विसरग्यी ।  
 आज वै वाळक वणग्या बाप,  
 ती मन मे नुंई आसा जागी,  
 कै जुड़ जुड़ टुकडा श्रेक प्राण मे  
 आभा घरा कोर पर  
 मानचित्र री ओर चमकसी  
 पण सार्गै, कात्यौ हुवै कपाम

सराई खीचड़ी दाँता चढ़सी ।  
 आज पद पड़सै रा पड़े गड़ा,  
 डाफर चालै भाई भतीजावादी  
 तो रूस रूस जणौ जणौ  
 बांध बांध डोळां पर गधारी पाटी  
 खीच धिगाणै प्रान्तां रा टुकड़ा  
 भूल पूर्णता री पाठ पुराणौ  
 उथळ जुगां पुराणौ सागण गळती,  
 पण कादँ पर किलौ रचण री  
 आ आंधी ममता  
 सत्ता री सरतां मे दाव मानखौ  
 मानचित्र री उणिपारी  
 कुण जाएँ कियां राखसी ?  
 हुसी श्री मानचित्र जे  
 टुकड़ा टुकड़ा में खंडित  
 ती मोटी चिता  
 धरती पर साबत कुण बचसी ?

समाधान है

कै भूली भटकी पीढ़ी नै दिस देवण  
 चार्जै

न काचळी घदळू,

न अणगिण मौसमी कमटीड़ा,

जरुरत है

कै उठै, आजाद चित्र री पूर्णता सँ प्रेरित,

भाई चारै रै नुंयें छितिज पर

कोई अणदागी गुरू आभा ।



## मेळ-मिलाप

□ घनंजय वरमा

कसूरवार सरीसौ—

जमीन में निजूर गडायां !

विजली री ओक खम्बो,

गै'री चिन्ता में घुलन लाग्यो हो ।

नीच कोरपाण धरती—

बी पर, भूख री भरती—

सास टूटवा, मरती-भरती ।

गूंदली सा, लीर-लीर पुरिया ओढ्या,

पाळ आई,

पाळ बाघणै री सोचै !

चिथडा मे चुंघेडो, टूट बंध्यो—

'डंडुकळो' सौ ओक हाथ,

सुन्न बापरती काया नै, गरमांस पूगाण बास्तै,

चाणचकै, गोजियै पासी चुब्बी मारै !

ओक अघबुझेडी बीडी,

नीतर के ऊपर आ जावै ।

ठंड री ठिरती ठारी स्यूं,

गरीबी हाळी घिमारी स्यूं,

रू-रू करणावै, घिग्गी बंध जावै ।

दंताली जिसा चौड़ा-चौड़ा दांत,  
 “खुण-खुणियै” ज्यूं खुणक उठै ।  
 मन मारके, अक तूळी सिलगावै,  
 तूळी सिलगै, अर पून रै फलरके सामै—  
 सीक पर सिमटेड़ी, भीणी-भीणी,  
 बादल बरणी, हलकी भूरी डोरी,  
 ऊंची-ऊंची ऊपर नै ऊठै,  
 अर जड़ा-मूळ सूं खू जावै ।  
 आखरी बंचेड़ी तूळी नै, बड़ै जाबतै स्यूं,  
 आंगलियां री आसणी बणा के, सिलगावै ।  
 सिलगतां ईं,  
 छोटी-मोटी आंगलियां रै बीच—  
 टसकती बीड़ी री मुंह, तमतमा ऊठै !  
 सास सागै सहारेड़ी,  
 झुकसती, उलझती, गै'री धुंभी,  
 कीं नाक सूं छणकै,  
 की कंठा में उतरके,  
 समूची काया नै झुकझोतै ।  
 लै-लै खरड़-खरड़ खांसी,  
 जीतै जी नै फांसी !  
 आंता में अटकायेड़ी—  
 छोटे-यक री गटकायेड़ो—  
 झूटियै री चिकणास,  
 ततार बण, पिघळै ईं मोम ज्यूं तिर जावै ।  
 पतळै लावै तार री—  
 तैरती सी लाळ,  
 कीं हेटै, याकी समूची पूरियां पर झूलके रहजावै ।  
 पड़ी है, कुण ध्यान देवै,  
 अंधेरे में की नै मूझै है ?  
 चानन में ईं घघमेवै नै,  
 सुख-दुख री कुण बुझै है ?  
 बीं के वास्तै दुनियां कोनी.

दुनियां वास्तु बी कोनी !  
 जीं दिन मर जासी बी दिन—  
 श्री अलसीहै नै,  
 कै तो कोई बाल देसी,  
 कै कोई गाढ देसी ।  
क्यूं कै, कचरै नै कूदरत ई खपा सकै है !  
 अर, श्री ई जगती री,  
 सब सूं मोटो 'मेल-मिलाप' है ।



## तसवीर

□ स्याम सुंदर भारती

निरखी

परखी

नै धोळखी

किण री है आ तसवीर

व्है सकै—

के भै नैण किणीं दिन

मिरगली रै नैणां री गळाई मोवणा

पणा भचपळा

इमरत रा प्याला हा

पण भाज तो—

दो ठिडा है : माळा है

व्है सकै—

के भै हाय किणी दिन

पीयण वरगा रूपाळा

मुगमल जिमा मुलायम रैया व्है

पण भाज तो—

आंयठण है : छाळा है

व्है सकै—

के भै पग किणी दिन

मायद री गोदी



फूलां री सेजा हा  
पण आज तो—

उरभाणा है : पाळा है

व्हे सकं—

के ओ पेट किणी दिन  
लाम्बी डकारा लेवती  
धापियोड़ी धणी रेंयी व्हे  
पण आज तो—

आळें में आळा है

तो—

आवी

देखी

निरखी

परखी

नै ओळखी

के किण री है आ तसवीर  
अर सोची—

कियां बिगड़ी आ तसवीर

फुण बिगाडी आ तसवीर

नै समझी—

के जठा तक छाती रें बुझियां हेई

भट्टी धुक है

घां लाय लगा सकी

होर नै—

अक चिणगारी धणी व्हे;

विष्णु  
मठ



## फेर किता दिन

□ स्याम सुंदर भारती

भूँठी भांसी फेर किता दिन |  
रुल्लपट रासी फेर किता दिन

मूँल हवा रा नै वातां री  
चट चीमासी फेर किता दिन

भोळी भाळी जनता नै ओ |  
मीठी घासी फेर किता दिन

किएवेळा की हो जावण री  
मन में सांसी फेर किता दिन

भूल गरीबी घर विपदा री  
इण घर वासी फेर किता दिन

सगळा नै देता रंबोला |  
कूड़ दिलासी फेर किता दिन

उत्तराष्ट्र

इण आगणियै राजनीत री |  
खेल तमासी फेर किता दिन

□

आपां मिनख हां

□ रघुनन्दन द्विवेदी

म्हैं घर यूँ  
चाय रा कप को'नी  
कै—

मेज माथे सूँ पड़ा  
अर टूट जावां,  
आपा मिनख हा

जटां तक  
नसा मे उफणती खून है  
हाथा मे बळ है  
अर मन में—

अयाग  
अणमाप विसवास री  
बळती दीवी है,  
आपां पड़ांला  
गुड़ांला

मरांलां  
टूटांलां

प'ण मिटाला को'नी  
इण अन्याव रै  
चायरै री भपट सूँ

इए ओछी  
 अनीत अर कपट सू,  
 आपां लड़ांला  
 अर घड़ांलां  
 अक नुवै माणस री दीवी

जिकी—

भूंपड़ियां में

नुंवो उजास भरैला  
 अर अनीत री अंधारी  
 इए घरती सू  
 अलगी करैला ।

आस्था

□

## भूख और बांदरी

□ मगर चन्द्र दबे

आ भूख....!  
किस्ती निठुर है आ  
इए मिनखादेही रै कंकाळ मांय  
कठई न कठई है....!  
पए कठ....?  
निजर आवै....?  
पए हो,  
आ है जरूर....  
मकाबट....

नीतर—  
औ आदम रो बेटी  
कूड़ बोलतो....?  
चोरी करती....?  
डाका डालती....?  
आपरा कायदा, मानतावाँ रै माथे  
धार आळी कटारी फेरए सारू  
ताकड़ो बँवती....?

आ भूख....!  
याद आयी—  
आपां नै बांदरी, बरणाय

गळा में लोकरा री सांकळ न्हांस  
(लोकरा री सांकळ.....!)

बेसक....

नींतर कठई बंदरिया  
पेट भरियां पछै भागनीं जाय  
क्यूं के  
हाल तो मदारी भूखी है....  
उणरा छोरा-छापरा ई भूखा है.....!

मदारी सांकळ खींच'र कैवै—  
“इण बाई रै पगै लाग  
मां'जी रा पग दाब  
बाबूजी नै सलाम कर  
बा' साब नै जैरामजी री.....”

मदारी बांदरी नै पूछै—  
“तू सलाम क्यूं करै.....?”  
बांदरी जमी ऊपर भाडी पड़'र  
खुदरो पतलो पेट बतावै—  
“इण रै खातर.....!”

मदारी उणनै कैवै—  
“तौ मांग बाई सा'ब कना सूं  
दिया भंदाता  
भूखी बांदरी नै  
सुककी—सुककी.....”

बांदरी उणियारै माय  
गरीबी दरसाय हाथ पसारै  
कोई दियातु.....माई री लाल  
दो-च्यार रोटी रा टुकड़ा  
फेंक देवै  
बांदरी वां टुकड़ा नै उठा'र  
भूँडै रै मांग न्हांसै—

हण पापी पेट न भरण साह  
 के इण गूँ पैसा ई  
 मदारी बिजली रै उनमान  
 भपट'र खोस लेवै टुकड़ा  
 घर न्हांस देवै भोली में  
 (कारण—हाल तो मदारी भूखी है  
 उणरा छोरा-छापरा ई भूखा है  
 पण यांदरी री भूख....?)

फेर पाछी दूजो घर....  
 "बाई सा'ब रै पगै साग  
 सा'ब नै सलांम कर  
 बा'साव नै जैरामजी री...."



## सपनां री तिरस बुझ्यां पैलाई

□ इन्दर आउवा

सपनां री तिरस बुझ्यां पैलाई |  
नीदडली री सांस निसरणी !

दो मुळकाण उधारी देता,  
सांसडली गुम्मेज करै ही  
जीवण मारण प्रीत बांटता  
गैली कितरी जेज करै ही

मालण हार भूँथती रहणी |  
भर फूला री बास निसरणी !

नही लजाई हियै—बजारा  
प्रीतडली री मोल बतावां  
सोने-चांदी रै बाटां सूं  
जीवण-मोती तोल करातां

मन री मोल अंकीजण पैली  
तन री घर सूं ल्हास निसरणी !

हियै-तीरथां किता जातरू  
बिन चिरणामत पाछा दूळिया  
प्रीत-भतासा मन रै मिंदर  
माटी रै मटकां में गळिया



मिन्दर रा पट खुलियां पैली |  
दरसण री सै प्यास निसरणी !

तन-भूजण मन-समभावण में  
गैली घणी उंवार करै ही  
हेत-प्रीत रा गीत सुणण री  
तूँ मोड़ी मनवार करै हो  
बिध-बिध गीत रचावण माली  
हिये मांयली फांस निसरणी !



## हार मत हिम्मत रे

□ लक्ष्मण सिंघ रसवत

जीवण री हर राख, हार मत हिम्मत रे  
बिलै पळ्योडा जीव, जिणां री कीमत रे

3-12-11

रात अंधारी घोर, गिगन गरणावै  
बीजळ बिमकै जोर, मनां डर घावै  
कळायण घोवैला दिन-रात, मानवी डर मत रे  
जीवण री हर राख, हार मत हिम्मत रे

सूरज तेवर तपै, जीव बिलखावै  
तन रा पोचा, तावडियै तिड जावै  
तपसी मांणस मोल, तापसी तिरपत रे  
जीवण री हर राख, हार मत हिम्मत रे

आंधी धूळ-वधूळ, मुलक नी मावै  
आल मोच मत मिनस मोन मर जावै  
पलटै भूम अजूम छोड मत सतपय रे  
जीवण री हर राख, हार मत हिम्मत रे

सीयाळै री रात सोगनां खावै  
पण परभाती धुंवर धरा पर लावै  
अणगिण मोती मोल मानखा गिण मत रे  
जीवण री हर राख, हार मत हिम्मत रे

समदर छोळा-छोळ घणी ढरपावै  
 पिरथी परळ पलट पांवणी भावै  
 छोड पुराणी पाळ, पाप रा परवत रे  
 जीवण री हर राख, हार मत हिम्मत रे ।

## चौघड़िया

[ 1 ]

जिदगी भावण-जावण है  
 हेत हित हेंस बतळावण है  
 घेल पर फाळ फळ्यां पाछै—  
 जिदगी छिण मुरभावण है ।

[ 2 ]

मोत री साक धुवै घुट ज्याय  
 घालती बाळद ज्यू लुट ज्याय  
 घाक चौपाळ सांस री आस—  
 मोत निरमाण देय मिट ज्याय ।

[ 3 ]

आल रै पाख नंही उड जाय कठै  
 नैण मे नेह घणी रळकाय कठै  
 गिरवर गाढी रात सरवर पलका मे—  
 रैण मे नैण, रैण किण भांत कठै



## जिनगांणी

□ कल्याण सिंह राजावत

समरथ भै समझां ती ऊमर ई ऊमर है |  
नाचां ती जिनगाणी घूमर ई घूमर है |  
काटां ती सस्तर है  
सी'ल्यां ती अस्तर है  
पी'ल्यां ती समदर है  
करल्यां ती कमतर है

इणरा रूप अणूता है  
अजहं अणकू'ता है  
भोढा ती जिनगांणी चूनर ई चूनर है ॥  
भार्भ री पांणी है  
धरती री धाणी है  
किण री ती जांणी है  
किण री अणजाणी है

सुरता सार अदीठी है  
भळती भाळ अंगीठी है  
याकां ती जिनगांणी डूंगर ई डूंगर है ॥  
जोबन रा भाला है  
मद भरिया प्याला है  
समझा ती इमरत है  
अणुसमझ्यां हासा है

इए रा नैए नसीला है  
इए रा वैए रसीला है  
निरखां तो जिनगांणी भूमल ई भूमल है  
पायल भणकारां है  
गीतां गणकारां है  
काजळ री कोरां है  
मैदी रतनारां है

आ तो काण-कनोरा है  
आ तो बांन-बनोरा है  
पै'रां तो जिनगांणी भूमर ई भूमर है  
नाचां तो जिनगांणी धूमर ई धूमर है ।



## भावटौ होग्यौ

□ सिव मृदुल

कड़ै है फूल बागां मां, हर्यौ है रुख परबत को ।  
कदै गरमी कदै बरखा, अजब है खेल कुदरत को ॥  
जठां सूं रात मेंह अमरत, सरद का चांद सूं बरस्यौ ।  
लगी चौपाल पै घूली, तप्या बूढा हियौ हरस्यौ ॥

रजाई मेंह घुस्या सगळा, सवां कै भावटौ होग्यौ ।  
अस्यौ तौ सी पढ़ै पोटां, अस्या मेंह भावटौ होग्यौ ॥

जमी लागै मुळकती सी, जठा सूं रेलण्या होई ।  
घरा को रूप नत निखरै, जठा सूं साख नै बोई ॥  
हर्या है खेत फसलां सूं, करै मोदयार रखवाळी ।  
रखै है सार खेतां पै, कनै नत कामळी काळी ॥

चली है सासरै जमनी, जँवाई हाँवटौ होग्यौ ।  
अस्यौ तौ सी पढ़ै पोटा, अस्या मेंह भावटौ होग्यौ ॥

कठै तौ डोल को ठमकी, कठीनै तान बाजा की ।  
बँदोरा बीदण्या सार्व, बँदोरी बीद-राजा की ॥  
कठीनै गीत मेंह बनड़ी, बना अर भायरौ भूँजै ।  
बरातां बढ़ गयी तोरण, पगां नै दूध घी, पूजै ॥

घणा कै पड़ गया फेरा, घणा कै न्यावटौ होग्यौ ।  
अस्यौ तौ सी पढ़ै पोटां, अस्या मेंह भावटौ होग्यौ ॥

परसै भ्राज पंतग मेंह, सड़ा मोटुयार सासीणां ।  
 सजी सी मोरहूयां जीमें, जणां का घूंघटा भीणां ॥  
 हुवैला चूर सब चक्कियां, हिया मेंह है हरख ऊंडी ।  
 जळीबी सूं घणी मीठी, हुयी है चांद सो मूंडी ॥

पहं सब टूट लाडू पै, घणां को गावटी होग्यी ।  
 अस्यो तो सी पहं पोदां, अस्या मेंह मावटी होग्यी ॥

## पूछ म्हने मत हे सखी

मुळकं कंचन कामणी, मोडया हर्यो दकूल ।  
 जाणै घरती ऊपरै, खिल्यो कंबळ रो फूल ॥

पीळा गेंदा बाग मेंह, पीळी सिरसूं खेत ।  
 मंहरी पीळा हाथ है, पीळो तन-मन हेत ॥

देख कटी कटि भोज उर, अतरी मत मोमाव ।  
 गळसी रळसी यी बरफ, कर कर भारी पांव ॥

सळ क्यूं साड़ी मेंह घणा, बिखर्या सा क्यूं बाळ ।  
 पूछ म्हने मत हे सखी, कहसी राता गाल ॥



## कीं तौ बोल-म्हारा वीरा

□ वासुभाचार्य

वयूँ लागै नीं ठा  
कीं तनै हुवै, तौ बतता

आजकालै जागै  
भखावटै भखावटै  
सूरज फूँतका-फूँतका हुयी ऊँ  
भर सिन्ध्या रौ सिन्ध्या  
लीर्या-लीर्या हुय'र हूँ  
कालजै हईड तौ उपडै  
पण भरष कीं तिसरै ?

फेर वै रा वै  
तिरण लाग रैया  
भकास में गीष  
फेर बां रै साम्यै परां मूँ  
नैतीजसी कोई सोइन्दौ ?  
फेर हाय, पग, सीनौ  
भर हुलियो बंतीज सी ?

कीं तौ फूट—म्हारा भायला  
दन्ताली-सूर पाछी वयूँ  
फाड़न लाग रैया है जमीन



घर क्यों  
 काळिन्दर फणपारी  
 बांग्यां मूं सेतां में  
 पतारी कर रैया है ?  
 कीं तनें ठा हुवै तो बता  
 कै पारं घर म्हारें  
 मार्ग घर सारें  
 कीं हुयणी-है-की, बार्दजें  
 तू ई म्हारें दई  
 की तो भीत मूं मचीड़ा खा  
 की तो समझ  
 की तो समझा  
 कीं तो बोळ—म्हारा बीरा  
 क' फेर तू  
 उडावती रंसी हाडा  
 क' फेर तू  
 गिणती रंसी पाडा  
 या के घोर.....  
 या भळ फेर.....

□

## म्हारै गाँव में

□ भागीरथ सिंह भाग्य

छोटो सी है गांव, गुवाड़ी गलियां नैड़ी नैड़ी  
टूटी फूटी छान भूँपड़ी ना पोळी ना मेड़ी  
पंचायत रा करै फंसला भ्रमली और मंजेड़ी |  
सी सी बूसा खाँर बिलाई चढ़गी हर री पंड़ी

इमधै

घाईयां लूट ली दूकान म्हारै गांव में  
पंचा री काट ली जुवान म्हारै गांव में

सुगनी काकी बात बणावै बोले घाड़ी-टेड़ी  
धींस्पी बाबो रोज परावै खेतां काटे पेड़ी  
बूड़ी दादी री ले भाग्यो कुण रामार्यो गेड़ी  
मभ सरदया में पघा उभाणा फाटी म्हारी घेड़ी

धेला चवावै है पांन म्हारै गांव में  
बीड़्यां री खुलगी दूकान म्हारै गांव में

धात बतंगड़ बणता बणता भलियां गलियां फैली  
काल रूपली री चूनर ही जघां जघां सूं मैली  
मणियारां रै घर रै लारै है फूट्योड़ी हेली  
कानूडै री बातां में भुलगी भणजाँण भकेली

बुच्चां रै लाग री है तांन म्हारै गांव में |  
डोळ्यां रै चिपट्या है कान म्हारै गांव में |

परसू रात गुवाड़ी में पावूजी री फड़ रोपी  
 सारंगी पर नाच देख कर टोर बांधती गोपी  
 भोलै-छानै सैन करै है देकर भाड़ी टोपी  
 अब तो खुस होग्या हां रुपियौ नेज्या प्यारी भोपी

कर दियो रुपियै री दान म्हारै गांव में  
 राख लियौ मैफिन री मान म्हारै गांव में

मनवारा में, बीळी पीग्या करता थोड़ी-थोड़ी  
 नसी हुयो जद कुबदां सूभी कर ली छाती चोड़ी  
 ठाकर सा ठरकै सू बोल्या पाछै मूछ मरोड़ी  
 जुगली छोरी आज रावळं सू घर जाय मोड़ी

ठाडै री डोकी है डांग म्हारै गांव में  
 हीणै री फाड़ सीनी लाग म्हारै गांव में

जुम्मी सोदी खेल करण री नसी भण्ती लाग्यो  
 भम्बर मांही देख बादली टैण सावती लाग्यो  
 दो की बीदी दो को चौकी दो को दड़ी लगाय्यो  
 घर हाळी री मैणी लत्ती बेच बाच कर लाग्यो

गिरधी जुवार्यां री स्यांन म्हारै गांव में  
 लूट खोस खावै जुजमान म्हारै गांव में ।



## दरद-दिसावर (दूहा)

□ भागीरथ सिंह भाग्य

लोग न जाँही कायदा, ना जाँही अपणैस ।  
राम भला ई मौत दे, मत दीजै परदेस ॥  
भांत भांत री बात है, बात बात दूमांत ॥  
परदेसा रा लोगड़ा, ज्यू हाथी रा दांत ॥  
मुस्ता ले मन पावणा, गांव प्रीत री पाळ ।  
मिनख पणै री नांव पर, सहर सुगली गाल ॥  
सहर डूंगरी दूर री, दीखै पणी सरूप ।  
सहर बस्या बेरी पढ़ै, किण री कंडी रूप ॥  
खाणो पीणी बँठणो, बड़ी नहीं बिसराम ॥  
बो जावै परदेस में, जिण री रुसै राम ॥  
भजब रीत परदेस री, मेक सांच सी भूठ ।  
हंस बतलावै सामनै, पात कर परपूठ ॥  
लेग्या तो हा गांव सूँ, कंचन देही राज ।  
पाछी ल्याया सहर सूँ खांसी, कब्जी, खाज ॥  
लोग चौकसी रासता, खुद बांका सिरदार ।  
बाकड़ला परदेस मे, बणग्या चौकीदार ॥  
गळै मसीनां में सदा, गांवा री सँ मौज ।  
परदेसा में गांगली, घर री राजा भोज ॥

कागलां री कांव मांही आज तक जिया )  
 हींजड़ा रै गांव मांही आज तक जिया )  
 माळिया री बात छोड़ भूंपड़ी कटै—  
 आकड़ा री छांव मांही आज तक जिया  
 डोलिया पै गाळियां ही गाळियां मंडी  
 सगला सा नांव मांही आज तक जिया  
 रोग ठावौ लागज्या तौ चाव सूं मरां  
 खुरचती सी पांव मांही आज तक जिया  
 जीत ती सै पीढ़ियां रै नांव मांड दी  
 हारता सा डाव मांही आज तक जिया ।



## आखर रौ उवाळ

□ अरजुन 'अरविन्द'

घरती मायै पसर्योड़ी  
हृद काली काल ।

अंबर रौ मुळकंती  
रूप नी सुवावै,  
भूख रा भाग लई  
चैन कियां आवै,

मौसम रा मूंडा में  
अणमाती गाळ ।

चारुं मेर भून रा  
बैवता सरणाटा,  
प्रीत बावली रा  
बोल घणा खाटा,

धुप्प अंधियारी  
कयै है साल ।

नेण रा डबडोळां  
सुपना रा भूत,  
बैर्यां रा बोलना  
बोले है भूत,

रीत री समदर  
कुरुण बाधै पाल ?

पोध्यां में सीख रा  
उजाळा मुळकावै,  
चांदी रा टूकां पै  
सब नाचै, गावै,

रगत नै ततावै कितणू  
धाखर री सवाल ?



## गज़ल

### □ रामेस्वरदयाल श्रीमाली

किए मय छकी रै मोह री मनवार है गज़ल ?  
किए गोरड़ी रै रूप री सिणगार है गज़ल ?  
नट जावणी नै नेह नैणा निरखती रै'णी ।  
भा आपरै जिसे ई गुनागार है गज़ल ।  
हिमळास इसी, हेत भौ, हामळ छिपी-छिपी ।  
हँस-हँस हमेस मुकरणी री बार है गज़ल ।  
भौ रूप री रतन जतन घणी भंदेरियो ।  
पल भेक फकत दरस री दातार है गज़ल ।  
हिय में उमंग-रंग बिखरियो ज्यूं हीगळू ।  
जो भाप भावी, तीज री तैवार है गज़ल ।  
दीरुया कदै न थे कदै भदीठ नी रह्या ।  
इए दीठ वारै आपरै उणियार है गज़ल ॥

### सुख री घड़ी सस्ती कठे

आपरै सिर ताज दीसै, मायली मस्ती कठे ?  
जकी रापनां नै सजा देवै, इसी बस्ती कठे ?  
राज रै पासै सूँ कै दौलत सूँ दो भांगळ मिळै  
पल पड़ै जितरी, इती सुख री घड़ी सस्ती कठे ?



आज कर लो बेदखल म्हांनै नै कालै देख लो  
 म्हांरी बेदखली कठै नै आपरी हस्ती कठै ?  
 टूट जावा म्हे भलै, नामून नम काढ़ो नही  
 तन भलै चींथीज जावै, होंसला-पस्ती कठै ?  
 आंगणै जो आपरै आया, फकत इण कारणै  
 ओ सरीरी गस्त देवै, आतमा गस्ती कठै ?



## किराया को मकान छ

□ बल्लभ महाजन

भजी ई सरीर को काई छ

किराया को मकान छ

भाज न तो काल, खाली करणी ई छ ईम काई को गरब छ

काल ई मकान मालिक को कागद आयो छो

ऊन हिचकी माँळ माँडी छ

क मकान जो धाँक पास छ ऊई खूब बरतजो

काई बात की कसर मत करजो, कोई सुं मत डरजो

॥ पण ईत आपणी ई समझवा की गलती मत करजो

परायौ जाण कोई पूछै तो कहता रीजो—

कि भजी काई छ किराया को मकान छ

भाज न तो काल खाली करणोई छ....

घौर मकान मालिक न आगे माँडी छ

भगर धान भूरा मकान की

खूब सफाई संभाल राखी तो

भब की बार धाई न ऊपरली उजासदार चौबारी दूंगी

भर धान मकान में गंदगी राखी तो

भबकी बार याई नीचली भंघेरी भंडार दूंगी ।

इं वास्तै यौं सूं कहवै ॥ महाजन  
कहता रहौ चौबीस कलाक भजन  
अर ऊं सूं सदा डरता री, ऊंई सुभरता री  
अर कोई पूंछै तो कहता री कि  
अजी कांई छ किराया को मकान छ  
भाज न तो काल खाली करणौई छ.....



## देसड़लौ म्हारौ

□ भरजुन सिंघ सेखावत

भाभी जांणै  
कबूतरी रंग  
गोल राठीड़ी सोगाली  
भाटाळी पोतियी बांध्यो

देस म्हारौ  
उदास-उदास  
डरू-फरू ऊभी  
ठोड़-ठोड़ सूं  
फाटी भंगरखी  
बादळयां री  
सीरालीर  
सांवळा डील माथै  
घटक री ही  
लटक री ही  
जाणै  
बानरवाळ लटकती भै  
देवरा पै  
जिए रै मांयकर भांके ही  
काळजी मायड़-भोम री  
कठेई-कठेई

रंग-बिरंगी लाग्योड़ी कारियां  
 माळीपानां ज्यूं लागै ही  
 मूरत-सी मूरत रै  
 मायइभोम रै  
 उफएतै हिवइं री  
 उबळतै अंतस री  
 कळकळतै काळजै री पीड़ री  
 बाफ निसरै ही  
 जिएनै नै थै कैबता रैवौ  
 ऊमस है, गरमी है  
 लू है  
 पेट में आंटा देती  
 बात-बात में आंटा खाती  
 आटै रा पाटा सैती  
 देसइलौ म्हारौ ।



## फकीरी

□ स्याम श्रीपत

भवल भलमस्ती री भवतार  
सरस वेदां श्रुतियां री सार  
घातमा री असली भाण्ड  
भनोखी अणहद री अणकार

मिटारै स्वारथ माया मोह  
जगत री चिताया दे भाड़  
फकीरी पोषण जूँ निरछेप  
खड़ी भवसागर रै मरुघार

प्रकारथ जिए रै प्रागळ भरष  
राजसी ठाठ भोग मद-पान  
जगत नै समझै धूळ समान  
फकीरी कवि कबीर री प्यान

फकीरी भुगती री परसाद  
रगां री रगताळू अणकार  
घातमा री असीम सूँ भेळ  
फकीरी 'भेड़तणी' री प्यार

गरीबी घस्ती री अभिसाप  
 फकीरी सुरपुर री वरदान  
 गरीबी आंसूझों री धार  
 फकीरी अस-बंस री ग्यान

फकीरी जोग अमीरी भोग  
 गरीबी रोग जगत री मार  
 फकीरी महा प्रलय रँ बीच  
 नाव भवसागर करणी पार ।

□

## फागणी दूहा ५

□ कुंदन सिंघ 'सजल'

कोयल बोली बाग में कामल बोली गेह ।  
फागणियो बरसा रह्यो घर घर आकर नेह ॥

जोवन गंधावण लग्यो, घर, आंगण, पथ, द्वार ।  
छुवन मीत री देयगी, मन नै पंख हजार ॥

कठै उड र्यो रंग तो, कठै बाज र्या चंग ।  
पीठ ठोक र्यो सब जगो, सबकी खड्यो अनंग ॥

फागण किलक्यो गांव में, मुळक्या सब रा होठ ।  
चार्य कोनी भै नयण, अब धूंधट री ओट ॥

खेतां, बागां, पाटियां में आमां री छांव ।  
फागण आयी आयगी याद आपरी गांव ॥

अभराई री गंध मे, भीज्या दिन भर रात ।  
बिन थारै मनयो रचै, फागण किए रै साथ ॥

विध्वी दूव री बाग में सेज और पे पास ।  
मुसकिल है अब मन, नयन, अधरां पर बिसवास ॥



पग बढ़ावतो घामगो, पागण घपणें द्वार ।  
 गेज-गेज मे बंध रही पीळी बंदनवार ॥  
 सोरभ थारें रूप री, बिसरी ब्याहमेर ।  
 मंथरां जूँ थारी गल्ली, जटर्नं सम्या निमोर ॥  
 पीळी तन, पीळी चुनर, पीळा पीळा गेन ।  
 बसिता तिगबा नें 'सज्ज', कर रूमा है संजेत ॥

□

## बात

□ कमर मेवाड़ी

इए बगत नै बढलनो पड़सी

वै दिन लदग्या

जद लोग

हवाई घोड़ा भापै

सवारी गाँठता हा

कद तलक

मिमियावता रैवैला लोग

बाळता रैवैला

भापणै सरीर री रगत

भर कद तलक

जोवता रैवैला मूण्डो

वां डकरैल भंडका री

आ बात सगळां नै

शेक दिन समझणी पड़सी

के मुट्ठी भर लोग

हजारां-लाखां लोगां नै

कटो तौई मूरण मणायता रँबैसा  
 इण बास्तै  
 फगत जरूरी है  
 इण बात नै समझणी  
 के मगत नै किण तरं  
 बदळ्यो जाय सकें ।

□

## विरासत

□ करणीवान बारहठ

देस नै काई दे रया हो,  
विरासत में, म्हारा माईत !  
चोरी, डकैती, फरेब, झूठ  
भ्रस्टाचार, पापाचार, चापलूसी, चमचागिरी ?  
म्हे ईं गळोड़ी संस्कृती रो  
सोधन कठै तक कर लेस्यां म्हारा बीरा !  
पतौ नीं, ईं सत्यानासी रै बूटै रा बीज  
कुण फेंकग्यो म्हारी घरती पर;  
किसी ईं करल्यो बार-बार फाड़ करणै पर  
कस्सी ऊं खोदणै पर  
सुहागो लगणै पर ईं  
धौ बीज दिन दूणो बघ रयौ है  
पर म्हारली चावती फसल उगण ऊं रीगी ।

□

## जिनगी रास कियां आवे

□ कैलास मतहर

सुपना में ईं मौत ईं दीसैं, जिनगी रास कियां आवे  
छाती में तो राख भरी है, नीका सांस कियां आवे

भावो खांसी दम ईं उपड़ी  
भाठा फोड़ां पेट भरां  
कोई घणी न धोरी म्हारो  
कींकर जीवां कियां मरां

विजली घली दूर म्हारें सूं, घरां उजास कियां आवे  
सुपना में ईं मौत ईं दीसैं जिनगी रास कियां आवे

फाट्योड़ा गामां मे धापू  
जीवन ढकती मांय सुकी  
रामूड़ी भूखी ईं सोयी  
मा-बापां री कमर भुकी

टावरपण में बूढ़ा होग्या अब हिवळास कियां आवे  
सुपना मे ईं मौत ईं दीसैं जिनगी रास कियां आवे ।

□

कुण मानै

□ फतहलाल गुजर

बात सांची है  
पण कुण मानै  
जाण'र ई सब  
भाप-भापरी तांछें  
समझदारी रौ सरटीफिकेट  
लटका'र फिह'र  
कितरी ई दांछ यूं जीवतौ ई मरु'  
ऊपर सूं भादसं यी के मास्टर हौ  
बिना मतलब कोई नी गांठि  
अफसर तौ काई  
अंगूठा छाप पंच ई डांटे  
भाषा कानून अर बीळा अफसर  
पांगळी जनता अर मूंगा नौकर  
यां बांच्यो क नीं बांच्यो ?  
बरस बिकलांग है  
घी छपियोड़ी  
अखबारों रें पानि पानि  
दफतर में फायला फाटगी  
रह्या-साह्या पानड़ा  
उदायां छाटगी  
बाबू बदलीज ग्या

साव री तरकारी धूँगी  
 बनीला रा घर बलुग्या  
 म्हांरा गून-पसीनां मूँ  
 कमायोडा पदस्या मूँ  
 घणा रा टावर भलुग्या  
 कोरट रा कानून  
 नित नया  
 तीन बेत. तेरा गया  
 सांघा रा भूँठा, घर भूँठा रा सांघा  
 गुण'र पँससो घर माया पाछा  
 नतीजो निल  
 कोरट घर गया रा तरचा री  
 तीन हजार तेरह री बिल  
 घोर बलाय साहूकार न  
 बालान कीषो बाण  
 ग्याती घर गोती  
 जिल्द बद्धोड़ी पोयी  
 जाण्या हा घापणा  
 वैं काटवा बँठा  
 ज्ञानी तिलपटा  
 ज्ञान घाटवा बँठा  
 वणारा प्रेमसागर रा  
 पाना फाटी ग्या  
 बाँचें तो काई  
 घर नाचें तो काई  
 भागणो बाँकी  
 सांग नयो है  
 राई री भाव राखूँ ई गयो है  
 मन नै मारी बँठा हा  
 छानै रा छानै  
 बात सांची, पण कुण मानै ।

## मूँ बापड़ौ

□ मोड़ सिध बल्ला 'मृगेन्द्र'

मारी काँई घोकात  
के मूँ  
भापनँ केह सकूँ  
के भाप माँनँ  
ठग रिया हो  
नस नस री लोही  
माकण बणिनँ  
बणिक जी  
पी द्या हो ।  
भापरी कलम  
खाता पाना पै नी नै  
माँणी गरदन पै  
छरी ज्यूँ चालै  
माँरी घरी-गिरस्थी रा  
सगळा माथा  
करज खाता रा भोळ्याँ में  
फस्योँड़ा लटक्योँड़ा है  
मूँ बापड़ौ भासांभी  
मां को पेट  
भाप सेठ  
मूँ काँई केह सकूँ भापनँ



देस री करसौ हूँ  
 हुकम री गुलाम  
 भराघी जठे हांमी  
 करूँ-हां  
 कराघी तो करूँ-ना  
 आपरी हाँ ना  
 मारी हाँ ना  
 आपरा भला में  
 मारी भली  
 बोट पड़ै तो  
 होट पड़ै तो  
 पंचाती जाजम होवै  
 के तैसीलदार, हाकम होवै  
 मारै तो मोटी पेट  
 आप सेठ  
 सूँ काई केह सकूँ आपनै ।



## बादली आज बरसती जा

□ पुखराज मुणोत

बादली आज बरसती जा  
खेतां री माटी री कण कण  
घासूं करै पुकार  
बरस बादली म्हांनै कर बै  
माटी सूं रतनार

सोना री संसार बणा  
धूं आज सरसती जा  
बादली आज बरसती जा

गरज गरज नै अरे बावली  
बधूं छाती नै फाड़ै  
गरजै वा नी बरसै इएनै  
ऊभी करसी ताड़ै

गरज तरज नै छोड़ बादली  
आज मुठकती जा  
बादली आज बरसती जा

सूख्या सरवर रुंख,  
जानवर भूखा तिरखा पड़िया  
लू-लपटां री भोर भपट मे  
कितरा टावर गुड़िया

जीवण री यूं जोत जळा दे  
आज हुळसती जा  
बादली आज बरसती जा ।



## दो कवितावां

□ केसव "पथिक"

### मीत

म्हें  
दिन मांय  
भाठा फोड़ूं  
अर,  
रात मांय तारा गिणूं,  
म्हने  
दिन री भूल  
रात मांय ई सतावै,  
पण—  
आ पापी मीत  
न ती रांत मांय आवै  
न दिन मांय आवै ।

### रिस्तौ

ई  
घरती मे  
घन ती घणी  
पण  
पाणी री तोड़ी है,  
जणी सूं अठै  
गरीबी अर अमीरी री  
जुग-जुग सूं जोड़ी है ।

□



## माळी री हुंसीयारी

□ गिरधारी सिंह राजावत

हिये रै  
हरिषा बाग में  
गुणां री कंवळी कळियां  
भर सोवणां पोधां रै सागे'ई  
भौगणां रा भाड़-भंखाड़ ई  
भवस उगी ।  
मा तो  
माळी री हुंसीयारी छै'क  
भाड़-भंखाड़  
भर घास-फूस नै  
बघण री भीसर नी दे'र  
पोधां नै  
बड़ी जुगत सूं पाळ-पोस'र  
मोटा करै ।  
जीं सूं  
बाग सीवणी'र  
मन भावणी बणु ज्यारै ।

□ १

कारज  
□ रमेश मयंक

भाषां  
सगळा साथीडा  
मेक-दूजे री  
उणियारी देखेर  
गुलाब री भाँति खिला  
मनड़ा री बातां करां  
बातां ई बातां में  
रात बीत जासी  
परभात ई आसी  
आमी  
किणी भजन नै गाल्यां  
भाषां लारै-लारै चालां

फेर  
दिन ऊगसी  
चालणी सूझसी  
मारग ती घणी है  
पण  
हिम्मत कोनी हारणी है  
ढववा मे कोनी सार  
चालण नै हुवो त्यार  
आमी

सूता मिनखां नै जगा ल्यां  
 भापां लारै-लारै चालां  
 चरकल्यां  
 ची-चीं करती उड़ जावै  
 टाबर  
 मदरसा रै मारण मायै  
 निजरै घावै

मजूर  
 कारखाना में काम संभालै ला  
 करसांण खेत रूखाळै ला  
 जठै-जठै चालातां  
 नुंवां मारण बणैला  
 भापणी  
 हिम्मत रै पांण  
 देस घागै बघैला  
 भाघी  
 नुवां-नुवां  
 सिरजण रा सपना सजात्यां  
 भापां-लारै-लारै चालां

बीज  
 अकारण कोनी जासी  
 मैणत री फसलां  
 तिरंगा री मान बघासी  
 इण रा  
 जस न  
 जुगां-जुगां तांई  
 सगळा मिनख गासी  
 भाघी  
 सुकारण सूं  
 मिनखा जूण री मोल चुकात्यां  
 भापां लारै-लारै चालां



## हिवड़ै रा गीत

□ दीपचन्द्र सुथार

तूटगी म्हारै  
गीतां री कड़ियां  
जी नै म्है/घणै हरख सूं  
छीया-तावड़ै रै दासै मायें  
पल पल रै धागै सूं  
पिरोई ही ।  
ठम्बू ज्यूं फूल रिया है  
हेत राखणिया/पण म्हारी-  
पगां हेठै सूं  
खिसक जमी रयी है ।  
सुण रियौ हूं—  
अपार दिनां री जिनगांणी है  
फैर/क्यूं भैंडो बेवार करै ?  
फूलां मांय मैक भरी है  
मैदी माय सिणमार भरियौ है  
कारण सगळा जांखै  
मीकौ पड़ै/जद—  
दूजां नै समझावै  
खुद नी अपणावै ।  
बिचार भावै—  
क्यूं घोरां मायें म्हैल पुणावै ?

तू बिरथा में धूक उछाले ?  
 कीकर बातां तू समझाऊं  
 मोल सम रो बतलाऊं ।  
 मेणत कदेयी बिरथा नो जावै  
 दिन दूणी—  
 सरसै/मैकै  
 डांडी बण जावै  
 भूल्या-भटवयां री  
 हिमत बंध जावै  
 म्है तो/हिवड़े रा गीत सुणाऊं /  
 ये जीवण रो/सिणगार करौ ।



हेलौ

□ सांवत राम 'कासणिया'

मैलां में रैवणिया बेसी,  
नीचं भांक रै ।  
मखमलिया गिदरां री जीवण,  
इण सूं धाक रै ।

तपै तावड़ें, रात्यूं ग्हाटे,  
खोद दडानें, साळा पारटें,  
चुबं पसीनी, रेतो घाटे,  
ढोरां जैड़ी जीवण काटे,  
राखै काण रै

फाटा गामा, गोछां ताणी,  
नहीं मिलै पीवणनै पाणी,  
लूटी टपरी सिरकी तांणी,  
रठ्यी राम, राज नी जाणी,  
दोरी पेट रै

ये लूटी ही रात्यूं बानै,  
पण भै यानै मायत मानै,  
देव भंगूठी खात्ती पानै,  
तोई भरोसो कोनी यानै,  
लेवो साख रै

□

## बाळगीत

□ राम निरंजन 'ठिमाऊ'

वीर भोम रै बाळकां नै मायइ करै पुकार  
तइके रै भारत रा बेटां ये हो सिरजणहार

म्हारी बडकी राणाजी हो कदै न पीठ दिसाई  
बांरी भमर्यो हृदयै घास री हंस-हंस रोटी साई  
बोली बांरी जै जैकार

वीर भोम रै बाळकां नै मायइ करै पुकार

वीर भोम री इज्जत सातर बळगी रजपूताण्यां  
घाती चौड़ी करने गावां बांरै जस री बाण्यां  
वै ही वीर प्रसूता नार

वीर भोम रै बाळकां नै मायइ करै पुकार

भामासा हो मिनख लसीछी घनड़ी सेना में बंटवायी  
जलमभोम री सेवा करने पायी कितरी नांव रावायी  
मां सब री सीलां री सार

वीर-भोम रै बाळकां नै मायइ करै पुकार  
इके रै भारत रा बेटां ये हो सिरजणहार

□

कागा

□ जगदीस चन्द्र सरमा

कागा बोले कांव-कांव,  
रोटी खावे गांव-गांव,  
पांणी पीवे ठांव-ठांव ।

उडता जावे भूम-भूम,  
ऊंचाई ने चूम-चूम,  
पाछा भावे घूम-घूम ।

साडू जीमे चूर-चूर,  
गणता जावे बूर-बूर,  
देखे सबने घूर-घूर ।

□

। .

## मोती-मणिया ✓

□ महावीर जोसी

वो ई सांची मानवी, वो ई सांची मद ।  
पर पीड़ा न घांटलै, हंस न भेल दद ॥  
संध लगावै रात में, दिन रा पैरादार ।  
वै घर न कुण सांमलै, मुखिया बंटाघार ॥  
हंसा न बासी नहीं, करै कागला सौर ।  
के होसी वै देस री, यण्या खुलाळा चोर ॥  
बोली बोलै ओपरी, पैर विराणू भेस ।  
कदै न ऊंची हो सकै, वा मिनखा री देस ॥  
करतव सूं भूँ मोड़ कर, मांगै जो अधिकार ।  
वां मिनखा री देस री, कदै न धै उदार ॥  
चोळी घार्यां सूं कदै, बणै न कागा हंस ।  
दूध परोसी नाग नै, पण मारैगी दंस ॥  
हाकिम हुवै न बावळी, चाकरनीं हुंसियार ।  
जोवन कदै न सुंगली, जरठा रद सिणमार ॥  
सांच कही भूटी कही, न्याव-नाड नै मोस ।  
तुलसी बावो कै गयी, ठाडै को नीं दीस ॥

□



## लेखकों रा ठिकाणा

अमोलकचंद जांगिड़	: प्र. अ., रा. उ. प्रा. वि., बिसाऊ, भुंभनू
अरजुन सिंघ सेखावत	: प्र. अ., रा. उ. प्रा. वि., फासना, पाती
अरजुन 'अरविंद'	: काली पल्टन रोड़, टोंक
अनाराम सुदामा	: मु. पो. उदयरामसर, बीकानेर
इश्वर झाउवा	: मु. पो. झाउवा, पाती
ईश्वर सिंघ कुलहरि	: प्र. अ., रा. मा. वि., डांडण, सीकर
उदयवीर सरमा	: प्र. अ., रा. मा. वि., गांगियासर, भुंभनू
कमला वरमा	: प्रयाग कुटीर, नई लाइन, गंगासहर, बीकानेर
कल्याण सिंघ राजावत	: 53, सिल्प कॉलोनी भोटवाड़ा, जयपुर
कुंदन सिंघ 'सजल'	: अध्यापक, रा. मा. वि., रायपुर, पाटन, सीकर
कमर मेवाड़ी	: चांदपोल, कांकरोली, उदयपुर
करणीदान बारहठ	: मु. पो. फेफाना, गंगानगर
कैलास मनहर	: स्वामी भौहल्ली, मनोहरपुर, जयपुर
कैसव पधिक	: कचहरी, कपासन, चित्तौड़गढ़
गिरधारी सिंघ राजावत	: मु. पो. कोलिया, नागौर
चन्द्रदान चारण	: नवयुग ग्रन्थ कुटीर के पीछे, कोटगेट, बीकानेर
जनकराज पारीक	: प्रधानाध्यापक, ज्ञानज्योति उच्च माध्यमिक विद्यालय, श्री करनपुर, गंगानगर
जगदीश चंद्र सरमा	: प्र. अ., रा. मा. वि., पछमता, उदयपुर
दीपचंद सुयार	: रा. उ. प्रा. वि. न. 1, मेड़ता सिटी, नागौर
धनंजय वरमा	: नगरपालिका के सामने, बीकानेर
डॉ. नरसिंघ राजपुरोहित	: मु. पो. छांडप, बाड़मेर



पुलराज मुणोत	: रा. मा. वि., तखतगढ़, पाली
फतहलाल गूजर	: जाटगली, कांकरोली, उदयपुर
मगरचंद्र बवे	: रा. मा. वि., हरजी, जालोर
मोर्डासिध बल्ला 'भूगेन्द्र'	: रा. मा. वि., थड़ा बाया धमोतर, चित्तौड़गढ़
मुरलीधर सरमा 'विमल'	: प्रधा. रा. मा. वि., नरसिंहपुरा—माभूवास, गंगानगर
मूलदान देपावत	: सादुल उ. मा. वि., बीकानेर
महावीर जोसी	: रा. उ. प्रा. वि., मोही, कुंभनू
भगवतीलाल व्यास	: लोकमान्य तिलक टी. टी. कॉलेज, डबोक, उदयपुर
भीखालाल व्यास	: रा. उ. मा. वि., सिवाना, बाड़मेर
भागोरथसिध भाग्य	: मु. पो. बगड़, कुंभनू
बिलीप सिध चौहाण	: उ. मा. वि., साकरोदा-मिर्वा, उदयपुर
रमैस मयंक	: रा. मा. वि., वस्ती, चित्तौड़गढ़
रघुनन्दन त्रिवेदी	: शारीरिक शिक्षा महाविद्यालय, जोधपुर
रामनियास सोनी	: काली जी का चौक, साहणू, नामौर
रामेश्वरदयाल श्रीमाली	: प्र. अ., रा. मा. वि., जवासी, पाली
रामनिरंजन सरमा	
'ठिमाऊ'	: साबू मा. वि., पिलाणी, कुंभनू
रूप सिध राठीड़	: मु. पो. बास घासीराम, बाया—भलसीसर, कुंभनू
लक्ष्मण सिध रसवंत	: अध्यापक, रा. उ. प्रा. वि., भैरूदा, नागौर
यामु आचार्य	: बाहेती चौक, बीकानेर
वल्लभ महाजन	: रा. शि. प्र. वि., नान्तामहल, कोटा
स्याम धीपत	: प्र. अ., रा. उ. मा. वि., समदड़ी, बाड़मेर
स्यामसुन्दर भारती	: अध्यापक, फतहसागर, जोधपुर
सवाई सिध सेखावत	: उ. मा. वि., उदयपुरवाटी, कुंभनू
सिवराज छागारी	: सादुल पुस्करणा हायर सैकण्डरी स्कूल, बीकानेर
सिव मूदुल	: अध्यापक, रा. उ. मा. वि., चित्तौड़गढ़
सांवर बड़या	: जेल रोड़, बीकानेर
सांबतराम कासणिया	: अध्यापक, रा. उ. प्रा. विद्यालय नं. 1, मेड़ता सिटी, नागौर
त्रिलोक गोयल	: अग्रसेन नगर, अजमेर

## शिक्षक दिवस प्रकाशन

### [ सम्पूर्ण सूची ]

1967 : 1. प्रस्तुति (कविता), 2. प्रस्थिति (कहानी), 3. परिक्षेप (विविधा), 4. सालिक ए गोहर (उर्दू), 5. द्वार की दावत (उर्दू)

1968 : 6. कैसे भूलूँ (संस्मरण), 7. सन्निवेश (विविधा), 8. बागवो (उर्दू)

1969 : 9 प्रस्तुति-2 (कविता), 10. बिम्ब-बिम्ब चांदनी (गीत), 11. प्रस्थिति-2 (कहानी), 12. अमर चुनड़ी (राजस्थानी कहानी), 13. यदि गांधी शिक्षक होते (निबन्ध), 14. गांधी-दर्शन और शिक्षा 15. सन्निवेश-बो (विविधा)

1970 : 16. सूखा गाँव (गीत), 17. खिड़की (कहानी), 18. कैसे भूलूँ-बो (संस्मरण), 19. सन्निवेश-सीन (विविधा)

1971 : 20. प्रस्तुति-3 (कविता), 21. प्रस्थिति-3 (कहानी), 22. सन्निवेश-4 (विविधा)

1972 : 23. प्रस्तुति-4 (कविता), 24. प्रस्थिति-4 (कहानी), 25. सन्निवेश-5 (विविधा), 26. माछा (राजस्थानी)

1973 : 27 घूप के पंखेरू (कविता), 28. खिलखिलाता गुलमोहर (कहानी), 29. रेजुगारी का रोज़गार (एकांकी), 30. अस्तिस्व की खोज (विविधा), 31. जूनी बेली : नुयाँ बेली (राजस्थानी विविधा)

1974 : 32. रोशनी बाँट दो (कविता) सं० रामदेव धाचार्य, 33. अपने पास-पास (कहानी), सं० मणि मधुकर, 34. रत्न रत्न बहुरत्न (एकांकी) सं० डॉ. राजानन्द, 35. गांधी और आस्था व भगवान महावीर (दो राजस्थानी उपन्यास) सं० यादवेन्द्र शर्मा 'चन्द्र' 36. बारतड़ी (राज. विविधा) सं० वेद ध्यास

1975 : 37. अपने से बाहर अपने में (कविता) सं० मंगल सक्सेना, 38. एक घोर अन्तरिक्ष (कहानी) सं० डॉ. नवलकिशोर 39. संभाळ

(राजस्थानी कहानी) सं. विजयदान देवा, 40. स्वर्ग-भ्रष्ट (उपन्यास) ले. भगवती प्रसाद व्यास, सं. डॉ. रामदरश मिश्र, 41. विविधा सं. डॉ. राजेन्द्र शर्मा

1976 : 42. इस बार (कविता) सं. नन्द चतुर्वेदी, 43. संकल्प स्वरों के (कविता) सं. हरीश भादानी, 44. बरगद की छाया (कहानी) सं. डॉ. विश्वम्भरनाथ उपाध्याय 45. चेहरों के खोच (कहानी व नाटक) सं. योगेन्द्र किसलय, 46. माध्यम (विविधा) सं. विश्वनाथ सचदेव

1977 : 47. सृजन के आयास (निबन्ध) सं. डॉ. देवी प्रसाद गुप्त, 48. क्यों (कहानी व लघु उपन्यास) सं. शबल कुमार, 49. छेते रा चितराम (राजस्थानी विविधा) सं. डॉ. नारायण सिंह भाटी 50. समय के संदर्भ (कविता) सं. जुगमन्दिर सायल, 51. रङ्ग वितान (नाटक) सं. सुधा राजहंस ।

1978 : 52. अंधेरे के नाम सन्धि पत्र नहीं (कहानी संकलन) सं. हिमांशु जोशी, 53. तलाश (राजस्थानी विविधा) सं. रावत सारस्वत, 54. रचेगा संगीत (कविता संकलन) सं. नन्दकिशोर आचार्य, 55. दो गाँव (उपन्यास) ले. मुकारम खान भाजाद, सं. डॉ. आदर्श सक्सेना, 56. अभिव्यक्ति की तलाश (निबन्ध) सं. डॉ. रामगोपाल गोयल

1979 : 57. एक कदम आगे (कहानी संकलन) सं. ममता कालिया, 58. लगभग जीवन (कविता संकलन) सं. सीताधर जगूड़ी, 59. जीवन यात्रा का कौसाज/नं. ? (हिन्दी विविधा) सं. डॉ. जगदीश जोशी, 60. कोरली कलम री (राजस्थानी विविधा) सं. अन्नाराम सुदामा, 61. यह किताब बच्चों की (बाल साहित्य) सं. डॉ. हरिकृष्ण देवसरे

1980 : 62. पानी की लकीर (कविता संकलन) सं. अमृता प्रीतम, 63. प्रयास (कहानी संकलन) सं. शिवानी, 64. मंजूषा (हिन्दी विविधा) सं. डॉ. राकेश जैन, 65. अंतस रा आंतर (राजस्थानी विविधा) सं. डॉ. नृसिंह राजपुरोहित, 66. लिखते रहें युताब (बाल साहित्य) सं. जयप्रकाश भारती

1981 : 67. अपने से परे (कहानी संकलन) सं. मन्नू भंडारी, 68. अंधेरी का हितास (कविता संकलन) सं. सर्वेश्वर दयान सक्सेना, 69. यन्देमातरम् (हिन्दी विविधा) सं. डॉ. विवेकी राय, 70. एक बुनिया बच्चों की (बाल साहित्य) सं. पुष्पा भारती, 71. सिरजण (राजस्थानी विविधा) सं. तेज सिध जोषा ।

## शिक्षक दिवस प्रकाशन 1981

### समीक्षकों की नजर में

राजस्थान शिक्षा विभाग द्वारा शिक्षक दिवस प्रकाशन योजना के अन्तर्गत राज्य के सृजनशील शिक्षक साहित्यकारों की चार कृतियाँ 1980 वर्ष की सार्थक उपलब्धियाँ हैं।  
—नवभारत टाइम्स

संग्रह में सभी कविताएँ, कविता की दृष्टि से महत्वपूर्ण हैं, यद्यपि कुछ कविताओं को पढ़कर कविता जैसा कुछ नहीं लगता किन्तु कलात्मक प्रयास की नकारा भी नहीं जा सकता।  
—नवभारत टाइम्स

‘प्रयास’ कहानी लेखकों का उत्तम प्रयास है तथा शिवानी का सम्पादन वक्तव्य नव लेखकों को गुरु-प्रेरणा का प्रयास है।  
—नवभारत टाइम्स

‘मंजूषा’ में संकलित अधिकांश रचनाएँ एक ओर शिक्षकों की जीवन-पीड़ा तथा घुटन प्रस्तुत करती है तो दूसरी ओर सामाजिक मूल्यों में उनकी निष्ठा और शिक्षार्थियों के गिरते स्तर के प्रति चिन्ता तथा जागरूक उत्तर-दायित्व उभारती है।  
—नवभारत टाइम्स

संकलन में एक तरफ तो ऐसी रचनाएँ हैं जिनसे बच्चों को चरित्र निर्माण की प्रेरणा मिलेगी तो दूसरी तरफ ऐसी रचनाएँ भी हैं जिनसे उनका स्वस्थ मनोरंजन भी होगा।  
—समाज कल्याण, दिल्ली

रचनाश्री की विषय वस्तु परम्परागत होते हुए भी बालकों के मानसिक विकास में सहायक हो सकती है। सभी रचनाओं में विशेषकर कहानियों में अनुभव की उष्णता विद्यमान है। संकलन निश्चय ही नन्हे-मुन्हे पाठकों के लिए उपयोगी है।  
—समाज कल्याण, दिल्ली

संग्रह की अधिकतर कविताएँ जिन्दगी के फोटो हैं। इनमें किसी प्रकार के छद्म आदर्श की प्रस्तावना नहीं है।  
—समाज कल्याण, दिल्ली

इस संग्रह की अधिकांश कविताएँ एक ऐसे आदमी की छटपटाहट को व्यक्त करने का प्रयास है जो निरन्तर अपरिचित एवं अमानवीय होते जा रहे परिवेश से पूर्णतया संपृक्त है। इस संपृक्ति के कारण ही राजस्थान के ये सृजनशील अध्यापक अपने आसपास के परिचित सन्दर्भों को सज्जनात्मक आग्रह प्रदान कर पाये हैं।

—समाज कल्याण, दिल्ली

जिस तरह संग्रह की रचनाओं की संवेदना जिन्दगी से निष्पन्न है, उसी तरह इनकी संरचना भी। कविताओं की संरचना में कोई जटिलता नहीं है। लगभग सभी कविताओं में एक अनगढ़ता मौजूद है। यह अनगढ़ता ही इन कविताओं को विशिष्ट बनाती है।

—समाज कल्याण, दिल्ली

राजस्थान के शिक्षा विभाग ने विगत कुछ वर्षों से शिक्षक दिवस पर राज्य के शिक्षक साहित्यकारों की रचनाएँ पुस्तक रूप में छापने की एक स्वयं परम्परा प्रारम्भ की है। इस योजना से अनेक सृजनशील साहित्यकारों को साहित्यिक क्षेत्र में अपना स्थान बनाने के लिए भी प्रेरणा तथा प्रोत्साहन मिला है।

—दैनिक हिन्दुस्तान

'पानी की लकीर' कुल मिला कर एक अच्छा संकलन है और उसमें सम्मिलित कवियों की क्षमता का परिचायक है।

—दैनिक हिन्दुस्तान

'अंतस रा आखर' में प्रारम्भ से अन्त तक राजस्थानी की ही छटा मिलती है।

—दैनिक हिन्दुस्तान

आज भी समाज में अध्यापक से ही आदर्श जीवन की अपेक्षा की जाती है, अतः इन कहानियों में से अधिकांश का स्वर आदर्श और सुधारवादी रहा है तो इसे अस्वाभाविक नहीं माना जा सकता।

—प्रकर, दिस., 80

जयप्रकाश भारती ने अध्यापकों की इस अनमोल मेंट को सम्पादित कर बच्चों के सामने प्रस्तुत किया है, सम्पादक का कहना है कि जब-जब बच्चे इसे पढ़ेंगे मनोरंजन होने के साथ उनको कहीं कोई रोशनी की लकीर भी दिखाई देगी।

—दैनिक हिन्दुस्तान

सरकारी महकमों ने इतना निराश किया है कि जब हम राजस्थान के शिक्षा विभाग के प्रकाशनो पर नजर डालते हैं तो एक बारगी आश्चर्य में ही डूब जाते हैं।

—दैनिक राजस्थान पत्रिका

संकलन की अधिकांश कविताएँ जैसा कि कहा—जीवन की विसंगतियों, दैनिक जीवन की आपाधापी और उधेड़बुनो को व्यक्त करती हैं। इनमें ज्यादातर प्रलाप लगती हैं, कविता कम।

—इतवारी पत्रिका









## तेजस्विंध जोधा

७ जुलाई १९५० को नागौर जिले के रण-  
सोतर गाँव में जन्म।

समकालीन राजस्थानी कविता के महत्वपूर्ण  
कवि। मन् ७१ में 'राजस्थानी-ग्रंथ' का  
सम्पादन, जो राजस्थानी कविता की मूल धारा  
में परिवर्तन का कारण बनी।

हिन्दी की सभ्य प्रतिष्ठ साहित्यिक पत्रिकाओं  
मया/आलोचना और 'सहर' आदि में  
इनकी राजस्थानी कविताओं का प्रकाशन और  
वर्षा।

'परम्परा' शोध पत्रिका के काव्य एवं काव्य-  
आलोचना विभागांक 'हेमांगी' का सम्पादन।  
'दीप्त' एवं 'जागतीबोत' के सम्पादन भी रहे।  
वर्तमान में 'मासिक' मासिक का सम्पादन, जो  
प्रसार संस्था की दृष्टि से राजस्थानी की  
पहली बड़ी पत्रिका है।

रोजगार के विनियमों में प्राथमिक विभाग  
के अध्यापन, पौन की लौकरी और 'राजस्थान  
पत्रिका' और 'दैनिक जलते दीप' के सम्पादकीय  
विभागों में भटक लेने के बाद पिछले कुछ वर्षों  
से मोहता महाविद्यालय माहलपुर (बूढ़) में  
हिन्दी के प्रवक्ता हैं।